



Տպ. Պ. Չ/Լեֆևր

ՌՈՒԲԵՆ ՍԵԻԱԿ

ՀԱՏԸՆՏԻՐ



ՀՀ ՍՓՅՈՒՌՔԻ ՆԱԽԱՐԱՐՈՒԹՅԱՆ
«ՄԵՐ ՄԵՍԵՐԸ» ԾՐԱԳԻՐ

ՌՈՒԲԷՆ ՍԵԻԱԿ

ՀԱՏԸՆՏԻՐ

Ժողովածուն կազմեց և առաջարանեց
Ալեքսանդր ԹՈՓՂՅԱՆԸ

Երևան
«Լուսարաց հրատարակչատուն»
2010

ՀՀ սփյուռքի նախարարութեան պատվերով
Հրատարակվում է

*Նվիրվում է բանաստեղծի ծննդյան
125-ամյակին*

Ժողովածուն կազմեց և առաջարանեց
Ալեքսանդր ԹՈՓՉՅԱՆԸ

ISBN 978-9939-808-68-0

©Ալ. Թոփչյան, կազմելու համար, 2010թ.

ՊԱՐՏՔԻ ԵՎ ՊԱՏՎԻ ԱՍՊԵՏԸ

(Ռուբեն Սևակի ծննդյան 125-ամյակի առթիվ)

1945 թ. Նյուրնբերգյան դատավարության մեղադրյալների մեջ էր նաև Մորավիայի և Բուհեմիայի գաուլդեյտեր, չեխոսլովակյան Լիդիցե գյուղի բնաջնջման հիմնական մեղավոր բարոն Կոնստանտին Փոն Նոյրաթը:

Առյանում ընթերցված մեղադրանքների ցուցակը միայն սրանով չէր ավարտվում, այնտեղ բաղմամբիվ ուրիշ ոճիրներ էին թվարկվում: Այնուհանդերձ ցուցակը լրիվ չէր, այնտեղ չկային Առաջին համաշխարհային պատերազմի ընթացքում դորժած նրա հանցանքները և հատկապես դրանցից մեկը, որն ուղղակիորեն առնչվում էր Ռուբեն Սևակի ճակատագրին:

Կապույտ արյուն ունեցող այս ոճրագործը, Հիտլերի մտերիմ և հավատարիմ համախոհներից մեկն էր: 1915-ին, երբ կայզերական Գերմանիայի հյուպատոսն էր Կոստանդնուպոլսում, բանաստեղծի ճակատագիրը բառացիորեն նրա ձեռքին էր, և կարող էր նրան փրկել ստույգ մահից, բայց գիտակցված և հանցավոր քաջբռնկներով ուշացրեց իր միջնորդությունը՝ իրենց խամաճիկների թուրք իշխանությունների առջև:

Կայզերական վարչապետին հասցեագրված իր գեկուցագրում Փոն Նոյրաթը գրում էր. «Ռուբեն Սևակը համարվում է այն մտավորականներից մեկը, որը գանգվածների վրա մեծ ազդեցություն ունի, և դա վախեցնում է իշխանություններին»:

Ազնվական զիվանագետը գրեթե բառացիորեն կրկնում էր թուրք շովինիստ մտավորական Հալիդե Էզիպի խոսքերը ասված Տիկին Յաննի Սևակին. «Դեկտոր Սևակը մեծ ազդեցություն ունի հայ ժողովրդի վրա. իր խոսքերով, իր գրություններով կարող է հայ ժողովրդին ոտքի հանել: Սա է նրա հանցանքը»:

Այս առումով երիտթուրքերի կառավարությունն իսկապես լուրջ երկյուղներ կարող էր ունենալ երեսուն տարին նոր բոլորած բանաստեղծ Ռուբեն Սևակից կամ դոկտոր Ռուբեն Զիլինկիրյանից, որն ընդա-

մենը մեկ տարի էր, ինչ Լոզանից ժամանել էր Կ. Պոլիս և կարճ ժամանակում դարձել այն մտավորականներից մեկը, որոնց հանդեսը մեծ հավատ էր տաժում ժողովուրդը: Դրա դադանիքը, թերևս, նրա ստեղծագործությունների և մարդկային նկարագրի դարմանալի միասնությունն է, երբ բանաստեղծը, իր իսկ խոսքերով ասված, «կ'ապրի մեռնելով, կմեռնի անմահ»: Ժամանակակիցներից շատերի վկայություններն են պահպանվել նրա մտավորականի և մարդու հազվագյուտ հմայքների մասին: Նշանավոր Թեոդիկը՝ «Ամենուն Տարեցույց»-ի հռչակավոր խմբագիրը, այսպես է բնորոշել Ռ. Սևակին. «Աթենա իմաստություն շիթը դրած է անոր ուղեղին մեջ, էսկյուլապ բժշկության խորհուրդը, Հերմես ալ կայծը պերճախոսություն»:

Սևակի կյանքը և ստեղծագործությունը բարոյականի և գեղեցիկի բացառիկ համերաշխություն օրինակ են: Նա մաքսիմալիստ էր ամեն ինչում: Մանրամասն ծանոթանալով նրա կենսագրությանը՝ դարմանում ես, թե ինչպես է կարողացել դժվարին ժամանակներում կատարելապես մաքուր պահել և՛ իր խիղճը, և՛ իր գրիչը որևէ կոմպրոմիսից:

Փայլուն ավարտելով նշանավոր Պերպերյան վարժարանը 1905թ., քսան տարեկանում, մեկնում է Լոզան՝ տեղի համալսարանում բժշկություն ուսանելու: Իր ուշիմությունը, ջանասիրությունը և ակնառու ձիրքերով անմիջապես գրավում է դասախոսների ուշադրությունը: Մի քանի տարի շարունակ համարվում է համալսարանի առաջին ուսանողը, նրան մեծ ապագա են խոստանում բժշկության ասպարեզում: Սակայն զուգահեռ ուրիշ տաղանդներ են զարգանում և բացահայտվում:

Եվրոպայի սրտում, քսաներորդ դարասկզբի անկումային գեղագիտության համատարած և իշխող մթնոլորտում ծնվում և հաստատվում է արվեստագետ, միաժամանակ քաղաքագետ բանաստեղծը: Նրբին քնարականությամբ համակված տողերի կողքին կարգում ենք քաղաքացիական հզոր շնչով հագեցած բանաստեղծություններ, որոնք ոչ միայն վկայում են հանձնառու, ժամանակի հրատապ խնդիրնե-

րով մտահոգ բանաստեղծի տաղանդը, այլև քաղաքագետ մտավորականի հեռատեսությունը:

Իր եղերական մահվանից մոտ վեց ամիս առաջ, կյանքի չորրորդ տասնամյակը նոր-նոր ոտք դրած, հայկական, թեև համաեվրոպական առումով գրական բարձր արժեքներ ստեղծած գրողն այսպիսի տողեր էր շարադրում իր օրագրում. «Վազվընն սկսյալ պիտի ջանամ բլլալ այն, ինչ որ եմ. որովհետև այն, ինչ որ եմ ինձ կթփի, թե ավելի բարձր է, քան այն, ինչ որ կ'երևամ»:

Սա միայն կատարելության անդադար ձգտման, չիֆիչ խտտադահանջության արտահայտությունը չէ, որ պարտադիր կերպով պետք է բնորոշ լինի ամեն մի իսկական տաղանդին: Մեջբերված տողերն այս ամենով հանգերձ, Ռ. Սևակի պարագայում, նաև ուրիշ խորհուրդ են պարունակում, որը ճիշտ մեկնելով, գուցե բանալին գտնենք՝ առավել խորությամբ հասկանալու բանաստեղծի բացառիկ ճակատագիրը և ստեղծագործությունը:

Ուշադրություն դարձնենք նրա կենսագրության մի հետաքրքիր առանձնահատկությունը. նրա կյանքի առաջին տասնամյակը կարելի է բնորոշել ընդամենը մեկ բառով. թրքախոս: Չիլինկիրյանների ընտանիքում գործածական է եղել միայն թուրքերենը: Հայրը՝ Հովհաննես աղան, անգիր իմացել է ամբողջ «ժամագիրքը», «Նոր Կտակարանը», հայատառ թուրքերենով նամակներ է գրել որդուն, բայց հայերեն չի խոսել: Ինչպես փոքրիկ Սողոմոնի, այնպես էլ Ռուբենի համար հայերենը պիտի դառնար հայտնագործված, ձեռք բերված, վերադարձված լեզու, և գուցե պատահական չէր, որ հետագայում նրանք երկուսն այնքան մտերմացան, որ Կոմիտասը դարձավ Ռ. Սևակի դստեր՝ Շամիրամի կնքահայրը:

Երկրորդ տասնամյակն ամբողջությամբ նվիրված է եղել հայերենի վերանվաճմանը: Ուսումնական երեք հաստատություն անընդմեջ հաջորդել են իրար, որոնցից ամենակարևորը և վճռորոշն է եղել նշանավոր Պերպերյան վարժարանը: Ռ. Սևակն այստեղ, մի շարք առարկաների յուրացման հետ միաժամանակ կարողացավ հայագիտական բարձրակարգ կրթութ-

յուն ստանալ: Ավելին, իր ուշիմությամբ, մտավոր իր արտակարգ կարողություններով, դարձավ նշանավոր մանկավարժ Ռեթնոս Պերպերյանի սիրելի աշակերտներից մեկը: Եվ, վերջապես, նրա խորհրդով, 1905 թ. հոկտեմբերին, ապագա բանաստեղծը մեկնեց Շվեյցարիա՝ բժիշկ դառնալու:

Այս տասնամյակը ոչ միայն բնորոշվում է որպես վերադարձ ակունքներին, այլև, կարծում ենք, որ ազգային ինքնության վճռական, արագացված վերահանգնումի ընթացքում, ապագա բանաստեղծի նկարագրում հիմնավորապես հաստատվել է ազգային արժանապատվության առավել քան սրացված գիտակցումը, հայ լինելու հպարտութունը և պատասխանատվությունը: Այս տասնամյակը նաև յուրատեսակ մրցում է եղել ժամանակի հետ, քանի որ մեկ տարին դառնում էր երկու: Միայն այս կերպ կարող էր ոչ միայն վերադարձնել թրքախոսության կորուսյալ տարիները, այլև առաջ անցնել ժամանակից: Եվ որպեսզի ճիշտ խմբադրեր անցյալը, նա պիտի ճիշտ հասկանար ներկան և կռահեր ապագան: Այս մրցումը ժամանակի հետ, ի վերջո, պիտի հանգեցնե՞ր ժամանակից առաջ անցնելուն, ինչը դարձավ նրա կարճատև կյանքի երրորդ տասնամյակի ամենաբնորոշ գիծը:

Ռ. Սևակը միակն էր ոչ միայն գրողների, այլև դուրս հայ քաղաքական գործիչների մեջ, որ 1909թ. կիլիկյան աղետից հետո հստակ կանխատեսեց դեպքերի հետագա զարգացումը: Եվ զգայուն արվեստագետի նրա տաղնապները վերաբերում էին ոչ միայն հայ, այլև եվրոպական իրականությանը: Նրա բանաստեղծություններում, հոգվածներում և նամակներում կարող ենք գտնել բազմաթիվ տողեր, որոնք վկայում են, որ մարդարեացած բանաստեղծը կանխատեսել է ոչ միայն Հայոց մեծ եղեռնը, այլև աշխարհակործան պատերազմը:

Այս կանխատեսումներին զուգահեռ, նրա տողերում հաճախակի հայտնվող մահվան ուրվականը միայն տուրք չէր իր ժամանակի գեղագիտությանը, այլև մարդկության, իր ժողովրդի, վերջապես իր գլխին կախված անխուսափելի մի սպառնալիք:

Հարց է ծագում, թե Ռ. Սևակն ինչն^օւ թողեց պատերազմի արհամարհներից հեռու չեղոք Շվեյցարիան և վերադարձավ ծննդավայր, երբ այդպիսի հստակությամբ տեսնում էր «Պոլսո մղձավանջը... Սողոմի մուխն ու Գոմորի բոցը», - ինչպես գրում էր իր նամակներից մեկում գեռես 1911 թ.:

Հստակ կանխատեսելով այս ամենը՝ Սևակն շտապեց վերադառնալ, քանի որ նրա տեսակի մարդը, մտավորականը, նրա նման ազնվական բանաստեղծը չէր կարող չվերադառնալ, իր ժողովրդի հետ չլիսել իր իսկ կանխատեսած արհամարհները: Նա ստեղծագործողի այն հազվագյուտ տեսակից էր, որոնք ոչ միայն խոսքով, այլև գործով են ապացուցում բանաստեղծի և ժողովրդի ճակատագրերի միասնությունը:

Ռ. Սևակը գեռես 1914 թ. նոյեմբերին կանչված էր օսմանյան բանակ, որպես զինվորական բժիշկ կապիտանի աստիճանով: Ապրիլի 24-ի ձերբակալվածներին մեջ նա չկար, նրան աքսորեցին ավելի ուշ: Ասում են՝ այս հանգամանքը չափազանց ծանր է տարել: Ժամանակակիցներից մեկը պատմում է, որ մայիսի սկզբներին հանդիպել է Սևակին, և նա ասել է. «Մեզի ամոթ չէ^օ, որ հոս ենք»:

Նրան աքսորեցին ավելի ուշ, նույն տարվա հունիսի վերջին: Աքսորավայրն էր Անկարայից հյուսիս ընկած Չանդըրի կոչված գյուղաքաղաքը, որտեղ Դանիել Վարուժանի և ուրիշ հայ մտավորականների հետ երկու ամիս պիտի անցկացնեք, մինչև իր ողբերգական մահը:

...Պատմում են, որ Սևակը, ի թիվս այլ հիվանդների, բուժում և փաստորեն մահվան ճիրաններից փրկում է տեղի երեւելիներից մեկի տասնութամյա աղջկան: Հաջողությամբ ապաքինված հիվանդը սիրահարվում է իր գեղեցկադեմ փրկարարին: Հայրը յուրովի փորձում է շնորհակալություն հայտնել: «Դուտոր, - ասում է նա: - Դուք բոլորդ դատապարտված եք, բոլորդ պիտի մեռնեք: Բայց եթե ուզես, քեզ կարող եմ փրկել: Եթե համաձայն ես մահմեդականություն ընդունել և աղջկաս հետ ամուսնանալ, ապա կազատեմ քեզ, եթե ոչ փրկություն չունես»:

Սեակի բնկերները փորձում են համոզել, որ համաձայնի, հիշեցնում են նույնիսկ վարդանանց առե-րես ուրացումը: Սակայն նա անզրդվելի է մնում: 1915 թ. օգոստոսի 26-ին, Ռուբեն Սեակը և Դանիել Վարուժանը գազանարար մորթվում են չեթեների ձեռքով: Մարդասպանների մեջ էր նաև հայրն այն աղջկա, որին Սեակը փրկեց մահից:

Ռ. Սեակի դիմանկարը թերի կլինի, եթե չխոսենք Յաննի Ապելի մասին, գերմանացի գնդապետի դուստր, որը հետագայում պիտի դառնար Յաննի Զիլինկերյան-Սեակ: Էրֆուրացի այդ գեղեցիկ աղջիկը միայն սեր, միայն կին և միայն կյանքի բնկեր չէր նրա համար: Նա այդ բոլորն էր և դրանցից էլ վեր մի բան:

Դժվար է ասել, թե ինչպիսին կլիներ Սեակ բանաստեղծի և մարդու ճակատագիրն առանց Յաննիի: Սերը նրանց այնպես էր միացրել, որ բանաստեղծն իր նամակներից մեկում գրում էր. «Ուրեմն, ես դուն եմ»: Մոտավորապես նույն միտքը Տերյանը պիտի արտահայտեր այսպես. «Ես էլ դու եմ, ես չկամ»:

Ամուսնու ձերբակալությունից անմիջապես հետո Յաննին շտապում է Պոլսի ոստիկանապետ Բեգրի բեյի մոտ: Բայց տեսնելով, որ այստեղից ոչ մի սպասելիք չկա, դիմում է ուղղակի գերմանական դեսպանատուն: Սակայն օգնություն փոխարեն, այսպիսի բառեր պիտի լսեր դեսպան Փոն Վանգենհայմից. «Դու, թշվառական գերմանուհի, լքեցիր ազգդ, ամուսնացար այդ հայի հետ և հիմա եկել խնդրում ես, որ ազատեմ նրան: Նա ետ չի դառնալու, նրանք գնացել են մեռնելու»:

Ի պատասխան, Յաննին, արժանապատիվ վրդովմունքով, դեսպանի երեսին է շարտում իր գերմանական անձնագիրը:

Տիկին Սեակը հետագայում իսկապես հրաժարվեց գերմանական հպատակությունից և իր զավակների Լևոնի և Շամիրամի հետ հաստատվեց Ֆրանսիայում: Նա մինչև կյանքի վերջը Գերմանիա չգնաց, անգամ իր ծննդավայրը: Մինչև կյանքի վերջը հրաժարվեց գերմաներեն խոսել, իսկ զավակներին արգելեց գերմաներեն սովորել: Նա համոզված էր, որ Կայզերա-

կան Գերմանիան Օսմանյան Թուրքիայի հետ հավասար պատասխանատու է միլիտնավոր հայերի նահատակութեան համար:

Պահպանվել է նրանց ընդարձակ նամակագրությունը, մոտ երեք հարյուր նամակներ ու բացիկներ: Հայ գրողներից ոչ մեկը սիրո աշուղիսի հարուստ և վսեմ վկայություններ չի թողել:

Ռուբեն Սևակի նման ազգային հերոսը պատիվ կրերեր աշխարհի ուղած քաղաքակիրթ ազգին, և ամեն ինչ կանեին, որպեսզի նրան մեծարելով մեծարեն իրենց: Նա դարձավ մեր ոչ միայն սոցիալական, այլև, հատկապես, բարոյական հանճարի լավագույն արտահայտությունը: Եվ այսօր, երբ նայում ենք հետադարձ հայացքով, ապա ոչ միայն մեր, այլև XX դարի համաշխարհային գրականության մեջ նրա նման երկրորդը գոյություն ունի:

Նրա կյանքի պատմությունը ծայրեծայր վիպական է բառի բոլոր իմաստներով, ինչը փորձել ենք արտացոլել «Եվ անգամ մահից հետո» վերնագրված մեր վեպում, որը շատ-շատերի կարծիքով կարող է հրաշալի նյութ դառնալ բազմասերիանոց ֆիլմի համար (սակայն բնավ ո՛չ սերիալների՝ արդի կայունացած, հակազեղադիտական հասկացությամբ):

Յաննի Սևակը Կ.Պոլսից վերջնականորեն հեռանալիս իր հետ Եվրոպա տարավ ամուսնու ձեռագրերի, լուսանկարների և այլ նյութերի մեծ մասը: Պահասող մասը հետագայում լրացրեց բանաստեղծի եղբորորդին՝ Հովհաննես Չիլինկիրյանը՝ Նիցցայից ոչ հեռու գտնվող Կանյ-սյուր-մեր քղաքում հիմնելով «Ռուբեն Սևակի հիշատակի տունը»: Եզակի մի երևույթ ոչ միայն հայ, այլև համաշխարհային գրականության համար. դա փաստորեն բանաստեղծի տուն-թանգարանն է հիմնված հայրենիքից դուր:

Եվ, վերջապես, այսօր, Նիցցայում է ապրում բանաստեղծի դուստրը՝ Շամիրամ Սևակը, որի 95-ամյակը լրացավ այս տարվա հուլիսին:

Ալեքսանդր ԹՈՓՉՅԱՆ

ԿԱՐՄԻՐ ԳԻՐՔԸ

ՋԱՐԴԻ ԽԵՆԹԸ
ԹՐՔՈՒՀԻՆ
ՄԱՐԴԵՐԳՈՒԹԻՒՆ



ՋԱՐԴԻ ԽԵՆԹԸ

(բեմական մենախօսութիւն)

Քրքիջը
Թափառումը
Կարմիր դատաստանը
Անոնք որ կուգան
Մեր քահանան
Գետը
Աստուածը
Գիշերին մէջ երգ
Ոճիւրը
Ցեղին ուխտը

է՛հ, հա՛, հա՛, հա՛, հա՛.

Հօրս դիակն ուսիս, կը քալեմ ահա՛
Զարդուածներու դաշտին վրայ լուռ...:
Զառա՛մ Քահանայ, դիակըդ տըխուր
Ի՛նչ ծանր է ուսիս, ի՛նչ ծանր է ուսիս...:
Անշուշտ երբ իրր խենթ արտաքսեցիր դիս
Հայրենի բոյնէդ, չի խորհեցա՛ր բնաւ
Թե պիտի գայի գտնել քեզ խոնաւ
Թագստոցիդ մէջ խեղդուած, շան մը պէս,
Իմ պա՛րտքըս վերջին, կատարելու քեզ...:

- է՛հ, հա՛, հա՛, հա՛, հա՛.

Բոլոր խելացի մարդիկներն ահա՛,
Ահա՛ խելոքներն այս ապուշ կեանքին,
Ահա՛ անոնք որ իրենց ծանր հոգին
Համրիչ քաշելով կ'զրօսցնէին,
Ու նուիրումով մը աստուածային՝
Կիրակին անգա՛մ մը բերանով ծոմ
Տիրամօր առջեւ կ'սպառէին մոմ,
Շարաթ մը ամբողջ, անվա՛խ, անհամա՛ր,
Շնալու, ստելու, գողնալու համար:

- է՛հ, հա՛, հա՛, հա՛, հա՛.

Բոլոր տիրացու հոգիներն ահա՛.
Ահա անոնք որ, ուղեղնե՛ր ծանծա՛ղ,
Ամէն մութ հարցի ունէին ծիծաղ,
Սաղմոսով սնած սփեհստներ աժան՝
Հեշտ կը լուծէին հարցումներ դաժան.
Դամոկլեան սուրի մը տակ գող ի գո՛ղ՝
Շտեմարաննին կ'ուռեցնէին գո՛հ,
Հարսնիքները շէ՞ն տօնելու վաղուա՛ն...
Ու չէին հաճե՛ր իսկ խորհիլ Մահուան...:

- է՛հ, հա՛, հա՛, հա՛, հա՛.

Բայց ինչո՞ւ քրքիջս այսպէս կը գողայ...:
Ահա բոլո՛րն ալ, բոլո՛րն ալ, բոլո՛ր,
Մութին ու լուռին մէջ անդնդախոր,
Պառկա՛ծ խօլական, պառկա՛ծ ամբարիշտ,

Պառկա՛ձ քարեղէն ցաւի մէջ ընդ միշտ,
Պառկա՛ձ, Աստուա՛ձ իմ. ու որչափ ալ կա՛յ,
Ու որչա՛փ ալ կայ, մինչեւ հեռակայ
Ճամբաներուն ն՛գրը փոռա՛ձ, կարծես
Անգրհեղեղեան անտառի մը պէս...:

- Է՛հ, հա՛, հա՛, հա՛, հա՛,
Լուռ գիշերին մէջ շուներուն, ահա՛,
Երախին մէջ - դեռ կեանքով գալարուն
Կը լսեմ ճարճա՛տը ոսկորներուն...:
Բարեկամ շունե՛ր, բարեկամ ձեռքե՛ր,
Բարեկամ լեզուով լափլիզուած վէրքեր...:
Երնե՛կ, գազաննե՛ր անբան...: Բայց ինչպէ՛ս
Բոլոր արջառնե՛րը, գլուխնին վէ՛ս,
Սուրացին հեռո՛ւի գաշտերը անծի՛ր,
Գնդակէ՛ն, բոցէ՛ն, աչքերնին կարմիր...:

* * *

Ու ահա ամբողջ գիշեր կը շրջիմ,
Յիմա՛ր, խեղճ յիմա՛ր:
Խելքս առիւր շատո՛նց, կեանքս առ, Փրկիչ իմ
Աստուա՛ձ, մեր յիմա՛ր:

Ի՛նչ կը նայիք ինձ, հոգեվարք աչեր,
Յիմա՛ր եմ, յիմա՛ր:
Երնէ՛կ, կը մեռնիք. մինչ ես կ'ապրիմ դեռ
Այս կեանքը յիմա՛ր:

Կըռուի գաշտերով տարի առանձին
Ստուերըս յիմա՛ր,
Շնորհ չըրին գնդակ մ'ալ ինձ, պոռացին
«Յիմա՛րն է, յիմա՛ր»:
Դէ՛հ, մտիկ ըրեք, դուք որ կը խորդաք
Այս մահով յիմար,
Արիւնով շաղուա՛ձ պատմութիւն մը տաք,
Յիմա՛ր, ա՛հ, յիմա՛ր:

* * *

Ո՞ր խեղճ երկիրն էր, ո՞ր թիւն Յիսուսի,
Ո՞ր թագաւորն էր - ականջը խօսի -
Միայն թե բարի էր շա՛տ այդ արքան,
Մանրամասնութիւն չե՛մ գիտեր այնքան,
- Նոյն իսկ իր ձիուն անունը չեմ յիշեր: -
Սեւ մղձաւանջէ մը վերջ մի գիշեր
Հրաման բրաւ եօթ քաղաքներու
Եօթ տարիքէն վար բնակիչներն արու
Եօթը օրուան մէջ կտրել - պայմանաւ
Որ տարեցներուն չի դպչին բնաւ...:
Ու տարեցներն այդ վերջին պայմանէն
Շնորհապարտ եղան ա՛յնքան՝ որ ամէն
Եօթն էգ բնակչէն մին ըրին նուէր
- Նուէր էգերու եօթ տարիքէն վե՛ր -
Արքային ու իր խարճերուն արու...:
Քա՛ղցր անմտութիւն եօթը թիւերու...:

Նոր թագակիրներն ի՛նչ շուտով մոռցան
Հին իմաստութիւնը արքայական:
Ապշա՛ծ կը դիտեմ քառան այս անհո՛ւն
Ու կը խորհիմ թե ի՛նչ բառ, ի՛նչ անուն
Պետք է տալ այս զբոսանքին:
Ինչո՞ւ կտրել տալ անմիտ այս դողդոջագին
Գանկերը ձերուկ պարապո՛վ լեցուն:
Ինչո՞ւ յոգնիլ այս կեանքերով փցուն:
Ինչո՞ւ կտրտել ծռելու պատրաստ
Այս լայն կանակներն, արքայի՛ց զրաստ:
Այս համեստ, այս պարզ հոգիներն ընտել,
Արկատեան դրախտէն ինչո՞ւ վռնտել:
Գո՛նէ մէյ մէկ աչք թող իրենց տային,
Ամբողջ կեանքերին պիտ՛աղօթէին...:
Արքան ի՛նչ կ՛ուզէր իր ստրուկ մարդէն.
Ինչո՞ւ մեռցնել՝ մեռածներն արդեն...:

Ու ինչո՞ւ թողուլ որ որբերն ապրին,
Այդ որդեգրեալներն արեա՛ն, խաւարի՛ն:

Օր մը տարիքով փոքրիկ, հոգևով մե՛ծ,
Այդ մանուկներու խումբեր դառնահեծ,
Որ ո՛չինչ չունին այլեւս, ո՛չ ծընո՛ղ,
Ո՛չ Աստուած, ո՛չ արի մը հայրենի հող...
Եւ որ կը մուրան պատանիկ մը հաց՝
Հեռէն պժգանքով իրենց կարկառուած...
Եւ որոնք Մարդուն մէջը սրբազան
Ոչի՛նչ գտան այլ վայրագ մը զազան...
Զգո՛յշ, այդ նոյն հսկայ մանուկներ մի օր
Նեխած ոսկրերու վրայ բիւրաւոր
Կարմիր-Դատաստա՛նը պիտի կանգնեն...
Ու չորս հովերուն նոր Կամք, նոր Օրէն
Պիտի շեփորեն... Ու այն ատեն, վա՛յ,
Վա՛յ բոլոր շնչող էակներուն, վա՛յ...:

* * *

- «Ահա մենք կու գանք - կ'ըսեն անո՛նք որ
Կու գան, չէ՛ք լսեր տրոփիւնն ահաւոր -
Մութը շնչելէն աչքերնիս կուրցած
Ու արեան հոտէն ոնգունքնիս լայն բաց:

«Ահա մենք կու գանք, ուսով հրելով
Մեր Յաւին Անիւր դարահալով,
Երկրագունդիս վրայ, խաւարին մէջէն,
Բոլո՛ր անոնց վրայ որ դեռ կը շնչեն...:

«Ահա մենք կու գանք, ահեղակորով
Մեր Յոյսին կռանիթ զարշապարներով
Խօսեցընելու անանո՛ւն կորած
Գերեզմաննոցներն համայնատարա՛ծ...:

«Ահա մենք կու գանք ու մենք նզովքն ենք,
Ու խաւարին մէջ մխուած տէգը նենգ,
Վրէժներու հիզրան ենք փայփայելի,
Մե՛նք, սարսափահա՛ր ու սարսափելի...:

«Մենք՝ Հին ուխտերու նո՛ր ուխտազրնաց
Մենք՝ Սուսերը բիրտ ու Գիրքն օրինաց,
Մենք՝ Ցասման ջրվե՛ժը սարի կողէն,
Մենք՝ Աղջամուղջի ծընունդ լուսեղէն...»:

«Զե՛ղի՝ որ քերձւած մեր մորթիքէն ձի՛զ
Հարսնիքի, Մեղքի վրաններ կառուցիք...
Ու Ձե՛զ՝ եւրոպեան դիք որ շնագին
Սակարկեցիք մեր արեան լուսթեան գին...»:

«Զեր սրտին դռնե՛րը փակեցէք խուլ,
Սուրե՛ր սըրեցէք, սըրեցէք գանխո՛ւլ,
Սրեցէ՛ք ձեր խղճին վրայ քարացած,
Ու ատամներուն վրայ ձեր գաւակաց...»:

«Ահա մենք կու գա՛նք, հովերուն մեջէն
Զէ՞ք լսեր ոսկրեր որ կը շշնջեն...»:
Ամէնքս ալ գաղիր դիակ, խոռոչ գանկ,
Ահա մենք կու գանք, ահա մենք կու գանք...»:

*
**

- Երթամ, շտապեմ, ծածկելու փութամ
Վազուան աւտաէ՛ն՝ դիակն այս գառամ:
Ծագող արե՛ւն իսկ պիտի ամչնար
Այս ծերուկ վատին դիակին համար,
Դիակին համար:

Կ'ըսէիր, հայրի՛կ. «Դրախտ երթալու
«Կարճագոյն ճամփան ըլլալն է հըլու
«Հետեւող խաչի սուրբ արահետին...»:
- Հա՛յր, է՛ն կարճ ճամբան խանջերն է Քուրդին,
Խանջերն է Քուրդին:

Կապար քայլերով, բիւրերու կուրծքին
Վրայ կը քալեմ ես դանդաղագին:
Մակարդած արիւնն է իրաւցընէ
Որ իմ սրունքներս կը ծանրացընէ:
Կը ծանրացընէ...»:

* *

Քայլերուս առջև յորդ դեան ահա՛:
Ա՛խ, նետեցի դայն, կ'երթայ, կը խաղայ:
Է՛հ, երթաս բարով, ծերո՛ւկ քահանայ:
Արևն ա՛լ քեզի չի պիտի տեսնայ,

Զի պիտի տեսնայ...:

Հաղարներու հետ, այսպէ՛ս, անխափա՛ն
Պիտի երթաս դուն, ջո՛ւրը քեզ տապան:
Է՛հ, գնաս բարով, ծերունի՛դ անրան,
Դրախտ երթայու ո՞րն է կարճ ճամբան

Ա՛յ, ո՞րն է ճամբան...:

Այս վատերո՛ւն տեղ, օր մը, ո՞վ Սիհուն,
Դարաւոր ալեա՛ցըդ վրայ սիրուն
Ճերմակ կարապներ կը թեւեն սահուն,
Երգե՛ր կը թռչին ցայգի այս պահուն,

Յայգի այս պահուն...:

Երբեմըն երբեմն, թերեւս մի՛այն,
Զուրերու խորքէն գանկ մը լուելեայն
Յառնելով, փուշ փուշ ընէ սիրական
Զոյգերու համրոյրն...: Ամէնը այսքան,

Ամէնը ա՛յսքան...:

* *

Զուրին մէջ երկինք կը ցոլայ անհո՛ւն...:
Ո՞վ ոսկի եղեոն Մահու այս պահուն...:
Կուռ մարգրիտներու շարք մանեա՛կ, մանեա՛կ,
Աստղեր, ծիր-կաթին, լուսին, արբանեակ,
Լոյս ստինքներու պէս ողկո՛յղ, ողկո՛յղ,
Կը կաթեն գինով հիւթը հոգեյոյղ...:

Մեռնի՛լ...: Աչքերնիդ երկի՛նք, արիւնհա՛լ,
Խեղճ հոգեվարքներ...: Է՛ր չեմ կրնար լա՛լ...:
Լա՛լ- ո՛չ, բայց դո՛ւն, դո՛ւն որ գահէդ անհաս,
Բո՛ւռ բո՛ւռ աստղերու մէջ կը խրոխտա՛ս,
Է՛ր չի կրնայի փտա՛ծ թոքերէս
Արիւնո՛տ, ժանդո՛տ խուխ մը շնորհեյ քեզ...:

Բայց դուն բարձր ես, վերն. քու խիղճիդ մաքուր
Առանձնութեան մէջ. եօթ մարգարտակուռ
Կամարներէդ եօթն անգամ բարձրացած
Սերովրէներուդ միջեւ գետնամած...:
Ու չես հաճիր ա՛ջ քրդ անկարեկիր
Ուղղել Մարդկութեան զոր յերկիր թուքիր...:

Լո՛յս սանդուղներուդ ոսկի մատներէն
Իջի՛ր Եհովա՛դ, ԱլլահՅը՛դ, Որ էն...:
Այլ զգո՛յշ. քու լոյսդ մութին մէջ զո՛ցէ.
Զի կառափնարանն այս անհուն գու՛ցէ
Խենթենայ յանկարծ, զո՛ւցէ ձերունի
Աչքերուդ մատներ խրուին արիւնի...:

...Խե՛ղճ յիմար: Որո՞ւ կը խօսիմ փրփրա՛ծ:
Զէ՞ որ դուն վաղո՛ւց մեռեր ես, Աստուա՛ծ:
Ու քու հսկայի դիակըդ անբա՛ւ,
Գարշանքի ժահրո՛վն արիւնաթաթաւ,
Ապականե՛ր է երկնից անապակ
Ծիր-կաթիններուն երազն անյատակ...:

* * *

- «Վարդե՛րը մեռան,
Վարդե՛րը մեռան
Իրենց բիւր-բուրան,
Տօղիկին վըրան
Վարդե՛րը մեռան,
Վարդե՛րը մեռան:

«Արիւնոտ, մանրիկ,
Ոտներըս բոպիկ
Դիակներու վըրան
Դողդո՛ջ կ'երերան:
Վարդե՛րը մեռան,
Վարդե՛րը մեռան:

«Գթա ինձ, Աստուած,
Մազերըս ցրուած
Կ'երթամ տարածամ,
Կ'երթամ ու կու լամ
«Ո՞ւր է իմ վարդը
«Ո՞ւր է իմ վարդը»:

«Կ'ուզէի՛ գլխուն
Տակ դնել անհո՛ւն
Գեհներ կուրծքիս:
Թող այսպէս հողիս,
Մեռնէ՛ր գուրգրանքո՛վ,
Իր դիակին քո՛վ...:

* *

Ո՛վ է ցայգին մէջ աղջիկն այս տրտում,
Որ խենթի մը պէս կ'երթայ անդադրում,
Դիակէ՛ր դիակ: Ի՛նչ է այս հառաչ:
Ո՛վ է դիտապատն այս որու առաջ
Հէզը կանգնեցաւ: Ճի՛չ մը...: Ու ահա՛
Վիրաւորն ելլել կ'ուզե, կը դողայ.
Բազուկներ իրար կը գալարուին քար...:
Ու լուսնակին տակ, սերէ՛ն խելագար՝
Արիւնո՛տ, փրփրո՛տ՝ լա՛յն բերանը տաք
- Բիւր-ժանիք վիհի մը պէս անյատա՛կ -
Խոր հոնդիւնով հոգեվարքը արդ
Կպցուց սիրուհւոյն բերնին վերայ վարդ...:

Ահե՛ղ շրջանակ: Չորս կողմը մեռել,
Մէջտեղը Սէր. մո՛ւթ արահետ անել:

...Զէնքս կրակե՛ցի. գանկերն հակեցան:
Մոտեցայ իրենց. ըսի բարձրաձայն

Հօւա՛, ընկերնե՛ր,
Ինչո՞ւ էք լուր.

Ձեզ շա՛տ պելո՛ւ:
Դրախտ երթալու
Ո՞րն է կարճ ճամբան
Ա՛յ, ո՞րն է ճամբան...

* * *

Յետոյ, ապշահա՛ր իրենց մուռջ քունէն,
Գլուխըս զբրի երկիւղածօրէն
Իրենց զոյգ գլխին քարացուցի զիս.
Ու երկաթէ քուն մը ընկճեց հոգիս:

Այն ատեն հսկայ մը զարկաւ ուսիս.
- «Խե՞նթ, ի՞նչ կը տեսնես, կ'ուզեմ որ խօսիս»:
Ու ես խօսեցայ ու ըսի իրեն
Իմ ապառաժէ քունիս խորերէն.

- «Կը տեսնեմ հարիւր հին քաղաքներու
Հարիւր աշտարա կը հեռուէ հեռու:
Կը տեսնեմ կապար օդին մէջ տխուր,
Հարիւր դանգակները դարերով լուռ:

«Կը տեսնեմ հարիւր սարեր մոխրապատ,
Անցա՛ւ, անժպի՛տ, իրրեւ անապատ:
Կը տեսնեմ բերդեր անդունդներու քով՝
Ժամանակին դէմ գոցուած՝ փականքով:

«Կը տեսնեմ մեր հին տապանաքարեր
Հազար ցեղերէ կոխուած՝ անվահէ՛ր:
Բիւր քառուղիներ կը տեսնեմ, Աստուա՛ծ,
«Աստ-Հանգլի»ներով սալալատակուած...:

«Բայց ահա՛ հարիւր դանգերն համօրէն
Երկիւղածօ՛րէն ու դիտակցօրէ՛ն,
Մութ գիշերին դէմ, ամէ՛նքը մէկանց,
Փոշոտ լեզունին շարժեցին յանկարծ:

«Քառուղիներու տապաններն անձայն,

Խորհուրդներո՛ւ պէս լութ՛ն բացուեցան.
Հարիւր իշխաններ ելան անբարբա՛ռ...:
Ահա՛, ցայգին մէջ կ'երթան վեհափա՛ռ...:

«Կը տեսնեմ, կու լամ...: Թափո՛րն է Ուխտին:
Ուխտին որ կ'ապրի դե՛ռ Մահէն անդին.
Ուխտի՛ն որ ահա հեռո՛ւ է հեռու
Փակա՛նքը բացաւ սարի բերդերու...:

«Հարիւր իշխաններ կ'երթան անխոռո՛վ.
Քայլերնին ծանր է եօթը դարերով.
Վահաննին ժանգոտ, բայց աչքերնին վէս,
Ոտքերնուն շղթան կ'երգէ ջուրի պէս...:

«Այն որ թափորին կ'երթայ առջևէն՝
Խոնջ է լայն բեհեզ մը քաշկուտելէ՛ն...
Կարմիր-ծիրանին է արքայական,
Թե Յեղին արիւնն... Հե՛մ տեսներ այնքան:

«Ու թափորին հետ, ու թափորէն վեր,
Թռչուն մ'օդին մէջ կը խարխափի, ծե՛ր...
Այդ՝ միթէ՞՞ արծիւն է արքայական,
Թէ սեւ բաղդին բուն... Հեմ տեսներ այնքան:

«Լա՛յն կարկառեցի ձեռքերս արիւնոտ.
- «Առէ՛ք, գոչեցի, ա՛խ, դի՛ս ալ ձեզ մօտ.
«Կուղէի այսպէս դիմել յաւիտեան
«Յեղի մը Ուխտին անդրշիրիմեան...»:

«Բայց ահա՛ ծագեց լոյսն արշալոյսին.
Հարիւր իշխաններն իջան միասին
Բաց տապաններու քար սանդուղներէն.
Ու ամէ՛ն, ամէ՛ն բան կորաւ նորէն...»:

...Ու ամէ՛ն, ամէ՛ն բան կորաւ նորէն:
- ժամն է որ բուի մը պէս, վատօրէ՛ն,
Գոյութիւնս ծակի մը մէջ թաքթաքուր
Մածկեմ Արեւուն ճաճանջէն մաքուր...:

ԹՐԺՈՒՀԻՆ
(գեղջուկ եղերերգ)



Ասեղի հիւսքը
Ա՛յ աղջիկ
Հայդուկը
Հայուհին
Առեւանգումը
Կարմիր մկրտութիւնը
Պուտ մը արիւնը
Կուսերգութիւն
Վրէժը

* *

Հայր, մայր, բակին մէջ, ծերուկ կը ննջեն:
Խարխուլ անակին ծակերուն մէջէն
Վայրագ կը սուլէ ցուրտ ձիւնը ձմրան.
Աստուած, այս ի՞նչ հով, հիմեր կ'երեբան:

Հողէ կանթեղի մը լոյսով դողդոջ,
Մինա՛կ, դեռատի աղջիկ մը բողբոջ,
Գաղտնի ձեռակերտ կը հիւսէ ասուէ,
Կը հիւսէ լո՛ւկ, լո՛ւկ կ'արտասուէ:

Անցած շարժու երբ սարէն գիւղ գընաց,
Սուրբի մատուռին իբր ուխտագընաց,
Գաղտնի գներ է ապրուշում քաղքի,
Պունճուխներ մանրիկ, մետաքս, թել ոսկի:

Ու ամէն գիշեր, ծնողքը բարի՛
Երբոր ննջեն, ի՛ր գործին կը փարի.
Բարակ ասեղով ան իր կարն ասուէ
Կը հիւսէ լո՛ւկ, լո՛ւկ կ'արտասուէ...:

* *

- Որի՞ համար է այդ կարդ, ա՛յ աղջիկ.
Որի՞ համար է արցունքդ, հա՛յ աղջիկ:
Ջահիլ մը միթէ՞ սարերու վերով,
Սիրտդ առաւ կուրծքէդ ու գնաց բարով...:

- Ես ինձի համար կու լամ, աղբերջա՛ն.
Գիշերին գաղտնիքն առած պատմուճան...:
Սիրտըս սգոտ է, սիրտս սէր չունի,
Սիրտըս վերքոտ է, սիրտըս տէր չունի:

- Ինչո՞ւ համար է մետաքսդ, ա՛յ աղջիկ,
Ինչո՞ւ համար է հառաչդ, հա՛յ աղջիկ:
Մի՞թե հարսնիքիդ աղքատիկ ջեհնգ,
Հալաւիդ համար կը հիւսես բեհեգ...:

Եւ միթէ՞ Հարսնիք ունիմ, աղբերջան.
Թէ մեկնիմ տունէս, մեռնի՛մ դաւաճան:
Այս ցուրտ սարերուն վրայ ամայի,
Ծնողքս ու եղնիկս ո՞վ պիտի նայի...:

* *

Բայց ահա ժպտեց կոյսը լռելիայն,
Գործն աւարտեր էր. մախազ մ'էր միայն:
Կտրեց մազերէն սեփսեւ ծամ մը լայն,
Ու հիւսեց հապճեպ, - իր անունն էր այն...:

Ծնողքը դիտեց, կը քնանային:
Լամբարը մարեց. ու աստուածային
Աղջիկը մեղմին քայլերով դուռնէն
Դուրս սպրդեցաւ երկիւղածօրէն:

Հո՛ն, իր մեծ եղբայրն՝ ամէնէն թագուն,
Այդ բուք-բորան, ցուրտ գիշերով անքուն,
Ինչ որ հին զէնքեր սրբելով մաքուր
Կը պատրաստուէր մեկնիլ թաքթաքուր...:

Աղջիկն իր վզին սեղմ փաթտուեցաւ՝
Մախազն իր ուսին անցուց, ու լացաւ...:
Ջահիլն հայրենի, իր պարտքին հը՛ւ,
Գնաց զարնելու...: Գնաց մեռնելու...:

* *

Բայց ես քե՛զ կու լամ, ո՛վ հայածին Կոյս.
Դո՛ւն մեր ցայգին մէջ՝ խաւարակուռ Լո՛յս:
Դո՛ւն միշտ շէնչող ու մի՛շտ խաբուած Յոյս.
Դո՛ւն մեր դամբանին՝ Ծաղիկ սգաբոյս...:

Ո՞ր Օրէնքէն, ո՞ր Աստուծմէն, ո՞ր մութ
Արդարութենէն, ո՞ր գութէն անգութ,
Ո՞ր մէկ ոճիրիդ քաւութեան համար՝
Կարմիր շղթայիդ օղերն անհամար...:

Դո՛ւն, Կին, չունի՛ս իսկ այն լոյսը ծաւի,
Այն ցուքը յետին, որ Սէր կը կոչուի:
Դո՛ւն արզանդն ես լոկ ծնելու անո՛նք
Որ պիտի մեռցւին մահով անողոք...:

Ու սո՛ւրբի մէջէն, ու բո՛ցի մէջէն,
Ու արեա՛ն մէջէն, Մահը կ'ընդմիջեն
Չեռքերդ՝ վեր բռնած մանո՛ւկ մը, վայրի
Չայնով լալով «Ա՛ղգը պիտի սպրի»:

* * *

ժամանակ անցաւ. աղջիկն ամէն օր,
Լոյսը չի ծագած կ'երթար հեռաւոր
Սարերն իր եղնի՛կը արածելու,
Ճամբան դիտելու, եղբայրն հեծելու...:

Ու զոյգը ծերուկ – մահահոտ արդէն –
Երկուքի կոտրած, կակուղ մարմանդէ՛ն
Հեռուի Սուրբին կ'երթային կրքուն,
Աղօթել կորած Զահլի՛ի հոգուն...:

Առտու մըն ալ երբ աղջիկը Հայուն
Կ'երթար, հեռուէն լսեց խն՛դճ մայիւն.
Գթաց, թափանցեց զոգը անտառին.
Երբ չորս բազուկներ առին դայն, տարին...:

Աղջիկը գնաց, համակերպ, հլո՛ւ,
Չայնե՛ր կը լսէր, չէր զօրեր լալո՛ւ...
- Աղջի՛կ, ա՛յ աղջիկ, սարը ամայի
Ծնողքդ ու եղնիկդ ո՞վ պիտի նայի...

* * *

Ու Բէկը ըսաւ. «Այս գիշեր հոգւոյս
Տօնն է. վառուին տա ս ջահեր լիալոյս.
Բերէ՛ք սրբազան կոնքը արծաթի.
Այս գիշեր Արևս արեան մէջ ծաթի:

«Նե՛րս արձակեցէք աւարս զեղեցիկ,
Այս սուրբ կոնքին մէջ կանգնէ՛ սլացիկ
Աղօթքի մը պէս հասակն իր նոճի...:
Իր մկրտութեան Ալլահ թող հաճի...:

«Բերէք կարաւանն էգերուս, կարգո՛վ,
Կոնքին շուրջ ծունկի շարուն քովէ քով:
Ու թող ա՛յն որուն մտեցայ երեկ
Ձոհուի կոնքին մէջ, դաշո՛յնը բերէք:

«Թող երգեն ամէ՛նքն ալ. ա՛յն որ կուլայ
Առաջին դոհին պէս պիտի ըլլայ...:
Թող ծրնի Իսլամ արիւնով խոնաւ
Կոնքէն՝ Նո՛ր Իսլամ...»: Ու այսպէս եղաւ...:

Անշշո՛ւնչ ամէնքն ալ հեռացեր են:
Լոյսերը մարած. ջահի կայծերէն
Ոմանք կը միսան - եղեռնի մը պէս...:
Խունկի ծառն՝ ապրող անձ մ'ըլլար կարծես...:

Ու վէ՛ս, ու խրո՛խտ, ու մո՛ւթ, անմոռնչ,
Մէջտեղը կանգնած կոյսը անտէրունչ,
Ո՛ւ մերկ, ո՛ւ իսլամ արեամբ հրափառ,
Դիւցազնի կարծես մերկ նիզակ մ'ըլլար...:

...Ո՛վ պիտի լայ ձեզ, տարուա՛ծ, մոլորո՛ւն,
Գեղեցկազոյններդ Գեղեցիկներուն...
Ձեր առջև կի՛րքն իսկ պիտ'իմաստնանար
Ու Իմաստութիւնն պիտի ծառանար...:

Դեռ կո՛յս, դեռ վայրի՛, դեռ տա՛ք, անապա՛կ,
Դո՛ւք որ թշնամու վրաններու տակ,
Թափելու կ'երթաք պուտ մ'արցունքի հետ,
Ամոթապարտ պուտ մը արիւն անհետ...:

**

Ու Բէկը երգեց. «Դու Սուլթանս ես, ջան.
Դամասկի բհհ՛ղը քեզ պատմուճան:

Դու իմ գիշերի Արևս ես, ջա՛ն, ջա՛ն,
Ինչպե՛ս նայիմ քեզ, հոգիս կը դողայ...:

«Դու իմ նորածաղ թրքուհիս ես, ջա՛ն,
Իմ երկու աչերըս քեզ կը տենչան:
Արտիս վարդենևոյն դշխոյն ես, ջա՛ն, ջա՛ն,
Ինչպե՛ս փրցնեմ քեզ, ձեռքս կը դողայ...»:

«Դու ինչո՞ւ այնքան անզո՞ւլիմ ես ինձ, ջա՛ն,
Մանրիկ ատամներդ հոգիս կ'որոճան:
Մի՛ ջահեր աչքիդ տաճարը, ջա՛ն, ջա՛ն,
Ինչպե՛ս մարեմ քեզ, սիրտըս կը դողայ...»:

«Դու գլխիս հրաշէկ սաղաւարան ես, ջա՛ն,
Շապի՛կ բոցեղէն, չքնաղ դաւաճան:
Սիրտըս կըրակի վըրա՛յ, կ'այրես, ջա՛ն, ջա՛ն,
Ինչպե՛ս մխեմ քեզ, սուրըս կը դողայ...»:

* *

...Թրքուհին այլե՛րս չի ժպտեց բնա՛ւ:
Առաջին ցայգին արցունքը խոնաւ
Այնպե՛ս խոր գծեր էր դեմքին ճամբան,
Որ չի կրցաւ զայն սրբել ո՛չ մի բան:

Ո՛չ մետաքս հաչաղ, ո՛չ պերճանքներ բուստ,
Ո՛չ Դամասկոսի բեհեզներ հարուստ,
Ո՛չ Պենկալայի վարդեր դեռ խոնա՛ւ...
Թրքուհին այլե՛րս չի ժպտեց բնաւ:

Ան ի՛ր Օրէնքէն, ան ի՛ր Արգանդէն,
Ան ի՛ր Կեանքէն, իր Յատուժէն, արդէն
Մի նոր Խալամի ծնիլը կ'զգար.
Չայն ի՛ր արեան մէջ խեղդելու անկար...:

Խեղճն ա՛լ չէր խորհեք, թե սարն ամայի
Ծոռոքն ու եղնիկն ո՞վ պիտի նայի...
Բայց Բէկն ըսեր էր. «Ալլահ օրհնէ քեզ,
Եղբայրդ մոտ օրէն դու պիտի տեսնես...»:

* * *

Ու Բէկը եկաւ գիշեր մ'ուշ ատեն,
- «Ո՛վ իմ Թրքուհիս, տե՛ս, Հեղեղատէն
Անցնելուս այս խեղճը ինձ կը դաւեր
Իր դանչերն ու գինք քեզ բերի նուէր»:

Թրքուհւոյն իրա՛նք սառստաց փուշ փուշ.
Առաւ ծանր մախա՛ղը, գիտեց ապուշ.
Իր հիւսքն էր ոսկի թնկերով անշէջ,
Իր մազն, իր անունն, արիւններու մէջ...:

Աչքը մթազնեց, մոռցաւ ամէն բան.
Նետուեցաւ վայրի թռչնի պէս անբան.
Ղանչերը մխեց շե՛շտ Բէկի կուրծքին,
«Այս քե՛զ համար էր...» գոչեց մոլեգին:

«Ու այս ալ ի՛նձ համար...» ըսաւ խելայե՛ղ
Անսահմա՛ն, անվե՛րջ քրքիջով ահե՛ղ,
Բռնած եղբօր գանկն աչքերուն առջին...:
- Առաջին խինդն էր, ու շունչը վերջին...:

ՄԱՐԴԵՐԳՈՒԹԻՒՆ

- Գիւղական եկեղեցիին մէջ — Ծնունդը
Գիւղական ճամբուն վրայ — Կեանքը
Գիւղական գերեզմանատան մէջ — Մահը



ԳԻՒՂԱԿԱՆ ԵԿԵՂԵՑԻՒՆ ՄԷՋ

Ա.

Անցեալ տարի էր: Յոգնած ապաքէն,
Շատ քաղաքակիրթ այս Արեւմուտքէն՝
Ուր խիղճը բառ մ'է. մարդը՝ մեքենայ,
Աշխարհ գործարան մ'անխոնջ, անխընայ,
Սէրը հաշիւ մ'է, կրօնքը՝ դրամ,
Երջանկութիւնը՝ ձանձրալի մի տոսամ,
Մահն՝ անմտութիւն, կեանքն՝ անհաշտ մի կուր.
Ուր ժամանակն իսկ վատ մ'է պիտոիւ,
Որ ամէն բոպէն իր մանրակրկիտ
Մութի հարուածով կը զարնէ մտքիդ...
Այսպէ՛ս, հե ի հե՛, յոգնա՛ծ, յուսահատ,
Անմի՛տ այս վաղքէն անդո՛ւլ, անընդհատ,
Կարօտն ունեցայ հին հին դարերու.
Եւ հիւանդ հոգիս տարի ես հեռո՛ւ,
Հեռո՛ւ, խնկաւէ՛տ, լո՛ւռ, մշտնջենի,
Արեւելքի իմ գիւղըս հայրենի...:

Բ.

Կիրակի մըն էր, քայլերս ուղղեցի
Իմ ալևոր մօրս հետ եկեղեցի:
- Պիտի ծիծաղիք, կարծրացած սրտեր.
Կարդացիք Լիւքքէս, Եպիկուր, Վօլթեր,
Մի քանի ուրիշ մութ գիրքեր ալ դեռ,
Բայց անհաւատի այդ տժգոյն թուղթեր
Իրաւունք չե՛ն տար որ ամբարտաւան
Ձեր թոյնը փչէք՝ կրօնադաւան
Հոգւոյն ալևոր մօր մը ծերունի,
Որ սպրելու դեռ հազիւ օր մ'ունի,
Որ ծովուն վրայ՝ շիւղի մը նման,
Մէկ ոտքը մատուռ, միւսը գերեզման,
Գերազոյն, անհաս, անսկիզբ, բարի,
Մթին Աստուծոյ մ'անուան կը փարի.
Ու անիրաւուա՛ծ, տառապա՛ծ, հուսա՛,
Մեծ Արդարութեան վճռին կը յուսայ...:

Գ.

Ու դո՛ւք, ո՛վ Հօրաս, Ձե՛նոն ու Վօլթէր,
Ինչ որ ալ ըլլաք՝ երէկինն էք դեռ.
Մինչ յիսուն հազար այս տարի է որ՝
Անդուլ կը դառնայ աշխարհն ալեւոր՝
Հաւատացեր են մարդերը բոլոր:
- Բարէ՛, հակառակ հաւտքիս մուր,
Ծաղրել չի գիտցա՛ւ բնաւ իմ հողին
Տաճար մ'ըլլա՛յ այն հեթանոս բազին,
Քար-քար աւերակ սիւներ Քառնաքին,
Հրրապաշտ Պարսիկ բրլուր բոցազին,
Բոցը Սիպլիլի, Հնդիկ էլլորան,
Ասորեան հարիւր-զոհեան հին խորան,
Կամ Քրիստոնեայ պերճ եկեղեցին...
Հոն մարդերը Մեծ-Յոյսը դարբնեցին...
Ու հո՛ն - գլխարկնիդ բացէք վեհերուն -
Գերեզմաննոցն է կենդանիներուն...

Դ.

Եկեղեցւոյն մէջ մտայ լուելայն:
Շէ՛նքը փոքրիկ էր, բայց բաւական լա՛յն՝
Աստուածն ու դարե՛րը ամփոփելու...:
Քար քարի վրայ ծներ էր, հըլո՛ւ,
Առանց արուեստի, առանց մեծ ոճի,
Պարզ, ինչպէս ծառ մը որ հողէն կ'աճի.
Ու քար, ու բազմոց, ու կերոն, ու խաչ,
Հոն, հին դարերու բոյրն ունէին գաղջ...:
Ու առաստաղի աղքատ ջահերէն
Կախուած՝ ժամանա՛կը մեռելօրեն
Կը ննջէր անշա՛րժ, դարե՛ր քնէած,
Քշոցին ձայնէն երբեմըն շոյուած...
Հոն ո՛չ հեք, ո՛չ վաղք, ո՛չ ժամ, ո՛չ վայրկեան.
Անսահմա՛ն, անխոռո՛վ, անձա՛լ, յաւիտեա՛ն,
Չո՛րս պատերու մէջ՝ Անհո՛ւն մը խորին,
Ուր ծեր գեղջուկներ մեռնի՛լ կը սովրին...:

Ե.

Բայց բացառիկ տօն մ'էր այդ կիրակին.
Կնուներն էր ջոջի նորեկ որդեակին,
Ինչ որ գիւղին նոյնքան է կարեւոր,
Որքան ծնունդի տօնը դարաւոր
Նազարէթի հին քաղաքացիին:
Ուստի ծեր, մանուկ, հաւաքուած էին:
Ու քահանան այդ մե՛ծ օրուան համար,
Պատրաստեր էր փոքր քարոզ մը յարմար:
Պերճ խօսքի տաղանդ չուներ բնածին,
Բայց զայն ընտրեր էր հովիւ՝ գիւղացին,
Զի հասակով բարձր էր, վարքով արդար,
Հայերէն գիտէր, նո՛յն իսկ կը կարդար:
Կեանքի պայքարէն յոգնած հիւան մը հեզ,
- Կոյս Մարիամին կո՛յս նշանածին պէս -
Այնքան վայլեր էր մօրուքն ու շուրջառ,
Որ կարծես ան ա՛յնպէս ծնած ըլլար...:

Զ.

Զոյգ կերոնի մէջ՝ կը խօսէր բեմէն.
Ու կ'ուսկնդրէին գեղջուկներն ամէն,
Խո՛ր երանութեամբ սուգուա՛ծ անհրնար.
- Թեև հայերէն մա՛րդ չի հասկնար...
Հին Աճեցարուքն առած բնարան,
Կը գտնէր Տեր-Հայրը շա՛տ բնական
Որ տղերք աշխարհ գան անհամար - լուրջ -
Ինչպէս բիւր շիւղեր ձիթենիին շուրջ:
Յանկարծ շլացին աչերս քնէա՛ծ,
Նարօլէօնին անո՛ւնն էր տուած:
Նարօլէօն... Ի՛նչ քառս անյատակ՝
Աշխարհքէն քաշուած այդ մատուռին տակ:
Զէ՞ որ ըսեր է այդ մարդն ահագին,
«Մայրե՛ր, զաւակնե՛ր շինեցէք ազգին...»:
- Ախ. զօ՛րք պէտք էր այդ ամբարտաւանին՝
Որ թնդանօթներ գիւղէ՛ գիւղ տանին...:

Է.

Պատարագէն վերջ, քով քովի անձայն,
Երկու թափօրներ իրար քսուեցան:
Ան չէր դասական հանդիպումը հին՝
Կնունքի թափօրն՝ Մահուան թափօրին. —
Մէկ կողմ ծնունդ, խի՛նդ. միւս կողմ մա՛հ ու լալ.
Ու եկեղեցին կ'օրհնէ երկուքն ալ...:
Ո՛չ: Երկու թափօր, երկու ւքն ալ ժպտուն.
Մէ՛կը նորածին որդին մեծատուն,
Մի՛ւսը աղքատի ծնունդ անտուն.
Մէ՛կը բեհեզով քնած, միւսն արթուն.
Մէկուն ժանեակներ, մետաքսի հիւսկէն,
Միւսին ձորձ մը խեղճ՝ հօրը շապիկէն.
Առաջնոյն ոսկի, ժանեակ բիւր տեսակ,
Երկրորդին ճակտին փուշի սև պսակ.
Մեկը Տէ՛ր արդէն, միւսը Գրա՛ստ:
Ճակատագի՛ր, վա՛խ, տղաքները փաստ...:

Ը.

Բայց այս ի՛նչ արդար օրէնք մ'է խորին
Որ յղփացա՛ծ, ճո՛խ Մեծերը երկրին
Իրե՛նց արգանդին մէջ կը հարուածէ:
Հաւասարութեան խո՛ւլ պէտք մ'է գուցէ
Որ վիժածընունդ սերմերը Մեծին
Ի՛ր որովայնին իսկ գո՛գը հիւծին,
Ու հաշիւներէ վերջ, երբ ի հարկէ
Ոսկին ա՛լ պատրաստ է, հա՛յրը գրկէ
Խանձարուրներու մէջ մետաքս գեղերփ,
Անժպի՛տ, տժգո՛յն հրէշ մը մարդակերպ...:
Մինչ քանի՛ թշուառ խեղճեր է՛գ, արո՛ւ,
Որ յեղակարծ սէր մ'ունին իրարու,
Կայծակներու պէս իրարո՛ւ կու գան,
Առանց հաշուելու վաղն ու ապագան,
Ու կ'երկնեն — խորշի մը մէջ անձանօթ —
Ինչ հսկայ կեանքեր, անէծքի անօթ...:

Թ.

Ապշա՛ծ, սարսափա՛ծ խորհեցայ անխօս,
Սպարթական հի՛ն բարքին բարբարոս,
Որ խեղդելէ վերջ կը յանձնէր գետին
Մարդկային տժգոյն տղրուկներն յետին...:
Բայց քառսուն դարեր անցեր են արդէն,
Ու սովրեցանք որ հրէշներն ալ մարդ են,
Անո՛նք ալ ունին զգացո՛ւմ, հոգի՛,
Անոնք ալ ունին իրաւունք կեանքի,
- Հոգ չէ՛ թե ապրին բիւրերու մահով.
Օրէ՛նքը՝ իրենց վաճան ապահով...:
Ձե՛մ համարձակիր վերցնել մէկզի
Կարմիր-վարագոյրն որ Օրէնք կ'ըսուի,
Դիտելու ըմբոստ այն կեանքե՛րն հսկայ,
Որ բանտերու մէջ, կառափնատի վրայ,
Կախաններո՛վ մեռան անհամար,
«Կեանքի Իրաւո՛ւնք»... պօռալնուն համար:

Ժ.

Երկուքն ալ երկա՛ր, երկա՛ր դիտեցի:
Այլևս բնա՛ւ մի խօսիք ինձի
Արժանիքին վրայ, ու տարրերութեան:
Ու ազնուական զարմին վրայ արեան:
Ահա երկո՛ւքն ալ. անկերպ բղէղներ,
Շիւղ մ'իսկ զիրենք պիտի մեռցնէր:
Կ'ուզեն անուն տալ, ի՛նչ պէտք անունի...
Իւրաքանչիւրն ալ իր անունն ունի.
Մին Ո՛յժն է անգութ, միւսն Ստրկութի՛ւն:
Ոյժ չունի՝ կ'ըսէք խլէղն անարիւն.
Ի՛նչ պէտք արիւնի. - անյազ բորենի՛,
Հացի մը փոխան, կարմիր, ծիրանի,
Ան պիտի ծրծէ Արիւնը միւսին,
Ու պիտի մըխէ ժանիքն իր միսին.
- Օրէ՛նքը՝ իրեն անքոյթ օթեան:
Ողջունեցէք զայն, Իշխանն է վաղուան...:

ԺԱ.

Ծնրագրած գողգոջ, աչքերըս ձեռքիս,
Կուրծքիս տակ դսպել կ'ուղէի հողիս:
Հազա՛ր նկարներ կ'անցնէին մտքէս:
Արեան շողփոյն պէս, նոճիներու մէջ
Բի՛ւր կախաղաններ անգութ մեծերու...
Ու հրդեհներու մէջ հեռուէ հեռու,
Ստրուկներու կո՛ւռ, բարբարո՛ս գունդեր,
Որ տաճա՛ր, աստուա՛ծ, կո՛ւռք, իշխա՛ն ու տէ՛ր
Տապալելով վար, կ'երթային հեռո՛ւ
Հաւասարութեան սե՛րմբ ցանկու,
Ու լայն բաշխելու Արդարութի՛ւն, Հա՛ց...:
Այտիս վրայ հրաշէկ արցունք մը գողաց.
Աչքերըս բացի, տեսիլք էր միայն.
Ամէնքն ալ գացա՛ծ, ժամն էր լուլեայն...:
Ու ե՛ս ալ գացի՝ իմ սուգիս դարման՝
Հաւասարութեան դաշտը - գերեզման...

ԳԻՒՂԱԿԱՆ ՃԱՄԲՈՒՆ ՎՐԱՅ

Ա.

Եկեղեցիէն մինչև գերեզման
Տանող ճամբուն վրայ, քարի մը վրան
Նստեցայ տրտում, ու լո՛ւռ գիտեցի
- Հոգվոյս ծարաւո՛վը արեւիքցի -
Հեռուները ջի՛նջ, միսթի՛ք, լռելեայն:
Հո՛ն, երկիրն քներու տակ յաւէտ ծա՛ւի.
Առա՛նց ժպիտի ու առա՛նց ցաւի,
Կ'ապրէին մարդե՛ր, մըջիւննե՛ր, բոյսե՛ր...:
Հոն չէին ճանչնար ո՛չ կոիւ, ո՛չ սէր:
Հոն Անշարժութեան օրէնքին հըլու,
Առա՛նց աճելու, առա՛նց նուազելու,
Հազար դարերու ու անհուններու
Մտերմութեան մէջ կ'ապրէին, - հեռո՛ւ
Սէ՛գ Արեւմուտքէն ու հեզնելով զա՛յն...:
Հեռուները ջի՛նջ, միսթի՛ք, լռելեայն...:

Բ.

Ու հո՛ն, անուրջի մը մէջ անսահման,
Երկիրը իբրև անհո՛ւն խնկաման,
Իր ճանձրոյթը - լայն աղօթքի մը պէս -
Անշտա՛պ, անխոռ՛վ կը մըխար կարծես...:
Ու հո՛ն, հեռաւոր հորիզոններու
Անծալ երկիւթներն հեռուէ հեռու,
Կը տեղային վար՝ օրհնութեան մը պէս՝
Ոսկեփոշի լայն անձրև մը կարծես...:
Ու հոն արևուն գունդին մէջ անշէջ,
Ու ծածա՛ն-ծածա՛ն ցորեններուն մէջ,
Ու խրճիթներու բոյնին մէջ համակ,
Աւերակներու սուգին մէջ ճերմակ,
Բա՛ն մը կար որ Կեանքէն բնա՛ւ չէր ազդուէր,
Որ կը նմանէր Երէկին, Վաղուան...
Այդ Մահուան իսկ մէջ ժխտումն էր Մահուան...:

Գ.

Ասոր համար երբ միտքն Արևմուտքին՝
Կեանք բառին առջե՛ւը զարմացազին
Հարցական նըշան մը կը դնէ նենդ...
Մենք կախման երեք կէտեր կը դնենք...:
Ու երբ կը վազեն անոնք տենդազին,
Թւանշաններով կը լուծեն հոգին,
Կր քննեն երկիրքն ու աստուածը, մենք
Մեր կախման երեք կէտը կ'երազենք...:
Ու երբ կը խորխտան անոնք, մենք լու լանք,
Ա՛խ, որովհետեւ ի՛նչ որ ալ ըլլանք,
Գլուխնիս երկիրք, ոտքերնուս տակ հող,
Այգին ու ցայգին միջև տատանող
Օրորոցներ ենք...: Ու ինչ որ անշէ՛ջ
է, պիտի շիջի շիրմին մութին մէջ...:
- Լացը վերյիշում մըն է լուկեայն,
Թէ ի՛նչ ալ ըլլանք, մարդեր ենք մի՛այն...:

Դ.

Այսպէս ապրեցան, ու այսպէս կ'ապրին
Բոլոր որդիները Արևելքին:
Խունկի՛, կնդրուկի՛ ծոցը լուակեաց,
Իրենց հոգիին անձանոթ մընաց
Պոռոտ Գիտութեանց շեփորը սոփեստ,
Ու սուտ Փառքերու ծածկոյթն հաստարեստ...
Անոնք ստացան առա՛նց ուղելու...:
Ու Կեանքէն անցան՝ առա՛նց յուզելու
Անոր մութ յատակը աչքէ անտես,
- Ծովուն վրայ սահող լո՛ւռ թեճակին պէս...:
Անոնք գինովցան, առանց քննելու...
Ու լացին՝ սրտի պէտքի մը հը՛ւ...:
Անոնք խոկացին Եղեմն. ու ծնան
Անէութեան մեծ հսկան – Նիրվանան,
Ու երազատես Նազովրեցին հեզ...
- Ու Երկունքը հեշտ էր Մահուան մը պէս...

Ե.

Անոնք նայեցան հեռուէ՛ն՝ մարդկային
Յառաջադիմութեան կուռ մեքենային,
Ինչպէս անտառին ծո՛ցը ամայի,
Ծերունը եղնիկն հանդա՛րտ կը նայի
Տքացո՛ղ, շաչո՛ղ սև շողեկառքին՝
Լա՛յն «Ինչո՛ւ համար» մը զարմացազին
Թարթիկով աչքին մէջ երազահալ...:
- Ինչո՞ւ շտապել. թէ՞ որ ամե՛նքս ալ,
Ոմանք հեւ ի հեւ, ու ոմանք դանդաղ,
Անվրի՛ պօրէն պիտի հասնինք Մահ...
Կեանքն է այս. միշտ սուտ սուտի ետեւ.
Մէկը հազի՛ւ թե միւսին չափ տեւ...:
Շառաչող ծովուն ալիքներուն պէս,
Կը ծնինք ամէնքս, կրարձրածանք վէս,
Բայց հազի՛ւ ատեն մը կայ փրփրելո՛ւ...
Պէտք է կորսուիլ. կորսուի՛նք հըլո՛ւ...:

Զ.

Ու այսպէ՛ս պիտի կորչի ամէն բան...
- Ժայռին վրայ նստած դիտեցի ճամփան,
Դեղին Փոշիի յուսահա՛տ ճամփան,
Խո՛ւլ «Երեկ»ներու պատմի՛չը անբան...:
Ա՛խ, այդ գալարուո՞ղ, չի հատնո՛ղ, խոպա՛ն,
Արևուն ծագէն ի մո՛ւտքն՝ անխափա՛ն
Երկարող վտի՛տ, բարեկամ ճամբան,
Ծընող Մարդկութեան առաջին օրրա՛ն,
Որուն ապալեր իրանին վըրան,
Հիմալայի սարէն մինչ Իրան,
Ու Արարատէն մի՛նչև Վոսփորոս,
Մինչե՛ւ Դանուբի ակերն մշտահո՛ս,
Ու մինչե՛ւ չորս ծագը Արևմտեան,
Գացին առաջին հայրերն Մարդկութեան,
Այրող Արևուն գունդին տակ, խաղա՛ղ,
Ճոացընելո՛վ կառքերնին դանդա՛ղ...:

Է.

Առաջին անգամ ըլլալով հառա՛չ
Մը արձակեցի այդ ճամբուն առաջ...:
Սոսկա՛ցի իրմէն. ու ափ մը փոշի
Առի, մարդու մը նրման որ կ'ապշի...
Բա՛յց ինչ կիկոպներ, իրրե թէ անշէ՛ջ
Ի՛նչ ազգեր, կեանքե՛ր այդ փոշիին մէջ,
Ի՛նչ արեան լիճեր, քանի՛ ոսկորներ
Դարերու մէջ հոն փոշի են դարձեր...:
- Դիտեցի ուշով. զի՛ս ճանչցայ հոն շուտ. –
Նախ քարայրներու բնակիչ մազուտ,
Յետոյ ասպաղէն նետաձիգ մը սէզ,
Յետոյ թագաւոր մը - եթէ կ'ուզէք,
Յետոյ ամիլուած գլխով մէկ գերի,
Յետոյ թրուպատուր մ'որ կը դեգերի...
Ու հիմա տժգոյն խեղճ մը դող ի դող,
Ո՛չ մարդ, ո՛չ աստուած, ու ո՛չ խակ քերթող...:

Ը.

Հո՛ն ճանչցայ նաև ծեր Սողոմոնին
Հալւէ բեռցուած կարաւաններն հին...
Գանդէսէն բոյրի, թանկագին քարի,
Ու կարմի Ծովէն ալ ամէն տարի
Ուղտերով կրո՛ւած պերճանքները բուստ,
Դամասկի մետաքս բեհեզն ալ հազուստ,
Արքաներու ձօն՝ Բլեօբաթրային...:
Ու վերապրեցայ հոն եղեմային
Ու գինովցընող հըրաշքը չքնաղ
Շամիրամի պերճ պարտէզին առկախ...
Հո՛ն, այդ փոշիին մէջ խօսեցուցի
Տարարազդ Անդուանն Հռովմայեցի
Որ վահանն իրեն ծախեց Տուփանքին...
Հո՛ն, խօսեցուցի նաև տխրագին
Փողովուրդներ որ մեռա՛ն անհամար:
Ձեմ գիտեր որ մէկ Արքային համար...

Թ.

... Յանկարձ ծանր՝ բ թե մը զարկաւ ուսիս:
Հին երազներէն արթնցաւ հոգիս.
Ու տեսաւ տարեց մշակ մը տժգոյն:
- «Ո՞վ ես դու»: - «Անունս է Աշխատութիւն...»:
- «Ի՞նչ կ'ընես այսպէս»: - «Կը մուրամ...» Հծծեց.
Ու լո՛ւռ հեռացաւ, մինչ ես դառնահեծ
Գացի ետեէն մինչև իրեն տուն...:
Գետնի անկողնի մը վըրայ, արթո՛ւն,
Երկարած նիհա՛ր իր կինն հոգևար,
Ծեծուած անասնի մը պէս կը հեար...
Ու մինչ գնաց հինգ խլէզներէն մին,
Աթոռի պէ՛ս բան մը ճարեցու հին,
- «Հաց չի կայ, կ'ըսէր հայրիկը ինձի,
«Մի քանի օ՛ր է չեմ երթար գործի,
«Կը տեսնես, վերջին օրերն են դուցե...
«Առանց ինձ, աչերն ո՞վ պիտի գոցէ...»:

Ժ.

Ու կինը բարի կը նայէր իրեն,
Ինչպէս կը նայի մարդ անա՛սնօրէն
Իրեն Աստուծուն...: Ախ, որովհետեւ
Իր կենակցութեան ժամը կարճատեւ
Սիրալիր եղաւ. կռիւ չունեցան
Ո՛չ դրամօժիտի, ո՛չ ժառանգութեան...:
Ժրբաջան տիկին, միշտ իր յարկին տակ...
Թանը առատ էր, անկողինը տաք...
Ու քիչ օրէն երբ Տիրոջ հրամանով,
Հողին տակ պիտի թաղուէ՛ր ապահով,
Կը խրատէր էրկան՝ առնել գիւղակին
Այսի՛նչ ժրբան աղջիկն իբրև կին,
Որովհետեւ խեղճ կինը կը յուսար
Թէ՛ ան կը նայէր աչքով հաւասար
Թէ՛ իր ամուսնոյն, թէ՛ իր խորթերուն
Եւ թե՛ գոմի իր փոքրիկ հորթերուն...:

ԺԱ.

Դուրս ելայ տունէն, մարմինս փուշ փուշ,
Խորհեցայ կեանքին իմաստին ապո՛ւշ,
Թէ ինչպէս ստրուկ կիրքերու հըլո՛ւ,
Մարդս աւելի՛ վարժ է մուրալու,
Քան պապենական օրհնած դանակով,
Քի՛չ մը վախցնել - գոնէ՛ կատակով... -
Մեր ոսկեձոյլ նո՛ր Աստուածները կո՛վ...
Խորհեցայ թե Դրամ միապետին քով՝
Ի՛նչ աժգոյն ըմբիշ մ՛է Աշխատութիւն...:
Խորհեցայ անգամ մըն ալ անարիւն
Այն բո՛ւն մը «Նորին Ասեմութեանց» վըրա՛յ
Որոնց շնորհիւ երկիր կը դառնայ...:
Խորհեցայ Ոյժին վրայ մըտովի,
Ու ա՛յն հտպիտին որ Օրէնք կ'ըսուի...:
Ու գացի ես լուռ, իմ սուգիս դարձա՛ն,
Հաւասարութեան դաշտը - Գերեզման...:

ԳԻՒՂԱԿԱՆ ԳԵՐԵԶՄԱՆԱՏԱՆ ՄԷԶ

Ա.

Սկեպտիկ ժպտով մը դանդաղազին
Երբ մարդ ըմպած է մրո՛ւրը կեանքին,
Երբ ծառայած է կամքով կորովի՝
Այն մեծ վարպետին որ Վիշտ կը կոչուի.
Ծանչցա՛ճ է դողող զշխոյն որ Սէրն է.
Ազգաց եւ անհատին Պատմութեան դժնէ
Նայած է անգամ մը միւս երեսին,
Ծանչցա՛ճ է մարդուն Գիտութիւնը սին,
Արուեստան յաւակնոտ, սիրան ամբարտաւան,
Սո՛ւզը Երէկին, երկիւղը Վաղուան...
Ու ճշմարտութեան հոգին ծարա՛ւի
Զննած է երկնից պարապը ծաւի
- Հի՛ն աստուածներու վիճն այն մշտակա՛յ, -
Ա՛յդ մարդուն համար ուրիշ վայր չի կա՛յ
Աւելի՛ քաղցրիկ հեշտանքով յրդի,
Քան գերեզմաննոց մ՛աղքատիկ գիւղի...:

Բ.

Լո՛ւս նստած քարի մը վրայ տապան,
Դիտեցի լո՛ի՛ն այդ վայրը խոպան,
Ու դո՛ւր խորհեցայ թե այս այն վա՛յրն է
Ուր վաճառական Աստուած մը դժնէ
Զարը կը պատժէ անսահման վախով,
Բարւոյն շնորհելով գրախտ մ՛ապահով...:
Ընկղմած ծոցն այդ Մահուան Քաղաքին,
Զուր խորհեցայ թե անմա՛հ էր հոգին...:
Անմա՛հ. բայց չէ՞ որ երկնից մէջ գարնան
Բիւր գիսաւորներ մոխիր կը դառնան.
Աստղեր կը վառին, աստղեր կը սառչին.
Կը լռէ ցայգին սլալուլը վերջին,
Բոյս ու կենդանի կ'իյնան անկենդա՛ն.
Ամէ՛ն, ամէ՛ն բան մահուան դոճ կ'երթան...
Ու երկնքին հիւր՝ լոկ մա՛րդն է տըխուր...:
Անմա՛հ, մինչև ե՞րբ, և ինչպէ՞ս, և ո՞ւր...:

Գ.

Բայց ուսկէ՞ կու գայ այն Յոյսը մարդուն,
Որ մեծ-ցայդին մէջ միայնա՛կ արթուն
Կուզէ հսկել՝ երբ իր ոսկորոտին
Երկու ափ հողին ներքև կ'անհետին:
Ու ինչպե՞ս դիակը փտելէ վերջ,
Մարդ համառօրէ՛ն, Մահուան՝ն ծոցին մէջ,
Անմահութեան Յո՛յս մըն է դիուցեր...:
- Անշո՛ւշտ սարերու երբ եղնիկը ծեր
Կը նայի անդունդն ի վար անյատակ...
Երբ գայլը փոքրիկ՝ մացառներու տակ՝
Կը դիտէ՝ մա՛հն իր գնդակահար հօր...
Երբ ովկիանին վրայ անգնդախոր՝
Շնագայլն հսկա՛յ կը թաւալի լո՛ւռ...
Վերջալոյսին գէմ Առիւծը տխուր՝
Երբ կը մոնչէ գաշտին մէջ խոպան...
- Անմահութեա՛ն վրայ չէ՛ որ կը խոկան...:

Դ.

Նո՛յն իսկ Մարդուն մո՛ւթ նախահայրն Ադամ,
Անզէ՛ն, անպաշտպա՛ն այդ խեղճն հաշմանդամ,
Նետուած ոյժերո՛ւ միջև ահագին,
Շա՛տ քիչ հաշիւի կ'առնէր իր հոգին,
Երբ պտո՛ւղի մը համար, անվեհե՛ր,
Անմահութենէն կը հրաժարէր...:
Բայց ահա անրա՛ւ միջոց մ'է անցեր.
Յիսուն ծանրածանր դարով՝ Մարդը ծե՛ր,
Որ իր ուղեղին դրդումին հըլու,
Հասեր է ամէ՛ն ինչ գրքաւելու,
Ստրուկներ գտեր է անասնոց մէջ,
Մնացածը զարկեր, հալածեր անվե՛րջ,
Աստուածնե՛ր շիներ է նախ անհամար,
Յետոյ ամէ՛նքն ալ այրելու համար...
Տիրե՛ր է Բնութեան Ոյժին ահագին,
Կը տենչայ իշխել արդ ժամանակին...:

Ե.

Ա՛խ, անմա՛հ ըլլալ...: Ապրի՛լ յաւիտեան.
Իսպա՛ռ չուեննալ ո՛չ դար, ո՛չ վայրկեան.
Ժամանակի՛ն պէս, ժամանակին մէջ,
Տքա՛լ, տառապի՛լ, բայց ապրի՛լ անվերջ...:
Սիրտը արիւնոտ, մարմինը հիւանդ,
Յոգնարե՛կ, ի՛նչ փոյթ, ապրիլ մանաւանդ...:
Շիւղ մ՛ըլլալ մարդի, ի՛ր մը յուկեայն,
Բայց յաւիտենին մէջ ապրի՛լ միայն...:
Քար մ՛ըլլալ անարդ, ապառաժ մ՛անխօս,
Գէթ նիհար առուակ մ՛ըլլալ մշտահոս,
Ծա՛ռ մը դարաւոր, մետա՛ղ մը միայն
Անմի՛տ, անզգա՛յ. չի մեռնի՛լ սակայն...:
- Աստուացեալդ Մար՛դ, ամօթ քեզ, ամօթ,
Մութ, ամբարտաւան խրոխտութեանց անօթ,
Դեռ ամէն գինով կը կառչիս հողին...:
Նայէիր աշնան տերեւին գեղին...:

Զ.

Ու երբ ըսեն թէ գիտութիւնը նոր
Այրեց հի՛ն, փոշո՛տ գիրքերը բոլոր,
Թէ նիւթ կայ միայն, Հոգին չէ՛ անմահ,
Հոգին չի կա՛յ իսկ. – Մի հաւատաք, ա՛հ:
Վճիտ մոմեաներն հին Եգիպտոսին,
Դարերու գաղտնի՛քը թող ձեզ խօսին...:
Նայուածք մ՛ուղղեցէք դէպի Պարթնոն,
Նոր Անմա՛հներն են որ կը խրոխտան հո՛ն:
Ու է՛ն չոր գիտունն իսկ՝ կրօնքին օտար՝
Քարէ արձանի մը հոգին կու տար...:
Ա՛խ, կեանքի, մահուան կռիւն անզգամ...:
- Ու անշո՛ւշտ մենէ է՛ն խելօքն անգամ
Երբ տեսնէր Մահն որ պաշտօնին հըլո՛ւ
Կու դար սիրելին մենէ խլելու,
Թէ Աստուա՛ծ ըլլար ան, Թէ Աստանայ,
Շան մը պէս պիտի խեղդէր անխընայ...:

Է.

Շա՛ն մը պէս... ա՛խ, շատ չի պիտի ըլլար...:
Բարէ՛, կը յիշեմ թե ինչպէ՛ս կու լար,
Ինչպէ՛ս կը խածնէր սնար ու սաւան,
Ինչպէ՛ս կը կանչէր արե՛ւը վաղուան
Որ ա՛լ չի պիտի դար երբեք իրեն.
Ու ինչպէ՛ս կ՛ուզէր խելայեղօրէն
Մարմինն անկողնէն քաշել անհընա՛ր,
Ու ինչպէ՛ս պատէն մազիլ կը ջանա՛ր,
Սարսափած աչքերն ուղղելով ինծի...
- «Ես եմ, բարեկա՛մդ, աւա՛ղ...» դռնեցի,
Բայց ան աչքերուս խրեց իր մատներ,
Ձի ես կ՛ապրէի, մինչ ինք կը մեռնէր...:
- Հասկցա՛յ, ընկե՛ր, լեզուդ վերջնագոյն,
Բայց մահէն փախչող վատ մ՛էի տեղոյն,
Ձի Սէրն իսկ սո՛ւտ է, մարդերը մա՛րդ են...
Ու մեր երկուքին մէջ մա՛հն էր արդէն...:

Ը.

Ինչպէս նետահար թռչուն մ՛որ յետին
Ճիգերն իր կ՛ընէ կառչելու օդին...
Ծովամոյնն ինչպէս կը փարի վէտ վէ՛տ
Խլեակի մը որ կ՛ընկղմի իր հետ...
Ինչպէս սարի հէզ արծիւն հոգեվար
Կը կառչի ժայռին որ չի սահի վա՛ր...
Այնպէս մատներուն ճիգովը յետին
Կ՛ուզէր բռնուիլ սնարին պատին...:
Անկողնին գամուած, փախիլ, ցաւիլ, յալ,
Դարերով, ի՛նչ լաւ...: Բայց մեռնի՛լ, չ՛ըլլա՛լ...:
Ահե՛ղ կը մղէր պայքարն անիրաւ
Երբ բերնէն արեան ուղիս մը զայն տարաւ...:
Այդ շքեղ սրահն, կեանքէն ի՛նչ մընաց. –
- «Ե՛Ս» կ՛ըսէ աճիւնն, - «Ե՛Ս» կ՛ըսէ Աստուած:
Ու ե՛ս, իր գեղջուկ քարին վրայ կու գամ
Յանգի զարնելու տաղերս անդգամ...:

Թ.

Դիտեցի գողարիկ այդ վայրը բողբոջ,
Ու ես ակամայ խորհեցայ դողդոջ
Ծերուկ Տանթէի ահեղ դժոխքին,
Ուր յիմար վազքի մը մէջ մուկիւն,
Այրող խաւարին, փրփրող արեան մէջ,
Երախնին բացած, անբարբա՛ն, անվե՛րջ,
Տժգոյն հերոսներ պար կը դառնային...:
Խորհեցայ նաև սէգ Սատանային,
Զոր Միլիթօն, աչքով կոյր, հոգևով արթուն,
Իշխա՛ն հռչակեց յաղթուած Մարդուն.
Ու երեքժանի ցուպով կ'զբօսնէր
Անհանգիստ ընել դատարկ գլուխներ...:
Զը մոռցայ նաև մտածել ահեղ
Օրուան՝ երբ փողին ձայնէն խելայեղ,
Կմախքներ երկի՛նք կը թռչին արդէն...:
- Ինչ որ քիչ մը շատ խնդրել է մարդէն...:

Ճ.

Մարդուն տանջուած խղճմտանքը վա՛տ
Ի՛նչ մղձաւանջներ երկնեց յուսահատ,
Ի՛նչ սաղայեկեան ցաւեր անհամար,
Ի՛նչ եղեմ՝ մեր գարշ դիակին համար...:
- Հո՛ն, ոչինչ կայ մութ, ոչի՛նչ կայ դժնէ,
Ան դանդա՛ղ խմուած պարսպ գաւաթն է,
Առա՛նց քանդակի, առա՛նց սուտ զարդի,
Առանց նորագիւտ հնարքներու արդի,
Որ տիտղոս, տարիք կ'անմահացրենն...:
Վարդի թուփ մը հոն կ'իյնայ ծարաւէն...:
Ու եթե երբեմն ողբեր կ'ողկողեն
Քարի մը տակէն. – Ծե՛ր բուն է գիւղին...:
Թէ արշալոյսին ստուեր մը յածի. –
Իմաստասէր կո՛վ մ'է որ կ'արածի...:
Ու թէ շիրիմներ պեղուին անընդհատ. –
Բորենի մըն է, կամ քերթող մը վատ...:

ԺԱ.

...Ինկայ ու մտիկ ըրի սգահար,
Զայնի մ'որ քարին ներքե կը դողար. —
- Ե՛ս եմ, Ե՛ս եմ, Ե՛ս քեզ եղբա՛յր, քեզ քո՛յր.
Ե՛ս տիեզերքին հսկայ ա՛չքը կո՛յր.
Ե՛ս սկիզբ և վերջ, երա՛խ ու արգանդ.
Ե՛ս վի՛հ անյատակ ու ծոց արգաւանդ.
Ե՛ս ա՛յն եմ որ քեզ ծընաւ, նաև ա՛յն
Զոր պիտի ծընիս: Ե՛ս ձայն լռելեայն:
Ե՛ս օրհնութիւնն եմ, բարիքը վերջին,
Ե՛ս այն եմ որմէ ամէնք կը փախչին
Եւ որմէ փախչիլ չի կա՛յ: Հաւասա՛ր
Ներո՛ւմն եմ անոր որ ինձ կը յուսար,
Անո՛ր որ հեզնեց զիս առանց խղճի:
Ամենո՛ւն ալ վրայ մարդըս կ'աճի...:
Մանգաղս ս՞ի պիտի համբուրէր անա՛հ...:
- Ինձ ԱՍՏՈՒԱԾ ըսին, իմ անունս է ՄԱ՛հ...:

1909, 1, օգոստ

ՄԱՄՈՒԼԻ ԷԶԵՐԻՑ



ՀՈԳԻՍ

Հիւանդ տերեւ մը տեսայ կանաչին
մէջ զաշտերուն:
Ի՛նչ աղուոր էր գարունը, փափուկ
հովէն օրօրուն,
Սիրուն խոտերը դաշտին, ծաղիկներն
ալ բիւր գոյնով,
Կը խնդայի՛ն լուեկայն գաղջ արեւին
տակ գինով:

Բայց գարնային, կենսաւէտ այդ պահին
մէջ օրօրուն,
Հիւանդ տերեւ մը տեսայ, կանաչին
մէջ զաշտերուն,
Զորցած տերեւ մը նիհար, որ զեփիւռին
հրպուստով,
Մեռելամերձ կը դողար մարգերուն
մէջ ակնաթով:

Սիրտս անհո՛ւն ցաւով լի, ես ծոցայ
սրգահար,
Մատներուս մէջ առի զայն, ու իր
մարմինը նիհար,
Գուրգուրանքով, արցունքով
մօտեցուցի շրթունքիս:
Անժամանակ թարշամած գարնան
տերեւ մ'է հոգիս.

Ծաղիկներուն մէջ կեանքին, զեփիւռին
տակ մայիսի,
Ա՛լ ժրպտալու անկարող, ան կը դողայ,
կը մսի՛...:
Հիւանդ տերեւ մը տեսայ կանաչին մէջ
դաշտերուն...:

1907

ԿԱՐԱՊՆԵՐԸ

Il est d'étranges soirs,
où les fleurs ont une âme.
Albert Samain¹

Գիշեր է լուռ, հանդարտ գիշեր ամառուան,
Մութը պատեր է երկիրնքը համօրէն.
Հեռուներէն քանի մը լոյսեր միայն
Իրենց ձիւնը վար կը կաթեն յուլօրէն:

Ո՛չ մէկ շշուկ: Լռութիւնը կը թրթռայ
Անծի՛ր, անծա՛յր լայնութեան մէջ օդերուն.
Ու բացխփուող աչքերու պէս, ամիին վրայ,
Քաղաքներու կը պլպլայ լոյսն հեռուն:

Բարձրը, մութին ալքերուն մէջ, հեռակայ
Ժիւրաներու ստուերը լուռ կը մրափէ.
Աւելի՛ վեր, արհամարհոտ ու հսկայ,
Ալպիաններու սէզ ճակատն է սատափէ:

Զոյգ ալեփառ շղթաներու դարաւոր
Օրրանին մէջ ընկողմանած հոլանի՛,
Լեռներու վեհ հուրիններուն պէս ազուոր
Կը քնանայ կապոյտ հոգին Լէմանի:

*
*

Գիշերն է լուռ, լիճը տրտում: Հեռուէն,
Ճաճանչներու, փրփուրներու պէս ազուոր,
Քնացող ջուրին երեսին վրայ մեղմօրէն
Երկու կարաս կը սահին լուռ, մենաւոր:

¹ Տարօրինակ երեկոներ կան, երբ ծաղիկները հոգի ունեն:
Ալբեր Սաման:

Իրենց մարմի՛նը քնքոյշ է, գեղեցիկ,
Իրենց թեւերն արծաթակերտ, ձիւնապէս.
Ու մարմարի իրենց վիզը սլացիկ՝
Երազային տաճարներու սիւնին պէս:

Կը մոտենան անոնք իրար մեղմովին,
Ու կտուղնին իրար կու տան ուղղակի,
Ա՛յնպէս ինչպէս ո՛չ մէկ շրթունք տակաւին
Ա՛յնքան սիրով չէ՛ մոտեցած շրթունքի:

* * *

Ու ձիւնափառ իրենց թեւերն կ'առնեն վեր,
Կը գալարեն իրենց վիզը երկնասլաց,
Ա՛յնպէս ինչպէս երկու բազուկ անձնուէր
Այդքա՛ն սիրով իրարու չեն գալարած:

Գիւղերուն լո՛յսը կը ցոլայ հեռուէ՛ն.
Վերը՝ շո՛ւքը ժիւրաներուն հեռակայ.
Աւելի՛ վեր Ալպեանները համօրէն.
Աւելի՛ վեր, Երկինք կանգներ է վրկայ...:

Վա՛րը, քնացող ջուրին վրայ տրտմարար,
Վեհ պարտքի մը գիտակցութեա՛մբը լեցուած,
Բերան բերնի, վիզը վիզին, անբարբա՛ն,
Կարապները կը մնան լո՛ւռ, քարացա՛ծ...:

Յուլիս, 1907

ԼԷՄԱՆ

Հրանտ Տ. Նազարեանին

Ի՛նչ անուշ է հանդարտիկ հովն իրիկուան,
Մայրամուտքի քաղցրի կ'շունչովը լեցուն.
Ծաղիկները կը մթագնին, կը հեւան.
Կը նըւազի թռչնիկին երգը ցնծուն.
Ի՛նչ անուշ է հանդարտիկ հովն իրիկուան:

Երազներու դիւթիչ քողին պէս անուշ,
Ու սիրատարփ նայուածքներու պէս մթին՝
Երեկոյեան կ'իջնէ ստուե՛րը քնքոյշ,
Մե՛ղմ կը հըպի լեռան, ջուրին, մարմանդին.
Երազներու դիւթիչ քողին պէս անուշ:

Բլուրէն վար, սէգ ծառերու շուքին քով,
Կը ստուերոտի չքնաղ լիճը Լէճմանի.
Չնաշխարհիկ պչրուհիի նազանքով
Ափին աւազը կը դգուէ, կը շիկնի.
Բլուրէն վար, սէգ ծառերու շուքին քով:

Ու կը լայննա՛յ լիճը, շըքե՛ղ, աննըմա՛ն,
Մինչեւ փէշը Ալպեաններուն սատափէ,
Մինչեւ Ռոնի լայն դաշտերը ուր Լէճման
Իր կապուտակ ալեակները կը թափէ:
Ու կը լայննա՛յ, լիճը շըքե՛ղ, աննըմա՛ն...:

Մութը քիչ-քիչ կը թանձրանայ սխրալի՛:
Լիճին ամէն ափունքներէն հեռաւոր
Փոքրիկ լոյսեր կը պլպլան. կը փայլի
Սէգ լեռներու ձիւնէ ճակատը աղուոր.
Մութը քիչ-քիչ կը թանձրանայ սխրալի՛:

Հեւքով ուռած կուրծքին վրայ ջուրերուն
Ահա կ'անցնի՛ն թեթե՛ւ նաւերը մութին.
Ահա դողդոջ տարփոտ երգերն ալ հեռուն
Սիրատոջոր շրթունքներէ կը փրթին
Հեւքով ուռած կուրծքին վրայ ջուրերուն:

Լէմա՛ն, Լէմա՛ն, պատմէ՛ ինձ սէ՛րըդ լռիկ,
Անհո՛ւն սէրըդ, որ քու ջուրն՝ ըրդ կապոյտ
Կուռեցնէ ալեակներով հանդարտիկ,
Եւ որ սարսուռ կու տայ քու ջինջ հայելւոյդ,
Լէմա՛ն, Լէմա՛ն պատմէ՛ ինձ սէրըդ լռուիկ:

Ահա ջուրն՝ ըրդ կը դողան տենդահար...:
Ըսէ՛, կուրծքիդ մէջէն ցըցուող գեղեցիկ
Ալպեաններուդ դու ձիւնի՞ն ես սիրահար,
Կարասներուդ արդեօք վիզի՞ն սլացիկ...:
Ահա ջուրն՝ ըրդ կը դողան տենդահար:

Խօսէ՛ Լէման, ձա՛յն տուր ջուրիդ ալքերէն:
Նաւերէն թռող սիրոյ երգն՝ ըն ես հրախառ
Որ իմ սրտիս պէս քու սիրտդ ալ կը դերէն:
Ա՛հ, վէ՛րք մ՛ուռիս կապոյտ կուրծքիդ
տակ թշուա՛ն.

Խօսե՛ Լէման, ձա՛յն տուր ջուրիդ ալքերէն:
Լէմա՛ն, Լէմա՛ն պատմէ՛ ինձ սէրըդ լռիկ...:

1907

ՑՆԾՈՒՆ ՄԱՀ

- Քերթողն ըսաւ. - «Անո՛ւշ վրտակ,
Շիւղերու տակ, ճիւղերու տակ
Ո՛ւր կը վազես աննըպատակ...:

«Վարդեր կու լան ջուրիդ վերեւ,
Սէզեր կու տան քեզ բիւր բարեւ,
Քե՛զ կը կանչեն ծաղիկ, տերեւ...:

«Լուսնակի ցուլքը ծոցդ առած,
Դաշտերու մէջ լայնատարած
Ո՛ւր կը վազես դուն շուարած...:

«Կեանքդ արդէն կարճ է, ա՛յ վրտակ,
Մի՛, մի՛ վազեր ծովն անյատակ
Պիտի թաղէ քեզ ալեաց տակ...»:

Վտակն հծծեց. - «Թող անդադրում
Վազեն ջուրերս. մի՛, մի՛ տրտում
Արցունք կաթեր անոնց սրտում:

«Թո՛ղ, որ երգեմ լուսն ու մութին.
Ի՛նչ փոյթ թե մահն է քայլ մ'անդին,
Ես սիրահար եմ մարմանդին...»:

Ու մինչ քերթողը կ'երազէր՝
Լալո՛վ, վրտակը եռուզեռ
Երգով իր մահը կը վազէր...:

[1907]

ԳԻՆՈՎ ՍԷՐ

Եաննի Ապելին

Դուն Հրա՛չքն ես, դուն Երա՛զն ես, դուն Սէ՛րն ես.
Տարաշխարհի չքնաղ ծաղի՛կն ես աղուոր.
Միսթիքական խնկումներով թունաւոր
Դուն մըսեղէն խենթեցրնող տաճարն ես.
Դուն Հրա՛չքն ես, դուն Երա՛զն ես, դուն Սէ՛րն ես:

* *

Սեւ մազերովը սիրէ՛ զիս, գգուէ՛ զիս,
Անոնց խորհուրդը պատմէ ինձ առանձին,
Որովհետեւ անոնք հոգիս կապեցին,
Իրենց ցանցին մէջ կապտեցի՛ն իմ հոգիս.
Սեւ մազերովը սիրէ՛ զիս, գգուէ՛ զիս:

* *

Թաց աչքերդ վրբա՛ս յառէ տրտմապէս,
Անոնց թո՛յնը ներարկէ ինձ մեղմօրէն,
Որովհետեւ քու աչքերըդ աղուոր են,
Խորհրդամուլ անտառներու շուքին պէս,
Թաց աչքերդ վրաս յառէ՛ տրտմապէս:

* *

Տըզու մը պէս Հանգչեցո՛ւր զիս կուրքծիդ վըրայ,
Հանգչեցո՛ւր զիս՝ ու այտերս կըրակէ՛
Քու ձիւնեղէ՛ն բազուկներուդ մէջ գրկէ,
Ու թող մարմինդ մարմնիս վրայ սարսըռայ
Տըզու մը պէս Հանգչեցուր զիս կուրքծիդ վրայ:

* *

Ահա շրթնե՛րըս կարօտովըդ կ'այրին:
Ու կը լայննայ արտասուքի շիթ մը տաք
Իմ մթաստուեր թարթիչներուս շուքին տակ.
Անոնց վրայ դուն ցօ՛ղը գիր Համբոյրին,
Ահա շրթներըս կարօտովըդ կ'այրին:

* *

Բազուկներդ կը գալարուի՛ն, կը դառնա՛ն,
Տենչին կըրա՛կը նայուածքը կը թոփէ,
Որովհետեւ քու մո՛ւթ հոգին գինով է,
Սիրախտաւո՛ր գիշերներուն պէս գարնան,
Բազուկներդ կը գալարուին, կը դառնան:

* *

ժա՛մն է, աղուո՛ր, երանութեան ժամն է աս.
Շրթներուս վրայ գիր շրթունքնե՛րդ բոցէ,
Մոռցի՛ր կեանքը, աղուոր աչքե՛րդ ալ գոցէ...
Ի՞նչ, կ'արտասուե՞ս, ու յուզումէդ կը գողա՞ս.
ժամն է, աղուո՛ր, երանութեան ժամն է աս...:
[1907]

ՎԵՐՋԱԼՈՅՍ

Վերջալոյս է, կը քալիմ, հովը վայրագ
կը փչէ.
Խոռոկեր է լըճակին կապուտակ սի՛րտը աղուոր
Հովին շունչին մէջ ընդհատ՝ դանդակատան
երգը չէ՞

Որ սարերուն կը սգամէ Հին մեներդ մը
սգաւո՛ր:

Հետուն ծառեր կան տեղ-տեղ՝ տափունքն
ի վար լճակին.
Տերեւաթա՛փ, հողմակո՛ծ, անոնք
կանգներ են հըլու.
Ու ճիւղերնին դէպի ջուր գողղղալով կը
հակին,
Կարծես հաղա՛ր գաղանիքներ ունին
լըճին սգամելու:

Ամպի թեթեւ ծուէններ՝ հովէն տարուած
անդադրում՝
Յածէն կ'անցնին հուպ տալով սարին,
ծառին, լճակին.
Անոնք կ'անցնին հալածուող անուրջներու
պէս տրտում,
Ձը հասկցուա՛ծ բաներու աղուորութեամբն
անմեկին:

Վերջալոյս է. կը քալեմ. հովը վայրագ
կը փրչէ.
Միապաղաղ ամպերու սառնութեան մէջ
մարմարի,
Հորիզոնին վրայ լուռ, արեգակին ցողքը չէ՞
Որ այսօր ալ ինչպէս միշտ գողղղալով
կը մարի:

Բայց ի՛նչ տրտում վերջալոյս: Երկնքին
վրայ աշունի
Ո՛չ արեւի բիւրազնեայ շառաւիղներ
թըրթըռուն,
Ո՛չ երանգներ բոցավառ, ո՛չ երակներ ծիրանի,
Ո՛չ իսկ երիզ մ'ոսկիէ եզերքն ի վար ամպերուն:

Անշրջագի՛ծ, անորո՛շ, սառած ծովու մը նման՝
Հորիզոնը համօրէն գորշ անհուն մ'է կապարի,

Ուր աշնային օրերու տոգոյն արեւն անսահման
Զգալարար կը հալի՛, կը տարտամնո՛յ,
կը մարի՛:

Ու իրիկունն է արգեն. հով ու ալիք կը
հեւան.
Երազներու գոյնին պէս՝ մութն իր քողը
կը թափէ.
Հեռուէ՛ն հեռու, մենամոլ տրամութեան
մէջ իրիկուան,
Ուշ մնացած թռչուն մ'է որ դէպի սար
կը շտապէ:

[1907]

ՍԻՐՈՅ ԱՂԲԻՒՐ

Ահա՛ կու գամ երջանկութեան ակերէն.
Արիւնքս դեռ երազօրէն կը հեւայ,
Ու արցունքներ արտեւանունքս կ'այրեն:

Աղբի՛ւր, աղբի՛ւր, ինչ հըրճուանքով տենդադին
Երկարեցի թշուառ շրթնե՛րքս ակիդ,
Ու ի՛նչ սիրով ըմպեցի ջո՛ւրըդ անգին:

Ոհ, կ'ուզէի մընալ յաւէտ ակիդ քով,
Նիհար ճակատս կոթնցընել քու քարիդ,
Թաղուիլ ջուրիդ երջանկութեա՛ն պատանքով:

Ու կ'ուզէի հալիլ կուրծքիդ մէջ անհետ,
Լոյծ մարմնո՛յդ մէջ կաթի՛լ մ'ըլլալ, կէ՛տ
մ'ըլլալ,
Երգե՛լ, հեւալ, քեզի նըման, քեզի հետ:

Ի՛նչ մոգութիւն կար մարմինիդ մէջ համակ,
Ի՛նչ կ'ըսէին ալիքներըդ վազելով,
Ու ի՛նչ հըմայք կար փրփուրիդ մէջ ճերմակ:

Շրթունքքս գե՛տ քեզ կը փնտաւեն տենդազին,
Ու հրատապ այտերս վար մեզմօրէն
Դողզըզալով կը սահի ցօ՛ղը կեանքին...:

Ահա հու. գամ երջանկու թեան աղերէն...:

[1908]

ՍԻՐՈՅ ՄՐՄՈՒՆՁ

Անոնք գացի՛ն խորհուրդով ու գաղտնիքով
բեռնաւոր,
Գացի՛ն նաւերը սիրոյս իմ աչքերուս առջեւէն,
Տրտակնին վեր, գէպի մո՛ւթ եղերքնեքը հեռաւոր,
Առագաստան՛քը գինով մայրամուտի գաղջ հովէն:

Ու տեսայ որ, հինաւուրց գիցտ հիի մը պէս աղուոր,
Իրենց ձիւնի անարատ սրբութեան մէջ համօրէն,
Թեւերնին վեր, անձանօ՛թ ավուներնեքու
ուխտաւո՛ր,
Անրջանքիս կարասնե՛քը սահեցան յամբօրէն...:

Իրիկուն է: Կը գիտեմ ես լո՛ւյժ անհունը ջուրի.
Հոփր լրտիկ կը պատմէ ինձի յուշքեր երջանիկ.
Ու անպատս՛ւմ խորհուրդով անսահման

Ջո՛ւրը կ'ուռի:
Քար ու փրփուր ավին վրայ կը համբուրուին
իմ առջիս...:
Ես կը գիտեմ հեռաւոր հորիզոններն ուր լռի՛կ
Գացի՛ն նաւե՛քը սիրոյս ու կարասներն
անուրջիս:

Անոնք գացին խորհուրդո՛վ ու գաղտնիքո՛վ
բեռնաւոր...:

[1908]

ԷՏԸԼՎԷՅՍ

Պատիւ վըրայ անխօսուկ, մունջ,
Գամ մը մէջքիդ կը մտածես,
Կը տժգունիս, կու լաս կարծես,
Էտըլվէյսի ո՛վ վըտիտ փունջ:

Թառամե՛ր են թերթերդ բոլոր,
Հիւճեր է ցո՛ղըդ տրամօրէն,
Ո՞ր գժրախտ հո՛վը սարերէն
Քեզ հոս նետեց քայլամոլոր:

Ծագիկներուդ գոզը վայրի
Ու թերթերուդ մէջ գալարուն,
Անհա՛ս, հըպա՛րտ բարձունքներուն
Հիւանդ կարօ՛տն է որ կ'այրի:

Ու կ'երագե՛ս դուն անշշունջ,
Գամ մը մէջքիդ, ու կ'ոլորի,
Գունատ թաւի շըդ մոխիրի,
Էտըլվէյսի ո՛վ նիհար փունջ:

[1908]

ԺՊԻՏ

Յանկայարոյց ու միամիտ
Բոյրի մը պէս տարտամօրէն
Հոգիիս մէջ կ'իջնես նորէն,
Ո՛վ կանացի միսթիք ժըպիտ:

Մութ բաժակիդ գոզը վայրի
Հազար բոյրեր կ'եռան գինով,
Դուն ի՞նչ ունիս, որ հատնումով
Թարթիչներուդ վրայ կ'այրի:

Անգաղտնապահ վանկերդ ամէն
Սիրով, տենդով, ցաւով յըղի

Գիշերներուն՝ գաղտագողի
Փլատակնն՝ բը կը պատմեն:

Ու ամբարիշտ խունկի մը պէս
Անուրջի մը պէս տարօրէն,
Ալիքնն՝ բըզ գիս կ'ողողեն,
Կարծես հոգի՛ս լացնել ուզես...:

Ահա գերի՛ն եմ հրպուժիդ.
Սեւ աչքերուդ մուխը բոլոր
Զիս կը վարէ քայլամուտք...
Ո՛ւր, ո՛ւր այսպէս, ահն՝ զ ժըպիտ...:

[1908]

ԶԸ ՀԱՍԿՑՈՒԱՄ...

Զը հասկցուած երգի կմախք մ'է հոգիս
Աններդաշնա՛կ, գալարուո ղ ճիչ մը վայրի...:
Դո՛ւն ապառա՛ծը չես ճանչնար իմ սուգիս,
Ու աչքերուդ ե՛րգը կ'երգես ինձ բարի:

Ու երբ գուա՛րթ ամէն բանի կը ժպտիս,
Ես կը փակեմ կոպն աչքերուս որ կ'այրի՛
Թափառելո՛ւ համար մուխին մէջ սրտիս,
Ուր երկիւղած արհաւիրքն է քարայրի:

Դա՛նն յուշքերուս հո՛ն սանդուխներն
անկո՛խ, կո՛յս.
Հո՛ն ցաւերուս լիճը որ մո՛ւթ կը սարսռայ.
Հո՛ն դիտապաստ հէգ հայեացքնն՝ բը սիրոյս՝
Կըբանիթի կամարներու ներքեւ ցա՛ծ.

Հո՛ն... Դեռ ինչե՛ր... Զուարթ ա՛ղջիկ, որոնց
վրայ
Թէ գիտնայիր՝ պիտի լայի՛ր անկասկած...:

[1908]

ԵՐՆԷ՛Կ ԶՈՒՐ

Ո՛վ պիտի երգէ քու անփառունակ
Կեանքիդ միամիտ տաղը, մատա՛ղ ջուր,
Որ լո՛յժ դալլալլի մը պէս շարունակ
Կը փրփրիս, կ'երթաս դաշտերուն մէջ ուր
Դարե՛ր, դարերով ե՛րգդ է գոհունակ:

Ո՛վ պիտի պատմէ վաղքերդ մշտուոր
Վայրի վարդերու երազանքն ի վար-
Ո՛վ պիտի ցոյց տայ փրփուրներուդ խոր
Հեւ ի հեւ կեանքիդ սէրերն հոգեվար,
Տարփոտ սէրերու շոյանքն ալ բոլոր:

Լուռ անըջանքի պահուն ցայգային,
Ո՛վ պիտի պատմէ խիճերուդ լեզուն,
Ու հեքիաթունակ սէրն ուռննիին
Երբ մութ գիշերով իրեն ազազուն
Ոստերը փախչող հոգւոյդ կը հայի՛ն:

Միամի՛տ վըտակ, դարերէ ի դար
Դուն մամոտ ճամփէդ կ'երթաս անմոլոր,
Ու երբ կը մեռնին շուրջդ անմխիթար
Գարնայնի գոյն-գոյն ծաղիկներդ բոլոր,
Երկու քարի մէջ կ'երգե՛ս անդադար:

Երնէ՛կ քեզ, վտա՛կ, մեռնիլ չունիս դուն.
Արցունքէ մարմինդ կը վարես անվերջ,
Գիշերներու մէջ միայնա՛կ արթուն,
Անսկի՛ղբն, անվե՛րջ, վտիտ փոսիդ մէջ
Կ'երգես. երնէ՛կ ջո՛ւր, վախճան չունիս դուն...:

Ու երբ այս տողերն մրոտող նիհար
Չեռքէն օր մը լո՛կ պուտ մը հող ապրի,
Ուրիշ քերթող մ'ալ ինձի չափ յիմար
Պիտի գայ հարկաւ երգերըդ վայրի,
Յանգի, չափի տակ առնելու համար:

Մինչ յաւերժօրէն կեանքո՛ւտ, զուարթո՛ւն,
Պիտի կարկաշէ քու ջուրդ մշտաշարժ՝
Հեղնելով արուեստն ու կեանքը մարդուն...
Ո՛վ անմահութեան ստուե՛ր գեանաքարչ.
Վտա՛կ, երնէ՛կ քեզ, մեռնիլ չունիս զուն:

[1908]

ՀԻՆ ԵՂԱՆԱԿ

Տիկ. Ա. Թէոդիկին

Այս գիշեր երգ մը հոգեցունց,
Հովին մեջէն՝ հեռուէն հեռու,
Ձիւնոտ տրրտում ճամբաներու
Խոր անըրջանքը արթընցուց:
Ես մենաւոր ու տրրտմունակ,
Քեզ կ'ունկընդրեմ պատուհանէս
Որ աղօթքի մ'ուրբքին պէս
Կ'արձագանքես, հի՛ն եղանակ:

Արուեստ չունիս, իմաստ չունիս,
Կը կըրկընուիս զուն անդադրում,
Ու ձիւնին հետ դանդա՛ղ, տրրտո՛ւմ,
Դուն տարուբեր կը տատանիս:

Շընչատ մարմինդ կը դողդոջէ...
Վանկերուն մէջ տըժգոյն, վըտիտ,
Ու յանկերգիդ մէջ միամիտ
Ապրելուն խուլ մահերգը չէ՞...

Կը կըրկնէ հովն աննպատակ
Աղաղակներդ ծառին, սարին,
Ի՞նչ կը պատմես զուն գիշերին
Որ կու լայ մայթը հեւքիդ տակ:

Այս իրիկուն, ձի՛ւն իրիկուն,
Հին եղանակ մը հոգեցունց
Ծոյլ երազանքը արթընցուց
Մութ ամայի ճամբաներուն:

Երգը մեռա՛ւ հեռու անհետ,
Բայց ա՛յդ չափով, այդ յանկերգով,
Պատուհանիս գիշերին քով,
Հոգիս կու լայ դեռ երգին հետ...

ՏՐՏՈՒՄ ՈԳԻ...

(սիրերգ)

Թափառամու ճամփուս վրայ քերթողի,
Տրտո՛ւմ Ոգի, ահա դարձեալ գըտայ քեզ,
Հո՛ն ուր քեզի օր մը մինա՛կ ես թողի,
Քարին վրայ, աղբիւրին մոտ, կը հիշե՞ս:

Մեր հրածեշտի օրէն ի վեր դուն այսպէ՛ս
Հեռուն յառած մութ աչքերը սեւածիր՝
Սպասեցիր ճամբուս վրայ տրտմապէս,
Ու արցունքիդ լոխկ ե՛րգը միշտ լացիր:

Ես հեռացա՛յ տարտամին մէջ խօլաբար,
Իմ երազիս ճամբաներէն անդադրում,
Գիշերներու հովին նման խօլաբար,
Վերջալոյսի՛ թռչուններուն պէս տրտում:

Ու վազեցի - անուրջներու ուխտաւոր -
Թաւշին վրայ կեանքի ծիծղուն մարմանդին.
Ու վերքերուս ծաղիկները ախտաւոր
Տարի մինչեւ հորիզոնները մութին:

Ես խոյացայ նուիրումէ՛ս տենդահար՝
Հո՛ն ուր նիհար ճառագայթ մը կայ լոյսի,
Հո՛ն ուր սիրոյ վրախտ երգ մը կը դողար,
Հո՛ն ուր դողգոջ ծիածան մը կար յոյսի...

Ու թեւաբեկ ահա քեզի կը դառնամ
Երջանկութեան ճամբաներէն յետադարձ,
Տրտո՛ւմ Ոգի, հոգւոյս միակ բարեկամ,
Դուն իրական, դուն ճշմարի՛տ, դուն անդա՛րձ:

Ձեռքերուս մէջ՝ դիր ձեռքերըդ մաշաթոյր,
Ու հողեղէն շրթունքներըդ շրթունքիս,
Երակներուս մէջ՝ քու շունչըդ տրտմարոյր,
Արցունքներուդ բիւրեղին մէջ՝ իմ հողիս...:

Տրտճւմ Ոգի, թեւըդ թեւիս դալարոճւն,
Համբոյրի մը անհունին մէջ սրգաւէտ,
Մեր ցաւերուն, արցունքներուն, վերքերուն
Պատարագը պիտի տօնենք քեզի հետ...:

ՍԻՐՈՅ ԵՒ ՄԱՀՈՒԱՆ ԵՐԳԸ

Իմ կեանքս թող աղաչաւոր երգ մ'ըլլայ,
Եղերական ու միամիտ, սե՛ւ ողբերգ,
Իմ սիրտըս թող անհունին մէջ վէրք մ'ըլլայ,
Հսկայական ու տխրօրէն քաղցր վէ՛րք,
Իմ կեանքս թող աղաչաւոր երգ մ'ըլլայ...:

Ես կը սիրեմ իմ տրտմութիւնս դիւթական,
Իմ տրտմութիւնս Աստուածնե՛րու ցաւին պէս,
Քո՛յր, սրտիս մէջ ի՛նչ խաւարներ, վիհեր կան,
Զոր նայուածքովդ կ'ոսկեղօծես ու կ'օրհնես,
Ես կը սիրեմ իմ տրտմութիւնս դիւթական...:

Եկո՛ւր ինձի, լուսնակին պէս գեղեցիկ.
Եկուր ինձի, լո՛յս ու ցնծում հեւալով
Քու արծաթի շողերուդ մէջ սլացիկ
Լուսաւորէ՛ աւերակնե՛րըս լալո՛վ.
Ես Մահն եմ. ե՛կ ինձ կեանքին պէս գեղեցիկ...:

Իմ կեանքս թող առուին երգին պէս ըլլայ,
Ու երգս անուանդ կրկնումն ըլլայ թող յաւե՛րժ,
Իմ կեանքս թող մո՛ւթ ջրվեժին պէս ըլլայ,
Ու դէպի քեզ անկում մ'ըլլայ գահա՛վէ՛ժ.
Իմ կեանքս թող առուին երգին պէս ըլլայ...:

Ես կը սիրեմ երկու աչերդ վիհի՛ պէս,
Ուր խաւարներ կը փոթորկին մոլեգի՛ն.
Երկու աչերդ՝ Աստուածներու սկիհի՛ն պէս,

Տո՛ւր ինձ անոնց մէջ սրբրացնել իմ հոգին.
Ե՛ս կը սիրեմ երկու աչերդ վիհի պէս...:

Եկո՛ւր ինձի, քեզ կրղձայ շունչըս անդօր...:
Եկո՛ւր, ես մո՛ւթ բաներ պիտի քեզ ըսեմ
Սիրոյ պէս քաղցրը ու Մահուան պէս հրդօր.
Գերեզմանիս լացող սիւքին պէս նրսեմ
Եկո՛ւր ինձի, քեզ կ'ըղձայ շունչըս անդօր...:
Իմ կեանքըս թող կորած նաւուն պէս ըլլայ,
Շունչդ ուռեցնէ ծեր առագաստըս անա՛հ,
Մի՛, մի՛ լսեր յոգնած հոգիս որ կուլայ,
Տա՛ր զիս Սիրոյ կղզիներէն դէպի Մահ,
Իմ կեանքըս թող կորած նաւուն պէս ըլլայ...:

Շամբերի, 20 Օգոստոս 1910

ՄԱՀԱԶԳԱՑՈՒՄ

Այսպէ՛ս, այսպէ՛ս... Անուշ, անուշ սիրական
Մոտեցուր մանրը մատներդ մանկական
Տաք կոպերո՛ւս, տաք կոպերո՛ւս դժոխքին,
Զգո՛յշ, զգո՛յշ, ա՛խ չըլլայ որ բորբոքին:

Կուրծքի՛ս հակէ փոքրիկ գլուխդ յաղթական,
Լսէ՛, դեռ հոն հոնդիւններ, ողբեր կա՞ն,
Լսէ՛, անուշդ իմ սիրական: Ո՛հ, անգին
Արբանք մէ՛ այս որ կը խնկէ իմ հոգին:

Մեռնի՛լ, մեռնի՛լ... Անմահանալ մահուան մէջ.
Մեռնի՛լ... գրկիդ գոգն, ա՛յսպէս մեր սէրն
անշէջ՝
Անհունին մէջ ծառայընել տիրական...:

Մեռնի՛լ... կու լա՞ս... Կը խորհէի սիրական,
Թեւերուդ մէջ քարանալու հաճոյքին,
Քո՛յր, մահանո՛յշ քոյր, մահազօր, մահագին...:

Լօզան, 14 Դեկտ. 1908

ԶԻՒՆԻՆ

Սրտէս ջահեր վառեցի
Խաւարն եկաւ խափանեց,
Սրտէս վարդեր ծլցուցի
Զիւնը եկաւ պատանքեց...

Հպարտ հողւոյս մէջ տղու՝
Անմա՛հ ըլլալ կարծեցի,
Գարնան երկնին տակ աղո՛ւ
Ես սիրեցի՛ ու լացի՛....:

Երզը մեռաւ շրթներուս.
Միայն մա՛հ կայ, կաղկանձի՛ւն.
Ներէ՛ ծաղկող ծիլերուս,
Ծերմակ Ոչինչ, ճերմա՛կ Զիւն....:

Ներէ սրտիս իմ անահ,
Անուրջներո՛ւս վաղանցիկ.
Ծերմա՛կ Աստուած, ճերմա՛կ Մահ,
Զի դո՛ւ ես լոկ գեղեցիկ....:

Կը մեռնին սէր ու ժպիտ,
Զի դո՛ւ ես լոկ իրական.
Կեանքը քրքի՛ջ մ'է հտպիտ,
Ու դո՛ւ ես լոկ տիրական....:

Հաւատացի՛ վարդերուն,
Համբոյրներո՛ւն կանացի.
Սիրոյ Հի՛ն հի՛ն դարերուն
Աստուածն ըլլալ կարծեցի...

Կարծեցի գաղջ հո՛վն ըլլալ,
Հովի՛ւն ըլլալ սիրերգակ,
Աստղերուն բոցը գողնալ,
Ըլլալ անմահ արեղակ....:

Բայց սա՛ն լեզուովդ ինձ կ'ըսես
Թէ արեւներ կը սառչին...
Ապա մարդուն սիրտը վէս
Խաւարտչին կէտ մ'է չնչին...:

Համրոյրը գէ՛ջ, սերն անշէ՛ջ,
Պետք է մոռնալ ամէ՛նն ալ,
Փակել աչերս Մահուանդ մէջ
Անհունիդ մէջ անհուննա՛լ...:

[1909]

ԵՐԱԶՆԵՐ...

Երբեմն հոգւոյս ծովուն վրայ վէս,
Դիցարանական հին նաւերու պէս
Կ'անցնին երազներ.
Առադաստներն խունկ ու հովով լեցուն
Արշալոյսներու կ'երթան Աստուծուն,
Շուշա՛ն երազներ:

Երբեմն մտքիս դաշտին վրայ դալար,
Եօթ մուսաներու նըման միալար,
Կ'անցնին երազներ:
Ձեռք մը պաշտելի մատներն իմ նիհար
Կը տանին իրեն շուրթին սիրահար.
Սիրո՛յ երազներ:

Երբեմն սրտիս գերեզմաննոցէն
Ինձ հին սիրելի մահերու խուցէն
Կ'անցնին երազներ.
Իրենց քայլին տակ ոսկրեր կը հնչեն
Ու անոնք իմ մէջ իսպառ կը ջնջեն
Ամէ՛ն երազներ:

Ա՛խ, կ'ուզեմ մոռնալ կերտուածքս հոգեղէն,
Կ'ուզեմ բարձրանալ, երկնի աստղերէն
Գողնա՛լ երազներ.

Տղու պէս թռչի՛ր անհունին մեջէն.
Բայց բիւր ցաւեր զիս ի հող կը խաչեն.
Ո՛ւր եք երազնե՛ր...:

Եկեք փռուելու ճամբուս վրայ վերջին,
Արիւնոտ ոտներս հողին կը դպչին.
Եկե՛ք երազներ
Ծեր արծուի թեւերս հովով լեցնելու,
Հպարտ հողիս մե՛ծ հոյսով լացնելու
Սո՛ւտ, սո՛ւրբ երազներ...:

Լօզան

ՍՏԻՆՔԸ

Կեանքի Տօնն էր: Հօն էին բոլոր
որդիքը Մարդուն.
Ո՛ւ անոնք որ դեռ կ'ապրին, ո՛ւ անոնք
որ չի ծընան.
Ո՛ւ մեռելները բոլոր: Բաց երկինքին տակ
անհո՛ւն,
Կանա՛չ, անծի՛ր վայր մըն էր, սառած ծովու
մը նրման:

Գետինէն վեր ծառացող ծանրը մը ծուխ
գալարուն՝
Արիւն ու կիրք կը բուրէր: Կապարի շունջ
մ'անկենդան,
Տարածութեան վրա անծի՛ր, գիրկ գիրկի,
մոտն ու հեռուն.
Տրտում գոյգեր Մեծ Կեանքը կը բեղմնէին:
Լռելիայն:

Ու Կոյսերու կուրծքին վրայ տաք գլուխներ
սիրահալ,
Մայրեր որոնք տաժանքով կը ծնէին, ո՛հ,
անդարձ

Մեռելներու նոր սաղմեր, ծիծին յարած
փոքրեր ալ:

Արդ կասարի օղին մէջ, հսկայալա՛ռ,
ահագի՛ն,
Կրանիթէ Բուրգ-Ստինք մը կը տիրէր
երկնամբարձ,
Սուգի սեւ խաչ ցցած իր գաղաթի պտուկին:

ԱՍՏՂԻ ՄԸ

Ամէն իրիկուն արեւն երբ չքնաղ,
Արեան մէջ կարծես՝ կը սուգի դանդա՛ղ,
Ու ստուերի մէջ սարեր կը հեւան,
Ես քե՛զ կը նայիմ, ո՛վ Աստղ իրիկուան:

Ձեմ գիտեր, ո՛վ Աստղ, անունըդ գոնէ,
Դեռ ինծի ոչի՛նչ չեն պատմած քենէ.
Գիտեմ միայն որ մանուկ հասակէս,
Ո՛վ Աստղ իրիկուան, ես կը նայիմ քեզ:

Մանուկ հասակէս նոյն կէտն ես դողդոջ,
Անհունին մէջ նոյն ժպիտը բողբոջ:
Ի՛նչ փոյթ, թե անդին դեռ բիւր աստղեր կան,
Ես քե՛զ կը նայիմ, ո՛վ Աստղ իրիկուան:

Անոնք շատ բարձր են, անհաս, յաւակնոտ,
Դուն վարն ես, մերին հորիզոնին մօտ.
Մինակը դ տժգո՛յն, տժգո՛յն, ոսկեգէս,
Ո՛վ Աստղ իրիկուան, ես կը նայիմ քեզ:

Դուն կաս ու չկաս, - խարկանքը լոյսին,
Դուն յոյսն ես հեռուի, յոյսը անյոյսին...
Ու երբ արցունքոտ բիրերս կը հեւան,
Ես քեզ կը նայիմ, ո՛վ Աստղ իրիկուան:

Կեանքը երգ մ'է՛ք քեզ... Ու ի՞նչ կեանք
Աստուա՛ծ,
Միշտ յոյսին յառած ու միշտ ալ խարուա՛ծ,
- Ծեր է սիրտս, բայց աչքերս սիրակէզ,
Ո՛վ Աստղ իրիկուան, դեռ կը նայի՛ն քեզ...:

Օգոստոս 20/Սեպտեմբեր 3, 1909
Սիւլվիբ

ԱՍՊԵՏԻՆ ԵՐԳԸ

Ճերմակ ձին է թամբեր, տեսէք,
Ոսկի թամբին վրայ կանգնած սէզ
Լուին կ'երթայ ասպետն, ըսէք,
Ասպետը սէզ դէպ ո՞ւր կ'երթայ...:

Կը խրոխտայ վէս ձին՝ կոյսի պէս.
Արշալոյս է, ծաղկի հանդէս.
Հազար թռչներ կ'երգեն անտես.
Ասպետն, ըսէք, դէպ ո՞ւր կ'երթայ...:

Հետեւորդներն ո՞ւր են աղուոր,
Ռազմի՞ կ'երթայ ան ահաւոր.
Ո՛չ, իր սրտէն ի վիրաւոր,
Ասպետն, ըսէք, դէպ ո՞ւր կ'երթայ:

Ահա հասաւ ժայռին գաղաթ,
Դէմքը ծածկեց ձեռքով երկաթ,
Խոյացաւ վար ձին խանդակաթ,
Ասպետը սէզ մահուա՛ն կ'երթայ...:

[1911]

ԳԱՑՈՂ ՄԱՐԴԸ

Ձեմ գիտեր ո՛վ, չեմ գիտեր ո՛ւր
Կ'երթայ... Հի՛ն, հին ասպետ մը լուռ,
Կ'բսեն ձիուն վրայ տխուր
Կ'երթայ շուտ-շուտ, չեմ գիտեր ո՞ւր...:

Կը տեսնեմ մեծ շուքն իր նիհար
Վերջալոյսին, ամպերէն վար,
Սեւ նժոյգին վրայ հոգեւար
Սարին կ'երթայ, չեմ գիտեր ո՞ւր...

Կ'երթայ, շուտ-շուտ ու չի տեսներ
Որ ետեւէն բիւր կմախքներ
Ա՛լ վազելէն շատ են յոգներ,
Ան կ'երթայ շուտ, չեմ գիտեր ո՞ւր...

Կ'բսեն՝ զղեակ մ'ունի ազուոր,
Կամ ուխտ մը սուրբ, սէր մ'հեռաւոր,
Ու հող կ'երթայ... Եւ գիտեմ որ
Տապան մ'ունի, չեմ գիտեր ո՞ւր...

[1911]

ԵՐԵՔ ԶԻԱՒՈՐՆԵՐ

Դաշտէն երեք ձիաւորներ
Անցան երեք մրցորդի պէս.
Առաջինը սեւ ձի մ'ունէր
Ու մութ շարժում մը կ'ընէր վէս:

Դաշտէն երեք ձիաւորներ
Անցան. երկրորդը կը խնդար,
Ան կոյս կարմիր նժոյգ մ'ունէր
Որուն պայտէն վարդ կը պոռթկար:

Դաշտէն երեք ձիաւորներ
Անցան. երրորդը սպիտակ
Ծե՛ր ձի մ'ունէր, ճերմակ ոսկրեր
Կը ջարդուէին իր պայտին տակ...:

Սեւ ձին Մեղքն է, միւսը Սէրն է,
Որի վըրայ ուղես հեծիր,
Ճերմակ ձե՛ր ձին քեզ կը բռնէ...
Ծեր ձին Մահն է որ հեզնեցիր...:
[1911]

ՍԷՐԸ

Քընարիս եօ՛թն աղիքներէն կանացի
Եօթը որբուկ հառաչանքներ հանեցի
Եւ մի՛շտ ժպտիլ կը կարծէի, մի՛շտ լացի...:

Սէրն հեթանոս երջանկութի՛ւնն է, խաչուա՛ծ,
Սէրն ա՛յն կուռքն է, որուն առջեւ ծնրադրած
Որբի՛ մը պէս պիտի ողբար Ի՛նքն Աստուած...:

Սէրը ճերմակ անհունին մէջ կոյր ա՛ջն է.
Սէրը՝ սիրոյ ուխտանան չէ՛, իր խաչն է,
Իր ցաւերուն ընդդիմացող ո՞ր քաջն է...:

Սէրը սէր չէ, մահը մահ չէ, սե՛րն է մահ,
Սէրն անդունդին մէջ ընկուղումն է անվա՛խ,
Սէրն աչքը գոց ցայդաչըջի՛կն է անահ...:

Երջանկութեան սեղանին վրայ խրախճան՝
Բեհէզ, կարմիր ծածկոյթին տակ պատմուճան՝
Սէրը կըմա՛խք կոչնականն է դաւաճան...:

Սիրե՛լ, սիրուի՛լ, - ոսկեղենիկ սո՛ւտ աղուոր
Սիրե՛լ առանց սիրուելու, - սո՛ւգ ահաւոր,
Սակայն աւա՛ղ անսէ՛ր կեանքին, -
կեա՞նք է որ...:

Կը տեսնե՞ս սա վիհին վըրայ Սեր-ակը,
Հազարնե՛ր կուլ է տուեր այդ սե՛ւ ակը,
Իր ջուրէն օր մը խենթեցաւ Սեւակը:

Լօզան

ՍԻՐԷ

Այգո՛ւն, այգո՛ւն առուին լացող
Յանկերգն, ու ծառ, ու ծիլ, ու ցող,
Ու արտո՛յտն ալ վեր խոյացող
«Սիրէ՛, - կ'ըսին. - պիտի մեռնիս...»:

Տարիներէ ի վեր ահա
Քնարս ձեռքիս տակ կը դողայ
Յաւէտ նո՛յն վանկը. «Նեղճ տղայ,
Սիրէ՛, սիրէ՛, պիտի մեռնիս...»:

Զեփիւռ, թիթեռ, սիւք ու թռչուն,
Ու ալեակները կարկաչուն
Կ'ըսեն՝ «Կեանքի միակ ինչուն
Սէրն է, սիրէ՛, պիտի մեռնիս...»:

Զեռքս աչերուս կ'անցնիմ արագ.
Ա՛խ, սիրե՛ր եմ սիրտս փլատակ
Մոխիր մ'է տաք... Ու շա՛տ հստակ
Զայն մ'ինձ կ'սէ՛ «Պիտի մեռնիս...»:

ՎԱՂԸ

- Վա՛ղը... - ըսիր ինձ տրտմաբար
Ա՛խ այդ մէկ վանկը անհընար
Յաւիտեաններ կը խոստանար.
Շրթունքիդ այդ խաղը՝ «Վա՛ղը...»:

«Վաղը...» ինչո՞ւ. մինչդեռ այսօր
Այնքան չքնաղ ես ու բոսո՛ր.

Ու մինչ մեր վրայ ա՛յնքան հըզօր
Կ'իշխէ այս պահն այսօ՛ր... «Վա՛ղը...»:

Այսօր սէրն է, այսօրն հմայք.
Այսօրն յոյսն է, այսօրը կեանք,
Այսօր երազ այսօրը խարկանք
Մինչ դուն ինձի բսիր «Վա՛ղը...»:

Ու երկչոտ սիրտըդ աղջըկայ
Մաղթեց որ այդ վաղը չի դայ,
Վաղն ի՛նչ է որ, վաղը չիկայ,
Գերեզմա՛ն մ'է, հողի՛ս, վաղը...:"

ՊԶՏԻԿ ՍԻՐՏԸԴ

Ես մերթ կը խորհիմ թե աստղերն ի՞նչ են,
Սիրող աչերու պէս քաղցր ու ջինջ են.
Ու ամպերն ի՞նչ են, ու Աստուած ո՞վ է
Նախանիւթն առջին մարմի՞ն է, հո՞վ է...:

Ու չէ՞ կարելի մեծ տիեզերքին
Մըտովի հասնիլ օր մը եզերքին.
Ու Անհունութիւնն իրաւ անհո՞ւն է,
Ու Անմահութի՛ւնը լոկ անո՞ւն է...:

Յիմար եմ որ այսպէս խոր կը խորհիմ,
Ես որ չի գիտցայ դեռ, պաշտելիդ իմ,
Ինչո՞ւ օր մը գիս սիրով սիրեցիր,
Թէ կը սիրէիր ինչո՞ւ լըքեցիր...:

Չկրցայ ճանչնալ պատըլիկ սիրտըդ,
Իմ մէկ ափիս մէջ փշրելիք սիրտըդ,
Բայց դեռ կը խորհիմ՝ երազիս մէջէն՝
Թէ աստղերն ի՞նչ են... Սիրոյ պէս
ջի՛նջ են...

«Եկո՛ւր, - կ'ըսէ ինձ տարտամ ձա՛յն
 մ'անդադրում.
 - Եկո՛ւր, եկո՛ւր սիրահարի քու տրտում
 Սիրտը րաց ինձ՝ անբեւեռու շուքին տակ,
 Բանաստեղծի փոթորկող սիրտդ անյատակ...:

Դու սիրելէն ու խարուելէն ա՛լ յոգնած,
 Եկո՛ւր, եկո՛ւր, անտառներուն ուխտազնաց՝
 Թռչներու երգը մութ հոգւոյդ ալէլո՛ւ,
 Ծառէ ի ծառ թափառելու ու լալու...:

Եկո՛ւր, ես ծեր Վիհին սիրտն եմ դահավէժ.
 Ես անտառին ծերուկ սի՛րտն եմ խոռովուն.
 Վերջալոյսի արիւնոդ սի՛րտն են յաւերժ.
 Հեծո՛ղ սիրտն եմ գերեզմանի ցո՛ւրտ հովուն...:

Եկո՛ւր, եկո՛ւր, Հասունցեր ես ինձ Համար.
 Մտիր սրտիս մէջ, նոյնացի՛ր անհամա՛ր
 Չեւերուս հետ, էերուս հետ մահազօր.
 Բեզի քանի՛ պիտի ըսեմ իմ հրդօր...:

Ի՛նչ հաճոյք ա՛լ մեռած սիրտ մը կրրելէն...
 Եկո՛ւր քարիս տակ դիր գըլուխըդ լալէն,
 Ոչինչիս մէջ ոչնչացիր դու անա՛հ,
 Յաւերժ նոյնիս հետ նոյնացիր դուն անմահ...»:

Ո՛չ, ո՛չ: Դեռ սի՛րտս է համբոյրին ծարաւի...
 Թող ինձ քայե՛լ տանապանքի ու ցաւի
 Ճամբաներէ՛ն, ճամբաներէ՛ն դեպի Սէ՛ր...
 Ո՛չ, մահակոչ քու հրաւէրդ չե՛մ լսեր...»:

Սակայն «Եկո՛ւր, - կու լայ ինձ ձա՛յնը նորէն.
 Անհունիս մէջ անհունացիր լուռօրէն...
 Բանաստեղծի սո՛ւրբ դիակէդ ես բողբոջ,
 Փոսուռանե՛ր, փոսուռանե՛ր կ'ընեմ...» - Ո՛չ:

Շամբերի, 1 Սեպտ. 1910

ԳԻՇԵՐԻՆ ՄԷՁ

Հայկ եղբորս յիշատակին

Կը լայննայ երկիրն քը անծա՛յր ու ջի՛նջ,
Գիւղին վրայ քիչ-քիչ մութը կը կոխէ,
Ամէն բան իրեն գոյնը կը փոխէ,
Հանդա՛րտ ամէն կողմ, մո՛ւթ է ամէն ինչ:

Վարդն իր աչքերը կը գոցէ մութին.
Ծառերն են կեցեր լո՛ւռ, բազկատարա՛ծ.
Նոճին իր գլուխն է վեր կարկառած.
Լոյսեր կ'արիւնին ծառերէն անդին:

Ահա կը քնանայ բնութիւնն Համակ.
Կեանքը դադրեցաւ, թռչուն մը մինակ,
Միս մինակ — ինչո՞ւ — կ'երգէ տրտմունակ.

Գիշերային այս լռութեան մէջ խորին,
Իր սիրտբուխ երգերն սրտէն կը թռին,
Ու մինակ-մինա՛կ ես կու լամ լռին...:

[1914]

ԳԻՇԵՐՆ ԻՋԱԻ

Գիշերն իջաւ անամպ, անհուն,
Բիւր բիւրեղէ ի՛նչ նուրբ անուն
Տալ անուրջի այս սուրբ պահուն:
- Ա՛խ, ապրելո՛ւ երջանկութիւն...:

Կ'անէանայ նաւն հեռակայ.
Լիճն երազ մ'է, կայ ու չըկայ.
Ջուրի շշուէնն է լոկ վըկայ,
- Շշնջելո՛ւ երջանկութիւն...:

Վերն հազար աստղ, վարն հազար լոյս,
Կիսաստուերին մէջ հոգեհոյզ

Կը խօսակցին քար, վըտակ, բոյս.
- Ա՛խ, իրերո՛ւ երջանկութիւն...:

Ու կը ձայնէ մատուռն յստակ:
- Սա ծերունի ծառերուն տակ,
Այս քաղցրութեան մէջ բովանդակ
Քարանալո՛ւ երջանկութիւն...:

[1914]

ԴՐԱՄԻՆ ԱՂՕԹՔԸ Խեղճերուն

Հողագունտիս կեղեւին վրայ տրտմածին
Թափառայած իմ ոտքերըս քալեցին
Եղբայրութեան տաքուկ շունչը փնտռելէն,
Ու ամէն տեղ իմ հէգ աչերըս լալէ՛ն
Տեսան փարթամ մեծատունին դըրան քով,
Աղքատ մայր մը, որ կը սպասէր արցունքով:

Ո՞վ ես ուրեմն, թշուառութեա՛ն դու գործի,
Դրբա՛մ, որուն լուռ ցոլքին մէջ կ'արծարծի
Ճակատագի՛րը տառապող մարդկութեան:
Ըսե՛, քու կամքդ պիտի իշխե՛ն յաւիտեան.
Ու պատմէ ինձ, պիտի ըլլա՞ն միշտ, աւա՛ղ,
Զքե՛զ լալով մեռնողները անսըւա՛ղ:

Մա՛րդն, առաջին այն մարդը որ տենչավա՛ր
Պեղեց, խուզեց հողին արգա՛նդը խաւար.
Ու չարանենդ թաքըստոցէ՛դ դարաւոր՝
Խըլեց քեզի, յղկեց, մաքրեց փառաւո՛ր,
Ա՛յդ մարդը, վա՛խ, ժանտ ցոլքերուդ մէջ ժպտուն
Զը նշմարեց տխո՛ւր անկո՛ւմը Մարդուն:

Տառապանքի, անյուսութեան ողբեր խո՛ւլ,
Կը խեղդուին քար պատերու տակ խարխուլ.
Սովալըլուկ բի՛ւր թշուառներ տրտմօրէն

Իրենց նիհար ձեռքերը քեզ կ'երկարեն.
Ու տնդահար փողոցին վրայ, ամէն դի,
Քանի՛ փոքրեր կան մայրագո՛ւրկ, անօթի՛:

Իջի՛ր, իջի՛ր, խոնարհօրէն, մեղմօրէն,
Իջի՛ր ոսկի սանդուխներուդ մատներէն՝
Թշուառութեան խշտեակներուդ մէջ խոնաւ
Ուր քու ցոլքե՛րըդ նըշուլած չեն բընա՛ւ.
Ցամքա՛ծ շիւղեր, բոլորը քե՛զ կը դառնան.
Իջի՛ր, իջի՛ր, անձրևներու պէս դարնան...:

[1907]

ԿԱՐԻՃԸ

Իրիկուն է: Փոքրիկ, ահեղ, մահունակ,
Կարիճն Հանդարտ մեղմ արեւուն կը տաքնայ:
Գնչուի խեղճ գերեզմաննոց մ'ուր մի՛նակ
Եմ իրեն հետ. քարին վըրայ, ես ու նա:

Անճա՛ռ հեշտանք, հեւքն արեւուն գաղջունակ,
Կոնակէն ներս, արիւնին մէջ կ'ընթանայ.
Մինչ տտունն իր գլխուն վերեւ շարունակ
Կ'ելեւէջէ, արքայօրէ՛ն անխընայ:

Ան կը տաքնայ. ու կը պաշտեմ զայն լռին.
Ու կը պաշտեմ ես քեզ, մըթի՛ն թագաւոր,
Դուն Ո՛ւժ, դուն Վըէժ, դուն Դառնացումն
անմեկին:

Երնէ՛կ կարիճ: Երանութեա՛մբ թաթաւուն,
Մահը ծոցիդ, թոյնը խղճիդ, ահաւո՛ր,
Դուն դեռ կրնա՛ս տաքնալ բարի արեւուն...:

5 Հոկտ. 1908

ԾԵՐ ԲՈՐԵՆԻՆ

Անձրեւին տակ կը քալէ. Ծե՛ր, ամեհի՛:
էզ բորենին: Վերջին օրն է, կը վախի:
Վա՛րժ ապրելու միշտ ուրիշի մը մահով,
Իր դիակին կը ցանկայ վա՛յր մ'ապահով:

Խուզեալ ուղեղը մահամերձ գաղտնի.
Իր հոգիին մութ վաղուան հարցը չունի:
Միայն դողդո՛ջ, կ'ուզէ քալել օրերով,
Գտնել մութ խորշ մ'ու հոն մեռնիլ անխուով:

- Լո՛ւռ ուղևոր. տարիներով դիակներ,
Խողխողելով սուր ժանիքներդ են մաշուեր.
Ու կը դողաս մահէն, մինչ Մա՛հ է անունդ:

Ինկի՛ր, դիակը՛դ ուրիշի մը սընունդ:
Արգանդիդ մէջ կըրած, կաթո՛վըդ սընած,
Կորիւնդ հո՛ն, փորոտիքէդ ծարաված:

Դէ՛հ, կեանքին՝ մահն օրէնք դրեր է Աստուած...:

Լօզան, 1 Յուլիս, 1909

ՊՈՌՆԻԿԸ

Գ. Զօհրապին

Կէս գիշերէ վերջ մըն էր, խոնաւ գիշեր
մ'անձրեւի,
Լապտերին թաց լոյսին տակ կանգներ էիր
տըրտմովի.
Ձուրը կ'երգէր մայթին վրայ, հոս-հոն վազքն
էր կառքերուն.
Կը սպասէի՛ր դուն այդ ա՛փ մը հողիդ շուրջ
դեգերուն:

Բըռնի ժըպիտ մը կուլար աչերուդ խո՛րը ծաւի,
Ներկուած լիրբ շըրթներուդ վրայ պըրկումը
կար ցաւի,
Ու անառակ չըփակիդ զոյգ սահանքին տակ
սիրուն՝
Ցայտքը չի կար այդ գիշեր ցայգազըւարճ
կիրքերուն:

Կը սպասէիր դուն պատրա՛ստ ու համակե՛րպ
ու հըլո՛ւ,
Առա՛նց սիրոյ, ընտրութեան, նուիրուելու
համար կո՛յր
Այն բարեհա՛ճ Արուին, որ հաց ունէր քեզ
տալու...

Գութի, կիրքի պէս տարտամ բոց մ՛ըզգացի
սըրտէս ներս՝
Ու թերե՛ւքս այդ գիշեր նուիրուէի քեզի,
Բո՛յր,
Եթե կաթիլ մը արցունք չըստուցնէր իմ
այտերս...
Կէսգիշերէ վերջ մըն էր, խոնաւ գիշեր
մ՛անձրելի...

[1908]

ԱՐԳԱՍԱԻՈՐՈՒՄ

ԹԷՈՒԴԻԿԻՆ

Մառախուղի առաւոտով, ծեր ձիերը կը քաշեն,
Դանդա՛ղ, անիւր չի ճռար ձիւնին վըրայ:
Միայ չէ՛ն,
Խարազանն է որ կը խօսի թաց օդերու մոայլ
սուգին:
Ու կ'երկարի՛ ճամբան, մինա՛կ, անհորիզոն,
ահագին:

Ինքնասուզուած, նախատիպար այդ կառքին
մէջ գիւղաշէն,
Ես կը դիտեմ սառած ձիւնը կախուած իրենց
լա՛յն բաշէն:
Ծե՛ր, կը քաշեն: Խեղճ ամուլը: Աջն արոււն է,
ձախն՝ էգին
Խորշոմ Ծագիկը կ'երեւայ, պոչին շարժքէն,
ցաւագին...

Հալածուած գոյգ: Ու կը խորհիմ թե այդ
երկո՛ւքը միայն,
Մշտնջենական Տառապանքն է, զոր կը տանին
լուկեայն,
Եւ թե մե՛կը միւսին բաւ է՝ խեղճ բընագդի մը հըլու՝
Տառապագին սերունդի մը ամբողջ սերմը
դընելու...

Այսպէս, թշուառ, արքայապառ մտրակի մը
ներքեւ շէ՛ն,
Յաւիտեանին Անէժժքն իրենց Արգանդին մէջ
ախտաշէն,
Մառախուղի առաւօտով, ծե՛ր, ձիերը կը քաշեն...

1 Հոկտեմբեր 1908

ԻՆՉՊԷՍ ԵՐԲԵՄՆ...

Քերթնող, պատմէ՛ մեզ հայրենի յուշքերէդ,
Երգէ՛ մեզ հի՛ն օրերու երգ մը անհետ,
Թափառայա՛ծ թրուպատուրի ե՛րգ մը զով,
Արըշի՛ն ու զո՛վ մեր Գողթանի ողկոյցով...

Մեռելի շէ՛ն երգ մը հանէ թոքերէ՛դ,
Հի՛ն, կըռպապ՛չտ այն երգերէն որոնց հետ,
Մեր ասպագէն Քաջերն արոյր թափորո՛վ,
Սաղաւարտնին շողացնելով ջահերո՛վ,

Արքայական հանդէսներուն վայրա՛ղ, վէ՛ս,
Կը պարէի՛ն Աստուածներո՛ւ պարին պէս...
Երգէ՛ մեզի հի՛ն օրերու հին յուշեր.

Մենք դարաւոր մեր Մահացումն այս գիշեր
Պիտի պարե՛նք, եղևոնօրէն շէ՛ն, խելա՛ռ...
Քերթողը, ծե՛ր, չըխօսեցաւ... Ան կուլա՛ր...
Լօզան, 1 Յունուար 1909

ՉԶԱՍԿՑՈՒԱԾՆԵՐԸ

Հ ա յ ր ը

«Հայր մեր որ յերկինս...»

Աստանդական մ'ալեհներ, ցուրտ գիշերով,
բուք-բորան,
Մթին փողոց մը, քարի նստարանի մը վըրան,
Իրեն խարխուլ կողին վրայ ընկողմանած էր
արթուն,
Երբ ապաստան փնտռեց հոն նիհար տըղայ մը
անտուն:

Խաւարին մէջ նայուածքներն իրա՛ր զարկին,
շաչեցան...:
Ծերը հեռու քաշկռտեց հիւանդ մարմինն իր
անձա՛յն.
Ճանչցե՛ր էր. բայց չի կրցաւ ըսել՝ «Որդեակ
մոլորուն,
Զաւա՛կս ես զոր լքեցի անօթութեանս
օրերուն...»:

Թշուառութեան հիւրընկալ նստարանին վրայ
քարի,
Կեանքի խաւար գիշերով, Մարդն ու Աստուածը
բարի,
Պատահարար, կող կողի, երբոր գիրար տեսնային,

Եհովան իր լուսեղէն պըսակին մէջ երկնային
Ձէ՞ր ամչնար ըսելու թշուառ, անակ՛ր, խեղճ
Մարդուն.

«Ես եմ քու հայր Արարիչդ, ամենակալ,
մշտարթուն...»:

Լօզան, 25 Փետր. 1909

Վ ե ը ջ ի ն ա ը ք ա յ ն

Հօլա՛, ո՛վ կայ...: Հողի մը չի՞ տրոփեր...:
Ո՛չ մեկ շունչ:

Ու Առիւծն իր առջեւի մէկ թաթին վրայ
անմըռունչ
Արձանացած՝ կը թարթէ իր մութ նայուածքը
Հեռո՛ւն.

Արշալոյսի առաջին արիւնտառդ գիծերուն:

Արիւնտառ՛դ...: Բայց Առիւծն այնքա՛ն տխուր է
ու մունջ:

Կարօ՞տն ունի թռչնիկի հովուերգութեանց
քաղցրահունչ,
Կամ միամիտ, մտերիմ եղնիկներու խաղերուն...:

Ամայութիւնն է իր շուրջ, իր մէջ Չանձրո՛յթն
անհուն:

Ո՛ւր, ո՞ւր են հին ատեններն, ուր ան կ'իշխէր
անողորմ:

Մա՛րդը, խոնարհ ու գաճաճ, արշաւե՛ր է ամէն
կողմ:

Թոքախտաւոր առիւծներն հարցո՛ւր երկաթ-
վանդակին...:

Այսպէ՛ս, առտո՛ւն, քարացած, ան կ'երագէ
 արտադին,
 Ամայութեան մէջ բանառւած, Աստուծոյ մը
 պէս ինկած...:
 - Առի՛ւծ-Արքայ, գնդակ մ'ալ քե՛զ կը փրկէ
 անկասկած...:

Լօզան, 28 Փետր. 1909

Պ ի տ ի մ ե ո ն ի

Ճի՛շ, ճի՛շ մըն ալ...: Անօգո՛ւտ: Փոթորկին մէջ
 աշունի,
 Անծի՛ր ծովուն վըրայ գորշ, դէպի ափե՛րն
 հայրենի,
 Ծիծառներուն կը սուրայ լո՛ւռ կարաւանը
 փութով:
 Իրենց վերջինն, ուժասպառ, կը փորձէ ճի՛շ մ'ալ
 թոթով...:

Պիտի մեռնի: Ան գիտէ: Բայց մո՛ւթ հոգին
 թռչունի,
 Անմահութեան գո՛նէ այն ճարտար հաւատքն
 ալ չունի,
 Որ կը շոյէ մեր վերջին ժամերն Յոյսով ու
 Սուտով...:
 Միա՛յն գիտէ թե աչքերն խաւարելու են
 շուտով:

Որովհետեւ մոնչոզ գորշ ծովուն վրայ
 անյատակ,
 Ի՛նչ դիակներ տեսաւ ան՝ ուխտի ճամբուն
 նահատակ...:

Հեռո՞ւն. ո՛չ գիծ մը տարտամ:
 Հեռո՞ւն. ո՛չ կայմ մը նիհար:

Մեռնի՞լ. ո՛չ, ո՛չ: Դե՛ռ թռչիլ կը փորձէ ան
 տենդահար...:
 - Ինկի՛ր, ինկի՛ր, խե՛ղճ թռչուն, ծովերու մէջ թէ
 ծաղկանց,

Պահ մը առաջ, պահ մը ուշ, Մահը նոյն Մահն է
անա՛նց...:

Լօզան, 1 Մարտ 1909

Ի ժ ը

Ինչպէս Ամօթն, ինչպէս Մեղքն, ինչպէս
Դժոխքը, տեսն՛ք,
Ան կը ննջէ: Զաղրելի՛, գարշատեսի՛լ, անշա՛րժ,
սէ՛գ,
Անգիտակից անմեղի իր քունը խո՛ր կը ննջէ...:
Մենէ որո՞ւն համար քունն սփոփիչ,
կարճ Մահ մը չէ...:

Ո՛վ նորածին իժի ձագ: Քնացի՛ր, կո՛ղզի
հրաշէկ
Երա՛գօրէն փրո՛ւտաք աւազուտին վըրայ շէկ-
Եթե հեռուէ հեռու մեղմ ջուրը տարփոտ
կարկաչէ,
Քու գետնաքարչ մարմինիդ հովուերգութեանն
համար չէ՛:

Դուն հո՛ղ պիտի ճաշակես, ու դուն պիտի
Մա՛հ քմայես,
Պիտի շնչես ժայռերու թաքուն ճեղքին մէջ
անտես,
Անիծելով արգաւանդ արգանդը որ քեզ
ծընաւ...:

Զէ՛, չի պիտի թողում որ ապրի՛ս: Հարուած
մը...: Մեռա՛ւ:
Ա՛խ, հողակե՛րտ, նզովուա՛ժ, սողո՞ւն որդւոցը
մարդկան,
Փրկարար մեծ հարուածն ո՛վ պիտի շնորհէր
վերջնական...:
Լօզան, [1909]

Չ Ղ Ջ Ի Կ Ը

Քու սուզըդ ո՞վ պիտի լայ, Չղջի՛կ, դադիր ու
մութ քո՛ւյր:
Ահա իջնող մութին մէջ կը խարխափի վազքըդ
կո՛յր,
Ո՛ւր, Չղջիկ քո՛յր: Ինչո՞ւ լուռ կը հեռանաս
երգիքէս,
Ո՛ր թարշամած վարդն յետին պիտի հաճի՛
ժպտիլ քեզ...:

Եւ ո՞ր սարեակը պահուած թաւուտին մէջ
հեշտարոյր,
Քեզ դայլայլովն իր հրաւե՛ր պիտի երգէ ի
համբոյր...:
Դուն ի՞նչ ունիս. ո՛չ փետուր, ո՛չ իսկ ձայնիկ
մ՛որ երգես,
Ո՛չ իսկ լոյս մը մտերմիկ՝ փոսուռայի բոցին պէս:

Մերկ թեւերըդ որ հէզ կո՛ղըդ կը ծեծէ
անընդհատ,
Քնած կեանքը թունելու շարժումն ունին
յուսահատ,
Ու միջոցին մէջ Անէժք ցանելու տե՛նդը անշէջ:

Եղո՛ւկ. դուն չե՛ս սաւառնիր. կը տապալի՛ս
մութին մէջ:
Դարձի՛ր, դարձի՛ր, Չղջիկ քոյր, եկուր անխօս
ու հըլու,
Երգիքի՛ս մէջ, հոգւո՛յս մէջ, Սեւ Նզովքըդ
խոկալու...:

Լօգան, [1909]

ԻՐԵ՛ՆՑ ՊԱՏՄՈՒԹԻՒՆԸ

Տեսի՞լք մըն էր այդ, թէ՛ ճշգրիտ պատկեր...
Մոխրապատ դաշտի մէջ անթիւ ոսկրեր
Կը բարձրանային՝ դարերով գիզուած
Նըզովքի բուրգի մը պէս՝ դէպ Աստուած:

Պատմութի՞ւնն իրենց: Ո՛չ ոք չէր գիտեր
Թէ կըմախացած այդ ազգը անտէր
Անդըրհեղեղեան ո՞ր գիւցաղներէն,
Ո՞ր կիկլոպներէն կեանք տուաւ իրե՛ն:

Ո՛չ ոք չէր գիտեր թէ բուռ մը փոքրիկ
Այդ հերոսներու հին ցեղը ռազմիկ
Ո՞ր ակէն խրմեր էր թոյնն ըսկըզբան
Կարմիր մուռցքի թոյնը ազգասպան:

Հազար խարոյկներ մարած ցիրուցան
Ըսին ինձ՝ «Հազա՛ր տարի կռուեցան,
Կռուեցան Ուժին դէմ, Ամէնուն դէմ,
Կռուեցան Կռուին դէմ ու Իրենց դէմ...»

Պատմութի՞ւնն իրենց: Մոխրապատ վանքեր,
Աւերներ ճերմակ, ջախջախուած գանկեր,
Ոսկրէ անապատ, լըռութիւն ու սուգ:
Պատմութի՞ւնն իրենց՝ արի՛ւն, արտասո՛ւք»:

Ու ես գոչեցի. «Կեա՛նք առէք, գանկե՛ր»:
Ոսկոր ոսկորի միացան ընկեր,
Կըմախքներն յանկարծ ստացան մարմին
Հրաշքով կանգնեցան իւրաքանչիւր մին:

Բայց հազիւ կեանքի վերըստացան շունչ
Այդ հազարդարեան ոսկրերն անշըշունջ
Սկսան իրար պատառել զըժխեմ,
Ամէնքն իրար հետ, գաւակը հօր դէմ...

Երբ քիչ վերջ բոլորն ալ ինկան արդէն.
Խոր հառաչանքով հըծծեցի «Մարդ են...»

Բայց մի ծերունի՝ իրենց վըրայէն
Կոխտոտեց անցաւ ու լացաւ «Հայ են...»:

Շամբերի, 9 Օգոստոս 1910

ԱՀԱԶԱՆԳՆԵՐԸ

Արիւնի գիծե՛ր, պատկերնե՛ր, յուշե՛ր...
Նորէն այս գիշեր, - տանջանքի գիշեր, -
Հիւանդ հոգիիս պատերուն մեջէն
Ղողանջի խաւար երգեր կը հնչեն:

Ահազանգներն են, ու իրենց վայրի
Ու ահեղ ու մութ լալիւնն արոյրի
Որ եղե՛ննօրէն, մահագո՛ւժօրէն,
Տենդոտ գանկիս տակ կը գոռան նորէն:

Ղողանջը... Ողբի, աղեխարշ լալու,
Ծիչի, անե՛ծքի - վայրագ ալէլու -
Ու հառաչներու մեջէն խելայեղ
Սարսափի անհո՛ւն ղողանջն է ահեղ:

Դիածածկ կարմի՛ր, կարմի՛ր դաշտերէն,
Գուք չէ՞ք իմանար դաւաճանօրէ՛ն
Մեզմով յափրացած շան վոհմակներու
Վերջալոյսին դէմ ոռնումն ահարկու...:

Ու չէ՞ք տեսներ, ա՛խ, հեռուէ հեռու
Հրդեհով կարմիր հորիզոններու
Վըրայ տիրաբա՛ր ու աստուածաբա՛ր
Իշխող գմբեթնե՛րը մահաբարբառ:

Կարմիր կը տեսնեն աչքերըս նորէն...
Վերջին հառաչներ կուրծքերու խորէն.
Մեռե՛լ, հոգեվա՛րք, կոյա-կոյա, քով-քովի
Կռկոացող սեւ խումբեր ազոաւի...:

Ահազանգներն են, կ'ունկնդրեմ տրտում.
Ահազանգնե՛րը, անբա՛ւ, անպատո՛ւմ,

Որ հիւանդ հոգւոյս պատերուն մէջէն
Նորէն այս գիշեր կ'ուռին, կը հնչէն...:

Բերա, 25 Օգոստոս 1908

ԿԻԼԻԿԵԱՆ ԵՐԳԵՐ

I. Վ ր Ե ժ Ի ն ս Ե ր մ ն ա ց ա ն ը

Քե՛զ, ցասումի՛ վայրագ հեղեղ գահավէժ,
Արդարութեան փայփայելի մո՛ւթ հըրէշ,
Խաւարներու ահե՛ղ ծընունդըդ, վըրե՛ժ,
Ողջո՛յն, տաղե՛րըս քեզի...

Մոխրին կուտամ սրտիս վէրքերն խտագին...
Ամէնո՛ւն վէրքն, անսահմա՛ն վէրքը ազգին,
Արդարութեան ծարա՛ւը, մահն հաւատքին,
Երգեն տաղե՛րըս քեզի...

Սանձերնին լա՛յն երիվարներ ասպազէն,
Ալիք-ալիք թօթուելով սէգ բաշն ուսէն,
Թող հայրէնի աշխարհիս կուրծքն ակօսե՛ն,
Սուրան տաղերս քեզի...

Ու ես կուգա՛մ, - մո՛ւթ շանթերու սերմնացան -
Այդ ակօսէն, ուր արիւններ լըճացա՛ն,
Գիշերներով, չար հովերով, ցիրուցա՛ն,
Ցանել տաղե՛րըս քեզի...

Բարէ՛. եթէ այս իմ բազուկս կարեվէ՛ր
Ձը սորվեցաւ զարնել... Գոնե անվեհե՛ր
Ցանքէս, մահու առաքեալնե՛ր, հսկանե՛ր
Կը ծնին տաղերըս քեզի...

II. Հ ա յ ու լ ո Ր Բ Ի Կ

Ա՛յ Հայու որբիկ, ա՛յ անտէր որբիկ,
Մանրի՛կ, արիւնոտ ոտքերըդ բոպիկ,
Ո՛ւր կը քաշկըրտես այսպէս մոլորուն...
- Չար քամիներուն...

Ա՛յ որբիկ, բոցեր գիւղերը Հասան,
Անտառներու մէջ մայրերնիդ կ'որսան:
Անպաշտպա՛ն ու մերկ, ո՞ւր այսպէս, որբի՛կ ճան...
- Մո՛ւթն ինձ պատմուճան...

Քեզ Համար մարդերը գո՛ւթ, Հա՛ց չունին,
Ա՛յ որբիկ, շի՛ւղ իսկ չիկայ թըռչունին.
Ծերեր սովաՀար կ'իյնան ժամէ ժամ...
- Արիւն կ'որոճամ...

Հայրըդ պատըռտուա՛ծ նետեր են սարին.
Եղնիկներու պէս քոյրերըդ տարին.
Աստուածդ իսկ մատրան մէ՛ջն է խողխողուած...
- Վրե՛ժն ինձ Աստուած...:

Դե՛հ, գընա՛ մեծցի՛ր ահեղ, ո՛րքն Հայուն.
Մընիր արիւնով ու փըսխէ արիւն
Մարդկութեան ճակտին ո՛ւ սարսափ ո՛ւ Հուր...
- Այդ՝ պարտքս է տըխուր ...:

III. Վ ե ր ջ ի ն օ ր օ ր

Օրօ՛ր, օրօ՛ր...: Օրօ՛ր ըսեմ քընանաս,
Վիրաւոր Հօ՛րըդ ճիչերն ա՛լ չիմանաս:
Ծիծէս ծըծա՛ծըդ թոյն է, կաթ չի գիտնաս...
Օրօր ըսեմ քընանաս:

Արի՛ւն-հեղեղ յորդեց այս սուրբ ձորերէ,
Բայց չի փախիս, փարե՛՛ երկրիդ, զայն սիրէ՛,

Հողիդ վրբայ գերի մ'ըլլա՛ր, այլ տիրէ՛...
Օրո՛ր ըսեմ քընանաս:

Հօրըդ վրբայ եթէ անշո՛ւնչ չինկայ ես.
Զի ուխտեցի Հոովմի է՛գ դայլին պէս,
Նոր Ռոմուլոս մը դիեցնել ըստինքէս...
Օրո՛ր ըսեմ քընանաս:

Բազուկներուս պարա՛ն, ոտքիս ալ կացի՛ն,
Ստինքիս զո՛յգ պըտուկներն, ա՛հ կըտրեցին:
Վէրքէս արիւնս ծըծէ, որդեա՛կ միածին:
Օրո՛ր ըսեմ քընանաս:

Ահա կ'իյնամ... Հայաստանը մա՛յր քեզի:
Կըտակ կուտամ այս կոտորած սուրն երկսայրի՛,
Ուր հայրիկիդ գեռ տաք արիւնը կ'այրի...
Օրո՛ր ըսեմ քընանաս:

Լօզան, 6 Յուլիս 1909

ՌՎ ԻՄ ՀԱՅՐԵՆԻՔՍ...

Կիլիկիոյ արիւնի՛ն

Ցայգն ի՛նչ անոյշ է, ցայգը ի՛նչ գինով:
Ցաւերէս տարուած կը քալեմ երկա՛ր
Լեմանի ափին՝ խոր տրտմութիւնով:
Ի՛նչ խաղաղութիւն, ի՛նչ անճառ նըկար,
Ու ցայգն ի՛նչ անոյշ, ցայգը ի՛նչ գինով:

Հեռուէն թեւճակի շառաչներ դողդոջ
Երգը կ'օրօրեն սիրող զոյգերու.
Ջուրին մէջ աստղեր ինկեր են բողբոջ.
Ու տարփոտ մութին մէջ հեռուէ հեռու
Թեւճակներու թա՛ց համբոյրն է դողդոջ:

Լուսնակն ալ ահա՛ շքեղ կը ծաթի՛,
Առասպելներու լոյս-դշխոյին պէս՝

Ալպեաններու ձիւն-հրաշքէն արծաթի,
 Նոր Հովուերգութեանց հիւն Հանդիսատես՝
 Տժգոյն տարփաւորն ահա կը ծաթի:

Ի՛նչ անհունութիւն, ի՛նչ երազ,
 ի՛նչ շունչ...:
 Լռին լեռներու կողէն սատափի
 Մինչե՛ւ սխրացած անտառն անշշունջ,
 Ու մինչեւ դաշտերն ուր Ռոն կը թափի,
 Ի՛նչ անհունութիւն, ի՛նչ երազ,
 ի՛նչ շունչ...:

**

Ու դո՛ւն, ո՛վ դժբախտ երկիր Հայրենի,
 Որ արիւնի տա՛ք շամանդաղի մէջ,
 Զոհ՝ գաղաններու խաղին վայրենի,
 Ու համայնասպա՛ռ բոցերու անշէջ,
 Կը մխա՛ս, դժբա՛խտ երկիր Հայրենի...:

Ո՞վ իմ Հայրենի՛քս...: Ու դո՛ւք, Հեռաւո՛ր,
 Եփրատ ու Արաքս ու Վանայ ծովակ,
 Ո՞ր են կարապետն՛րը սիրախտաւոր
 Որ իրենց երա՛զ թեւերով ճերմակ,
 Ծեղքէին կարմիր ձեր կո՛ւրծքն ախտաւոր:

Հովուերգութիւններդ ո՞ւր են սխրալի,
 Ո՞վ Արարատեան ձիւնափառ Հսկան.
 Ու դո՛ւն միամիտ Դրախտն առասպելի,
 Ինչո՞ւ այսքան մո՛ւթ է քու լուսնկան,
 Հովուերգութիւններդ ո՞ւր են սխրալի:

Լեռանոյշ կուսա՛նքըդ Հայաստանի,
 Ո՞ր են ձեր սիրոյ երգերն անհամար
 Որ Հովը դէմի բլուրը տանի,
 Ուր սրինգ մը խեղճ կու լայ ձեզ համար...:
 Ո՞վ յաւերժահարսք կոյսք Հայաստանի:

Բարէ՛: Վայի՛ւննե՛ր են որ կը լսեմ,
 Հերքերնին ցրուած, փախչող խելայեղ,
 Ընդիմադրումի մը պահուն վսեմ,
 Պիղծ եաթաղանով ընդկիսուած ահեղ՝
 Կոյսերու վայի՛ւնն է որ կը լսեմ...:

«Հո՛ւ, մենք ենք, մեղք ենք,
 եղբայրնե՛ր, քոյրե՛ր...:

«Մե՛նք ենք, լափլիզուած բոցերէ՛ անշէջ...

«Մերկ սուսերներով հալածուած կոյրեր...

«Մե՛նք ենք, կը վազենք Մութի՛ն,
 Մահուա՛ն մէջ.

«Հո՛ւ, մե՛նք ենք, մե՛րկ ենք,
 եղբայրնե՛ր, քոյրե՛ր...:

«Մե՛նք ենք, դիւահար ծնո՛ւնդ արիւնի,

«Հի՛ն, շքե՛ղ ցեղի զաւակներ յետին.

«Բոպիկ երեխա՛յ, դողդոջ ծերունի՛,

«Մե՛նք ենք, ո՛ղջ գանկերն որ կ'իյնան գետին...

«Մե՛նք ենք դիւահար ծնո՛ւնդ արիւնի...:

«Հո՛ւ, նզո՛վք, նզո՛վք: Մեր վերքին
 փրփրուն

«Շոգին խաւարէ՛ր ձեր աչքերը, ա՛հ.

«Մեր արիւնը ձեր զաւակաց գլխուն.

«Թո՛յն շնչէիք դուք և ըմպէիք Մա՛հ...

«Հո՛ւ, նզո՛վք, նզո՛վք ձեր
 սերունդներուն...»:

*
*

Յայգն ի՛նչ անոյշ է, ցայգը ի՛նչ գինով:
Երգեցէք սիրոյ Համբոյրներ զուարթ,
Ու դուք երգեցէք երանութիւնով,
Դո՛ւք երազ ասիեր, ալեակներ լազուարթ,
Զեր ցայգն ի՛նչ անոյշ, ցայգը ի՛նչ գինով...:

Կը քալե՛մ: Քալէ՛, յիմա՛ր տարագիր,
Ժպիտ մը շուրթիդ՝ կարապի՛ն համար,
Նե՛րքնապէս լալով՝ միտքդ դէ՛պ երկիր,
Շեղչուած մահերու վրայէն անհամար,
Քալէ՛, դուն քալէ՛, յիմա՛ր տարագիր:

Քնարի զառամած թելի մը փարած,
Թալանէ, բո՛ցէ, հեռո՛ւ, ա՛հ, հեռո՛ւ
Քալէ՛ դուն, քերթող Հայրենահալած,
Հո՛ւր, արի՛ւն երգէ ազատ լեռներու,
Քնարի զառամա՛ծ թելի մը փարած...:

Քալէ՛: Մինչեւ ե՞րբ...: Քալէ՛ կուրորէն,
Քալե՛ մինչեւ որ Արեւն հրակէզ
Իր մարը մտնէ նորէն ու նորէն
Ու օր մը այլեւը՛ս չի ծագի քեզ...:
Բարէ՛...: Կեա՞նքն է այս...:
Քալէ՛ կուրորէն...:

Լօզան, 4 Մայիս 1909

ԶԱՆ ԳԱԿԵՆԵՐ, ԶԱՆ ԳԱԿԵՆԵՐ...

Զանգակներ, բարի՛, բարի՛ զանգակներ,
ի՞նչ բան կասեցուց ձեր գուժկան լեզուն.
Խօսք ելլել կ'ուզէ արիւնը վաղուն...
Կը լռէ՞ք, բարի՛, բարի՛ զանգակներ:

Արդեօ՞ք ձեր միսթիք հազազն արոյրէ,
Ուր կեղե՛ւ կապեց աղօթքի փոշին,
Եւ ուր կ'երազէ՛ր խունկի գոլորշին,
Յեղակարծ ցավէն անզօ՛ր, կը լռէ:

Ո՛հ: Ձեր դարաւոր հողին պղնձի
- Որ, շա՛տ, շա՛տ յաճախ տեսեր է Բարին
Յաղթուած Չարէն - այժմ իր բարբառին
Ու իր Աստուծոյն վրայ կը կասկածի...
Ա՛խ, որովհետեւ տեսա՛ք ձեր բարձրէն,
Հաւատաւորներ հազարով, բիւրով,
Ինկա՛ծ հեթանոս տապարով, բիրով,
Ձեր ոտքերուն տակ, երկիւղածօրէն...:

Ու ձեր գմբէթէն դիտեցեք անձա՛յն,
Թէ ինչպէ՛ս խնկոտ տաճարներու մէջ,
Ո՛րբ, կի՛ն, ծերունի՛, բոցերով անշէջ,
Իրենց Աստուծոյն գահին զոհուեցան:

Բա՛յց...: Գիտէք նաև թե մեր դարաւոր
Դիակներու բուրգն ամպերէն անցա՛ւ.
Ու մեր արիւնին ժահրէն նեխեցաւ
Սրբութիւններու ծո՛յլ գունդն երկնաւոր...:

Արդ, ո՞ւր էք չքնաղ խոստումներ խաչին.
Եղբայրութեան զո՛ւր բարառներ, ո՞ւր էք:
Կրակ կը փսխէ հողն ամէնուրեք...
Գետերն արիւնո՛վ, դիակո՛վ կ'ուռչին...:

Ու կ'իյնայ այն որ կը ծնկէ վախով.
Զի թուրն աւելի արդար է խաչէն,
Զի կեանքն անո՛նց է միայն որ քա՛ջ են,
Անո՛նց որ կ'ապրին ուրիշի մահով...:

Որովհետեւ դեռ հեռո՛ւ է օրն այն
Երբ գայլ ու գառնուկ սիրո՛վ կ'արածին...:
Թէ ապրիլ կ'ուզէ գառն նորածին
Պէտք է իր ահռան սրէ լռելեայն...:

Լո՛ւռ էք, զանգակնե՛ր. Աստուա՛ծն է մեռեր:
Գո՛յժ տուէք Վաղուան. իր հա՛սկը մեռաւ:
Գո՛յժ տուէք Հայուն. զի ա՛զգը մեռաւ:
Զանգակներ, ծերո՛ւկ, բարի՛ զանգակներ...:

Ինչպէ՛ս կ'ուզէի ձերին պարանին
Կախուիլ ու ցնցել երկա՛թ բազուկով.
Անո՛նք որ ինկան բիւրո՛վ, քովէ քով,
Զեր զողանջին հետ լալու պէտք ունին...:

Հոգիիս հազա՛ր խուլ զանգակներով,
Գոռացե՛ք, զանգե՛ր, ու կատաղօրէ՛ն
Գահավիժեցէ՛ք ձեր երկաթ թառէն,
Ուրկէ միայն լա՛լ գիտցաք դարերով...:

Օ՛, զողանջեցէ՛ք. Աստուա՛ծն է մեռեր...:

Լօզան, 2 Յունիս 1909

ԹՐՈՒՊԱՏՈՒՐՆԵՐԸ

Բանաստեղծ ընկերներուս

Թրուպատուրներն են, տեսէ՛ք, իրենք են.
Եռանդո՛ւն, անփո՛յթ, դո՛՛հ կը նուազեն
Հրակէզ արեւուն տակ հրապարակին:
Կիսխուփ փեղկերէ տարեց, տղայ, կին
Կ'երեւան քիչ-քիչ: Կեսօրի տապէն
Շա՛տ քիչերն են որ տեսնել կը շտապեն
Թրուպատուրները:

Տարօրէ՛ն դէմքեր: Ամէ՛նքն, է՛գ, արո՛ւ,
Բախտէն կատաղի հալածուողներու
Անտուն ընտանիք մը քայլամուր...
Փողոցի ստո՛յգ հանճարներ բոլոր,
Նուազելու համար պէտք չունին նոթի,
Կ'ապրին երգելով, կը մեռնին նօթի
Թրուպատուրները:

Բախտը, տառապանքն, յարափո՛խ հովեր
Իրենց դէմքին մո՛ւթ ժպիտ մ'են տուեր,
Կեանքը ճանչցողի ալեկո՛ծ ժպիտ:
Ու իրենց բռնի՛ ձեւին մէջ հտպիտ,
Խոխ մազերնուն ներքեւ ալեւոր,
Աշխարհն հեզնելու հո՛վ մ'ունին ազուոր,
Թրուպատուրները:

Անոնք երգելո՛վ անցան համօրէն
Բոյի գինեղուարճ այգեստաններէն
Մինչեւ Նեղոսի աւազուտը շէկ,
Մինչեւ Ուրալներն, մինչեւ Հըրաշէկ
Ափերը դերբուկ Հրոյ-Երկիրին:
Քանի՛ ընկերներ ճամբան հող դրին
Թրուպատուրները:

Մեքենայութեան այս դարը երկա՛թ
Ջընկճե՛ց դեռ իրենց հողին խանդակաթ.

Ու ոստաններու միջեւ դրամապաշտ
Թշուառութեան հետ զլո՛ւրս զլխի հաշտ
Կ'ապրին նախնական կենցաղով աղատ,
Ազա՛տ բնութեան որբե՛րն հարազատ,
Թրուպատուրները:

- Առեք ինձ ձե՛զ հետ, երկիրէ երկիր
Տարէք այս թշուա՛ն սիրտըս սրգակիր:
Ապրինք հեզնելով, ողբանք երգելով.
Ու երկրագունտին հետ մշտահոլով
Մեր մորթն անօգուտ քըշե՛նք մշտերեր,
Մշտնջենական մո՛ւթ ուխտաւորներ,
Թրուպատուրները:

Զի մե՛նք ենք, մե՛նք ենք, բանաստե՛ղծ, պոէտ,
Մե՛նք, պատառոտուն բեհեզով վե՛տ-վե՛տ
Երգի իշխաններ՝ ի սպա՛ն հալածուած,
Մե՛նք, նօթի՛, հպա՛րտ, երբեմնի աստուա՛ծ,
Մե՛նք, չբհասկըցուա՛ծ, մե՛նք եղերակա՛ն,
Մե՛նք, բանաստեղծներ, մե՛նք ենք իրական
Թրուպատուրները:

Մե՛նք՝ որ մեր վէրքէն երգե՛ր կը շինենք,
Մե՛նք, զրկուածներ, ճակատագրէն նենգ:
Ու մինչ ուրիշներ առատ կը ջամբեն,
Խինդի՛ սեղանէն, մուսային ճամբէն
Մենք կ'երթանք ստո՛յգ Մահուան անսուա՛ղ.
Մե՛նք, հի՛ն մարդկութեան ո՛ւշ ծընած - աւա՛ղ -
Թրուպատուրները:

Բայց ի՛նչ փոյթ, մե՛նք ենք հոգիով հարուստ,
Մե՛րն է ներշնչումն, որ կու գայ վերուստ,
Մե՛րն է մարգը թա՛ց, վերջալոյսն անխօ՛ս.
Փթիթը վարդի՛ն, առուն մշտահո՛ս.
Մե՛րն է մթին սի՛ւքը գերեզմանին.
Հի՛ն աստուածներու ցեղին կը նմանին
Թրուպատուրները:

Մե՛նք ենք, որ անփո՛յթ գրչո՛վ կը հեղնենք
Այս նե՛նգ աշխարհքին պսակները նե՛նգ:
Քնար մը ձեռքերնիս, անտո՛ւն, մահագի՛ն,
Չե՛նք ցանկար սարո՛ւկ-պետի դղեակին:
Ազատ բարբառի ասպետներ անա՛հ,
Կ'ապրին մեռնելո՛ւմ, կը մեռնին անմա՛հ
Թրուպատուրները:

Մարդկութեան հտպի՞տ պէտք է անպատճառ:
Մեր սրտե՛րը մենք հաներ ենք վաճառ.
Մեր վիշտէն, սուգէն, խարուած սէրէն նենգ՝
Ռամիկին համար երգե՛ր կը շինենք:
Ո՞վ ըսաւ «Մահը մի է», ամէ՛ն օր
Կը մեռնինք մե՛նք, հի՛ն տիեզերքին նո՛ր
Թրուպատուրները:

Սակայն մեզ ի՛նչ փոյթ ծիծաղն ամէնուն,
Լքումը ստո՛ր, քաղցը անանո՛ւն.
Մենք գառանց հովուին պէս սիրագորով՝
Հաւա՛տքն ունինք մեր սրինգին ծայրով
Առաջնորդելու Մարդկութիւնն ամբո՛ղջ,
Մեռա՛ծ արուեստին մե՛նք տակաւին ո՛ղջ
Թրուպատուրները:

Այս ի՛նչ դարերու հասեր ենք, Աստուա՛ծ,
Փշրեցի՛ն ի՛նչ որ կար վսեմ կերտուած,
Թէ՛ դեռ սի՛րտ ունիք թաղելո՛ւ տարէք,
Ոսկիին նենգ ձայնն է ամէնուրեք:
Մի՛ միայն մե՛նք ենք որ դեռ անարգել
Սիրե՛լ կ'երագենք, ո՞վ կ'ուզէ սիրե՛լ
Թրուպատուրները:

Մեռա՛ր, հնաւանդ Արուեստ սրբանուէր,
Երբ դեռ կեանքն երգո՞ւմ կ'ապրէր, կ'օրօրուէ՛ր,
Ու երբ երջանի՛կ, թափառի՛կ, գինո՞ւմ,
Իրենց ծիրանի լայն կրկնոցներով
Դղեակէ դղեա՛կ, փայտի երկնային
Տաւիղին թրթռո՛ւմը կը տանէին
Թրուպատուրները:

Ես կ'երազեմ հայր թրուպատուրն Հոմեր,
Որ աստուածներու ակէն կը խմէր.
Ու իր հսկաները բարձրադադա՛կ
Կ'երգէր տաւղին վրայ, քաղաքէ քաղաք:
Ու թրուպատուրնե՛րը բիւր որ կ'երթա՛ն
Դարերու մեջէն. կ'երազեմ Գողթան
Թրուպատուրները:

Կ'երազեմ գիրենք. ու լո՛ւռ, շուարո՛ւն
Կը նայեմ փեղկէս ա՛յս թշուառներուն –
Որ բռնի կերպով կ'երգեն, կը խաղան:
- Վա՛խ, արծաթն Արուեստն հանեց կախաղան,
Հի՛ն, աստուածարընա՛կ դարերը մեռան.
Ու հիմա պէտք է խնդացն՛ն, մուրա՛ն
Թրուպատուրները:

Հրատապ արեւուն տակ հրապարակին,
Ահա՛ կ'երգեն գեռ, ու մինչ տղա՛յ, կի՛ն,
Կը հասնին քիչ-քիչ նեղ ճամբաներէ,
Գլխարկն անցորդին լո՛ւռ կը կարկառէ
Իրենց նահապետ երգիչն ալեւոր:
- Տուէ՛ք, իրենք են, նոր Մարդկութեան նո՛ր
Թրուպատուրները:

Լօզան, 18 Օգոստ. 1910

ՎԵՐՁԻՆ ՀԱՅԵՐԸ

«Եարիճա՛ն, Հա՛յ, Հօ՛յ, Հա՛յ, Աստուած չիկայ,
«Եարիճա՛ն, Հա՛յ, Հէ՛յ, Հայութիւն չիկայ.
«Հեռու եարերուն սրտիկը խօսի...»:
Շրջանակ կազմած, բոլորն ուս ուսի՛,
Հա՛յ, Հէ՛յ, սիրտ սրտի կը պարեն, կ'երգեն,
Ծերունի՛, տղա՛յ, Հա՛յ, Հէ՛յ, իրենք են,
Պանդո՛ւխտ Հայերը...:

Ո՛չ մարդ, ո՛չ բանւոր, Հասարակ գրա՛ստ,
Կը ճօճեն մարմինն, ու մուճակնին Հաստ
Կը ձեռք օտար երկրին հողը տար:
«Ափ մը Հայրենի հող ո՞վ պիտի տար,
«Հա՛յ, Հօ՛յ, Հայաստա՛ն, քու հողդ է Հայա՛լ...»:
Կ'երգեն պարելով, բայց կ'ուղէին լա՛լ
Թշուա՛ն Հայերը...:

Հարս ունինք, մեղի հարսնեւոր չիկայ...:
Սուգ ունինք, մեղի սգաւոր չիկայ...:
Ո՛ր մեղքին համար, ո՞վ է անիճեր
Հինգ հազար տարուան այս խնճճ ազգը ձեր...:
Չո՛րս միլիոնին մէ՛կ ապաստան չիկայ,
«Եարիճան, Հայ կայ՝ Հայութիւն չիկայ...:
Կ'երգեն Հայերը...:

Թագն առին, դագաղ մը տուին Հայուն.
Մեր փառքն անցաւոր, մեր Մա՛հն է կայուն...:
Արշա՛կ մեծ, որու բանակն ահագին
Տէգով կը ծածկէր փառքըն արեգին՝
Ոսնակոխ կորած գերեզմանէդ դուն
Գլո՛ւխդ վերցնէիր, տեսնէի՛ր անտուն,
Անտէ՛ր Հայերը...:

Հայրենի՛ք, ո՞ւր են ազգիդ ախոյեան...
Անմահ Պապիլոն լռեց յաւիտեա՛ն...
Աթէնքէն՝ աւե՛ր, Մեմփիսէն՝ աւազ,
Հռոմէն՝ ափ մ'աճի՛ւն մնաց հազիւհազ...:

«Մահերու վրայ Դուն դեռ կ'իշխես, աղէ՛,
Բայց քու Հոգեվարքդ որքա՛ն դանդաղ է...»
Կու լա՛ն հայերը...:

Եարիճա՛ն, հա՛յ, հօ՛յ, կ'երգեն միաշունչ:
Պարագլուխն է ծե՛ր պանդուխտ մ'անշշունջ.
Քանինն՛ր այսպէս պարել է տուեր,
Քանի՛ տարի է, քանինն՛ր մեռեր...
Յոգնե՛ր է ալ, վա՛ղն իր կարգն է գուցէ...
Ծեր կինը հոն չէ, որ աչքը գուցէ...
Ա՛խ, խեղճ հայերը...:

Պանդուխտի նկուղ-սրճարան մ'է ցա՛ծ.
Կազանդ գիշերով Հայերն են լեցուա՛ծ.
Փայտի այդ երկար տախտերուն վրայ ձեր
Իրենցմէ քանի՛ն է ծներ, մեծցե՛ր...
Ու Հիմա, հա՛յ, հօ՛յ, կը պարեն, կ'երգեն...
Օտարն արցունքով կը նայի փեղկէն,
Կ'ըսէ՛ «հայե՛րը...»:

Օտա՛ր, տեսա՛ր դուն գաղտնիքով լեցո՛ւն
Ու տար աշխարհի բոյրերո՛վ օծուն
Նաւե՛րը հսկայ, սեւ նաւերը մեծ,
Ու հազա՛ր, հազա՛ր, հազա՛ր դառնահեծ
Հոգւով ծանրածանր, կը կտրէին ծո՛վ,
Թափելու ափե՛ ափ, լո՛ւռ թախիժով
Փախչող Հայերը:

Տեսա՞ր դուն մեռած գիւղերն անխռով,
Հիւղերը փլած՝ կարմի՛ր պատերով,
Հողմադաջքներ լո՛ւռ, թեւերով կտարած,
Ծերուկ գիականեր սարին վրայ կորա՛ծ,
Մատուռներնին աւե՛ր, զրկուած խունկէ...
Ա՛խ, հո՛ն է, հո՛ն, մեր հայրենիքն, հոնկէ՛
Կու գան Հայերը...:

Օտա՛ր, տեսա՞ր դուն աղբիւրները զո՛վ,
Գեղջուկ այգիները գա՛ղջ ողկոյզով...:

Դեռ կը մխա՞յ ցած տանիքն հայրենի,
Դեռ կը ծագկի՞ հոն թուփը վարդենի,
Դեռ կ'երգեն՞ այդ հին պլպուլը ցայգին...:
Հո՞ն, հո՞ն կ'երազեն, կուլան տրխրագին
Աքսո՞ր Հայերը...:

Ա՛խ, ո՞ւր է հովիւին սրինգը բարի,
Ո՞ւր են տուն-տանի՞ք, օճա՛խ խանդակաթ...
Հո՞ս ամէն ինչ քա՞ր է, ածո՛ւխ, երկաթ...
Ըսէ՛ք մեր երկրի տանուտէր Հայուն
Որ ծո՛ւխ կը շնչեն, կը թքենն արի՛ւն
Պանդուխտ Հայերը...:

Այս զրահապատ երկրին մէջ օտար,
Խեղճ Հայ ջահելին ով, ով պիտի տար,
Աւօտն Հայկական, սիւքը Մասիսի,
Դարապատում մո՛ւթ բարբառն Արաքսի,
Ու թուփերու մէջ իրիկուան պահուն
Նազելի համրոյրն երկչոտ հայուհի՛րն...
Ա՛խ, Խեղճ Հայերը...:

Անոնց կարուա՛նն է երկրի դօտին՝
Արարատէն մինչ Այրեցեալ-Գօտին...
Նեղոսէն Հռենոս, Գանգեսէն Վոսփօր
Կազմեր են սուգի մի հսկայ թափօր...
Ուրալէն մինչ Ալփ, ու մինչ Ափրիկէ,
Իրե՛նք, իրե՛նք են... Թող Աստուա՛ծ փրկէ
Անտէ՛ր Հայերը...:

Մի՛ զըպիր անոնց հոգւոյն փրլուցո՛ւն.
Անոնք կ'անցնին յո՛ւն գաղտնիքով լեցո՛ւն,
Անոնք գիտեն բի՛ւր պատմութիւններ մութ,
Անո՞նց որ կորան արեան մէջ տրդմո՛ւտ,
Կախաղաններու քաջե՛ր համօրէն...:
- Հազար մահով ծանր՝ Կեղանի-Մա՛հն են
Ապրող Հայերը...:

Եարիճա՛ն, հա՛յ, հօ՛յ... Սակա՛յն ծերունի
Պանդուխտն յոգներ է. վա՛ղը պիտ՛ մեռնի...
Որդին երկիր է զրկեք կոուելու.
Վաղն ա՛ն ալ պիտի խողխողուի, հլո՛ւ...
Ու, վա՛խ, մի՛ առ մի այսպէ՛ս պիտ կորչին
Դիւցազուններու ցեղի մը վերջի՛ն,
Վերջի՛ն հայերը...:

Ո՛հ, ո՛հ: Արշալոյսն իրենց պիտի գա՛յ...
Ու եթե՛ չի գայ աւօտն ապագայ
Պիտ՛ կուին: Մինչ ե՞րբ... Մինչեւ յաւիտեա՛ն:
Ու երբ դեռ երկրի վրայ Ազատութեան
Համար մեռնին ա՛փ մը մարդեր չընչի՛ն,
Անոնք պիտ՛ ըլլան Մարդկութեան վերջի՛ն,
Վերջին Հայերը...:

ՀԱՅԱՍՏԱՆ

Ո՞վ կուլայ այսպէս խըշտեակիս շեմքին.
- Քո՛յր, դարի՛ պն է, բաց...:

Կմախքնե՞ր կ՛անցնին դուրսէն լալագին.
- Սո՛վն է, դուռըդ բա՛ց...:

Տապա՞րն է ջախջախ դրանքս կուրծքին.
- Զա՛րդն է, դուռըդ բաց...:

[1909]

ԻՆՉՈՒ

Ինչո՞ւ, ինչո՞ւ գիտ սիրեցիր,
Փոքրի՛կ աղջիկ, քեզի մե՛ղք էր.
Փոքրիկ ծոցիդ թիթե՛ռ պէտք էր,
Դուն ծե՛ր արծիւ մը բանտեցիր...:

Կապոյտ աչուիդ, երբոր բացիր,
Կապո՛յտ աղջիկ՝ պլպուլն՝ երգէ՛ր.
Քե՛զ ալ սիրոյ մրմունջ պէտք էր,
Դուն գուժկան մոռ՛ւնչըս ընտրեցիր...:

Ես կ'երթամ մի՛շտ, անծայրածի՛ր,
Դամբաններ են ոտքիս հետքե՛ր.
Քեզ սիրոյ մեղմ սի՛ւք մը պէտք էր,
Դուն փոթորկի՛ն կուրծքըդ բացիր...

Կ'այրի՛ն աչերըդ սեւածիր,
Պիտի մեռնիս, այդպէս մ'երգե՛ր.
Քեզի փոքրիկ սէր մը պէտք էր,
Դուն Սէ՛ր-Աստուածը սիրեցիր...

[1911]

ԵՐԹԱ՛Լ...

Երթա՛յ, երթա՛լ, երթա՛լ անձայն, անհանդէս.
Երթա՛լ առուի՛ն պէս՝ մարգերու տակ անտես.
Կապոյտին մէջ՝ հե՛զ, հողմավար ամպին պէս...:

Երթա՛յ՝ առա՛նց գիտնալու թե՛ դէպի ո՞ւր,
Երթա՛լ՝ հեռո՛ւ ոստաններէն այս տխուր.
Երթա՛լ՝ խաւար գիշերին մէջ թաքթաքուր...:

Երթա՛լ, երթա՛լ, երթա՛լ առանց ճրագի.
Երթա՛լ՝ առա՛նց սուգի, լացի, փափաքի.
Երթա՛լ՝ առա՛նց սովի, առա՛նց պապակի...:

Երթա՛լ՝ մարդոց կոյտին մէջէն լռելեայն.
Օտար մընալ իրենց Ցաւին, Գիտութեան.
Երթա՛լ արգէ՛տ, խուլ, համըր, կո՛յր յաւիտեան...:

Ձը գիտնա՛լ որ հոս Իտեալը չի կա՛յ...:
Ուխտազընա՛ց երթալ ափերն հեռակայ,
Դէպի ուղին երջանկութեան մշտակայ...:

Աննիւթանա՛լ, անրջանա՛լ, վըսեմ, վէ՛ս,
Երթալ անցա՛յդ, անա՛յդ երթա՛լ վերջապէս.
Աչքերը դոց՝ ցայգաշըջիկ խեղճին պէս...:

Երթա՛լ, երթա՛լ, չը ճանչնալ Մա՛րդ ու Աստուա՛ծ,
Զո՛յգ երթալ՝ ձեռքըդ քո՛յր ձեռքի մէջ դրրած
Անրջանքի՛ն ու Սիրոյն պէս - Աքսորուա՛ծ...:

Լօզան, 13 Նոյեմբեր 1910

ԱՅԼԱՍԵՐՈՒՄ

Կա՞յ աւելի սիրա բզկտող իրականութիւն մը, քան մեղամաղձոտ մանուկները...:

Տղու մը պարզ ու վճիտ հոգին ինչպէ՞ս կրնայ տխուր ըլլալ, քանի որ յուսահատութիւնը խիստ բարդ հոգեբանութիւն մը կ'ենթադրէ:

Բնական երեւոյթ մը չէ այս, այլ ախտաբանական ծնունդ մը, օրէնքէն դուրս շեղում մը, բացառութիւն մը: Խոստովանինք սակայն որ այս բացառութիւնները հետզհետէ օրենքի կարգ անցնելու վրայ են:

Նոր քաղաքակրթութեան մեծագոյն վերքերէն մէկն է այս այլասերումը, վաղուան հիւանդութիւններ, հիւանդութիւններուն յոռեգոյնը՝ որովհետեւ ո՛չ մէկ բժշկութիւն պիտի կրնայ զայն դարմանել: Իր մանրէն երբեք պիտի չգտնուի:

Հին ցեղեր խարոյկներու վրայ կ'այրէին իրենց լուսնոտներն ու ջլագարները՝ իրբեւ չար ոգիներ: Պղատոն իր իտեալ հանրապետութենէն կը վանէր մեղամաղձոտները: Սպարտացիներ իրենց տխուր ծնունդները գետը կը նետէին՝ առոյգ ու զուարթ մանուկներ միայն ընտրելով ցեղին պահպանումին համար. ահա ա՛յս կերպով այդ ափ մը փոքրիկ ազգը պատմական դիւցազուններու մեծագոյն ազգը եղաւ:

Այսօր այդ բարբարոս միջոցները ի սպառ հեռացուած են քաղաքակրթութեան սահմանագլուխներէն. բայց այլասերումի վտանգը երթալով անկարելի համեմատութիւններ կը ստանայ:

Այս երկաթէ դարին համար երկաթէ ուղեղներ են պէտք:

Մինչդեռ, օրը օրին, հեւ ի հեւ, ճգնաժամային ու գինեմոլ գործունէութեան մը մտրակին տակ

Հալածուող մարդկութիւնը ջլազար ծնունդներ միայն կու տայ:

Ալեկոծ Եւրոպան շատոնց ի վեր կը հնչեցնէ ահազանդը:

Օրէ օր նոր սկզբունքներ կը կիրարկուին, առողջապահիկ խիստ միջոցներ կը հետապնդուին. ախտածին մանուկներու համար լեռնային դաղթավայրեր կը հաստատուին, ու անտառային դասարաններ, ու բացօթեայ վարժարաններ, ու աշակերտական ազարակներ:

Այս բոլոր ճիգերուն նպատակն է այդ այլասերած մանուկներուն ուսմունքէ աւելի արեւ տալ, միտքէն աւելի մարմինն աշխատեցընել, գիրենք կղզիացնել, չեղոքացնել, հեռացնել մտաւորական ասպարէզէն: Որովհետեւ վտանգը միայն անհատական չէ, այլեւ ընկերական: Իրենց հիւանդագին ու չարչրկուած ուղեղը գիտութենէն միայն թոյն կը ծծէ ու թոյն կ'արտածորէ: Իրենց մաղձոտ հոգին կը դառնացնէ նախ իրենց սեփական կեանքը, յետոյ իրեններուն կեանքը, ու յետոյ - ամբողջ ցեղի մը կեանքը:

Աշխարհիս բոլոր մարդասպաններն ու բոլոր չարագործները ձեռք ձեռքի տուած՝ պիտի չկրնային այնքա՛ն երիտասարդ, այնքա՛ն խոստմնալի, այնքա՛ն ընտրուած հոգիներ սպաննել քան Շոփէնհաուէր մը, Նիցչէ մը, Պայրըն մը...:

Այլասերած մանուկներու օրօրոցներուն մէջ պէտք է փնտռել անձնասպանութեան քարոզիչները, յոռետեսութեան առաքեալները, ապականութեան մարգարէները:

Անոնք կը ջլատեն գործունեութեան ամէն տենչ, երջանկութեան ամէն յոյս, սրբութեան ամէն հաւատք:

Անոնք չեն յառաջագիմեր այլ կ'ոսանուն, չեն երազեր այլ կը դառանցեն, չեն օրհներ այլ կը նդոփեն, չեն սիրեր այլ կը տօփան:

Իրենց երգը հայհոյանքի մը պէս ամբարտաւան է, իրենց ժպիտը հեգնութեան մը պէս վիրաւորիչ:

Օրինա՞կ կ'ուզէք: Բայց ամէ՛ն ազգերէ աւելի Հա՛յ մտաւորականութիւնը կը վխտայ այս բացասական հանճարներով:

Գիտեմ որ հին մշակոյթ ունեցող ցեղերու համար այլասերումը տիեզերական օրէնք մըն է: Գիտեմ որ մեզ նմանող հին ու անտէրունջ ցեղ մը՝ ինչպէս են Հրեաները՝ նոր ազգերէն քառապատիկ աւելի խենթ կը ծնցնէ: Սակայն այդ ափ մը Հրեայ ցեղը ավելի բազմաթիւ հանճարներ տուաւ աշխարհին՝ քան ամբողջ եւրոպական ազգերը՝ ձեռք ձեռքի տուած...:

Մենք ալ իրենց պէս ինչո՞ւ չկարենայինք տալ միակ Հայ հանճար մը որուն գոյութիւնով սա խրոխտ Եւրոպան հպարտանար, եւ համայն մարդկութիւնը բանո՞վ մը գոնէ պարտական ու երախտագէտ ըլլար մեզի:

Կէս-հանճարներ շա՛տ: Բայց երբ փոքրիկ ցեղի մը մտաւորական բանակը տաղանդաւոր փոքրիկ վիժուկներով միայն կը լենայ՝ անհանդուրժելի, դայթակղեցուցիչ, դատապարտուած ցեղ մը կ'ըլլայ այն:

Զգո՛յշ, զգո՛յշ:

Եթէ Եւրոպան է որ կը հնչեցնէ այլասերումի ահազանգը, մի՛ մոռնաք որ այդ սարսափելի ախտը ամէնէն առաջ մե՛ր ցեղին կը սպառնայ՝ իրրեւ հին ցեղի մը:

Ու մենք՝ փոխանակ արմատախիլ ընելու, տգիտօ՛րէն կ'ընտրենք է՛ն ախտաւարակ ծիւերը ու զիրե՛նք միայն կը մշակենք:

Այն բոլոր առոյգ, պայքարող, դուարթ ու աչքարաց երիտասարդութիւնը որ կը լեցնէ մեր վարժարանները, կ'առնենք օր առաջ գործի տալու համար...: Իսկ այն քանի մը ճղճիմ, տժգոյն ու տխուր տղաքները, այն պատանի ծերունիները որ արեւէն ու պայքարէն խուսափելով՝ դպրոցի մութ անկիւններուն մէջ թուզթ կը մրտտեն, անոնք դպրոցէ դպրոց, երկիրէ երկիր, համալսարանէ համալսարան կը զրկենք:

Խեղճե՛րը...: Անո՛նք կը լեցնեն պանդուխտ ուսանողի գերեզմանները, անոնք կը լեցնեն հարուստի նախասենեակները ու վաճառականի գրասենեակները. հիւանդանոցի խշտեակները անո՛նք կը լեցնեն...:

Ու կը պատահի մէկ ա՛յն ինչ որ ո՛չ մէկ քաղաքակիրթ ազգի չէ պատահած: Մեր գիւղացի ու շուկայի դասակարգը աւելի՛ մտացի է քան ա՛յն որ մտաւորական կը կոչուի. ընթերցողը աւելի ողջամիտ է քան գրողը. առաջնորդուողը աւելի հեռատես է քան առաջնորդողը. ուրիշ խօսքով՝ մարմինը աւելի խելացի է քան ուղեղը...:

Զարմանալի չէ ուրեմն որ ընթերցողները մեր մէջ հետզհետէ կը քիչնան: Այսօր արդեն աւելի գրող կայ, քան կարդացող:

Բնախօսական օրէ՛նք մ'է որ մարմինը իր մեջէն քիչ-քիչ կը չեզոքացնէ, կ'անջատէ, կը վտարէ այլասերած մասերը:

Նոյն օրենքո՛վ միայն կարելի է բացատրել թե ինչո՞ւ մեր մտաւորականութեան ու մեր հասարակութեան միջեւ գտնուող կապը քիչ-քիչ կը բարակնայ: Յեղը կը մնայ առաւել քան երբեք առո՛ղջը, ու իր մէջէն կը չեզոքանցէ, կ'անջատէ, կը վտարէ օտարացած ու այլասերած տարրերը: Գլուխը մարմնին կապող նիւար պարանոցը երթալով կը բարակնայ: Ու հեռու չէ գուցէ այն օրը երբոր

վիզը փրթելով՝ մէր մտաւորականութիւնը անմարմին գլուխ մը պիտի ըլլայ միայն, եւ մեր ցեղը՝ անգլուխ մարմին մը...:

Չէ՞ք տեսներ արդե՛ն թե ի՛նչպէս շատ մը գրագետներ լիրբ քաջութիւնը ունին յայտարարելու թե իրենք ժողովուրդին համար չէ՛ որ կը գրեն:

Ո՛հ, հոտին ու հովիւներուն միջեւ անհասկացողութիւնը երբեք այսքան մեծ չէր եղած:

Գառնուկի պէս անզէն ցեղ մը ամէ՛ն օր, ամէ՛ն օր կը յօշոտուի: Իսկ մեր գամբռները խելօքցեր, փիլիսոփայացեր, քաղաքակրթուեր են, տիեզերական եղբայրակցութեան մը խօսքեր կ'ընեն մեզի, ու կ'երագեն այն հեռաւոր օրուան՝ ուր գայլ ու գառնուկ մէկտեղ կ'արածուին...:

Մանուկի պէս տգէտ ցեղ մը ուսման կաթին է կարօտ, այն բարի ու անարատ ու սպիտակ կաթին որ հիւանդներն իսկ կարենային մարսել: Իսկ մեր համալսարանականները, որ մեր մտաւոր ստնտու մայրերը պիտի ըլլային, դեռ կերածնին չմարսած կու գան մեր առջեւ փսխելու...:

Որբուկի պէս անտէր ցեղ մը հուժկու, ու լուսեղ ու սիրտբուխ բարբառի մըն է ծարաւ: Իսկ մեր գրագէտները հանելուկային, առեղծուածային, խաւարակուռ բաներ կ'ըսեն իրեն. ու մեր քերթողները՝ գրիչնին հայ արեան մէջ թաթխելէ վերջ՝ չինարեն տաղեր կը գրեն որպէսզի մա՛րդ չհասկնայ...:

Թռչունի պէս վիրաւոր ցեղ մը, փոքրիկ վիրակապի մըն է կարօտ՝ իր թեւերը նորէ՛ն բանալով միջոցին մէջ արծիւի պէս սաւառնելու համար: Իսկ մեր ընկերաբանները թո՛յն կը փչեն բոյներէն ներս, ու մեզ կը խօսին այն տարտամ ապագաներուն վրայ՝ ուր ազգն ու հայրենիք կը լուծուին համաշխարհային միջազգայնականութեան մը մէջ...:

Այսպէ՛ս էր նաեւ Հին Յոյներուն մէջ: Երբոր Հիւանդ մը փրկելու ամէն յոյս կը կորսուէր՝ բժիշկը կը հեռանար իր սնարէն, ու փիլիսոփայ մը կը նստէր հոգեվարքին մօտ, մահամերձը մխիթարելու համար այն հոյսով թե օր մը ամէ՛ն կեանք ու ամէ՛ն անհատականութիւն պիտի հալին տիեզերական գոյացութեան մը մէջ...:

Ո՛չ, մենք դեռ այդ օրին չհասանք, մենք դեռ ապրիլ կ'ուզենք, մեզ հոգիի ու մարմնի բժիշկներ միայն պէտք են:

Հեռո՛ւ մենէ՛ ախտագին մտաւորականներ: Դուք ցեղին ուղեղն եք, բայց երբ այդ ուղեղը ուրիշ կերպ չի կրնար խորհիլ քան յուսահատեցնելով մեր կենսունակութիւնը, մենք պիտի փրցնենք ու նետենք այդ ուղեղը:

Մենք նոր միտքեր, նոր սիրտեր, նոր հոգիներ պիտի դարբնենք:

Մեզի կարմիր ու մսուտ շուրթերով, ուժեղ ու ժպտուն գրականութիւն մը պէտք է:

Մեզի առողջ ու երիտասարդ մտաւորականներ պէտք են: Զուկն իր գլուխէն կը հօտի, ազգն՝ իր մտաւորականներէն: Անո՛նք են ցեղի մը գլուխը:

Կրնայ մարմինը շատ ուժեղ ու շատ գործունեայ ըլլալ, բայց երբ ուղեղը խաթարուած է՝ այդ մարմնին շարժումը պիտի ըլլայ միա՛յն յիմարական գործունեութիւն և անպտուղ յոգնութիւն:

Ահա թե ինչո՞ւ իրական վտանգները թողլով՝ հովերուն դէմ ու մենք մեզ դէմ կը պայքարինք: Ահա թե ինչո՞ւ փոխանակ յառաջադիմելու՝ խենթերու պէս կեցած տեղերնուս վրայ կը ցատկենք երկու հազար տարիէ ի վեր...:

Այո, մեր ցեղը տարօրինապէս կենսունակ ու աշխատող ցեղ մըն է: Այո՛, մեր հնամենի նաւը դեռ ջուրերուն վրայ կը ծփայ, դեռ չընկղմեցաւ: Բայց ի՞նչ է պատճառը որ երէկուան նաւակները

մեզ արդէն անցան, ու մենք Ուրուական Նաւին
պէս կը ծածանինք դեռ, անխորասուզելի՛, բայց և
Հաստատ ցամաքի մը Հասնելու անկարող...:

Ասոր պատճառները շատ բարդ են անշուշտ:
Բայց գլխաւոր պատճառներէն մէկն ալ ա՛յն է որ
դեկին գլուխը կը նստեցնենք մեր է՛ն ախտազին,
է՛ն այլասերած, է՛ն անպէտ ծնունդները:

Սակայն ստո՛յգ, ստո՛յգ կ'ըսեմ ձեզի, վտանգը
մեծ է, շատ մեծ, աւելի՛ մեծ, քան կրնանք ենթադ-
րել:

Ժամանա՛կն է Հակազդելու, Հակազդե՛նք:

Մեզի նոր Ոսկեդար մը պէտք է, նոր Ոսկե-
դա՛ր մը:

Այլասերո՞ւմ, ո՛չ, Վերածնո՞ւնդ...:



ՀՈՒՍԱՆԿԱՐՆԵՐ



1915թ., Կ. Պոլիս



1908թ., Լոզան

1908թ., Լոզան



1908թ., Լոզան





1914թ., Կ. Պոլիս



Ռ Սևակի վերջին
լուսանկարը
Թուրքական բանակի
բժշկական ծառայու-
թյան սպայի համա-
զգեստով
1915թ., Կ. Պոլիս



Տ. Պ. Ռ. Չ/Լ/Յ/Կ/

(Ս. ՍԵՎԱԿ)

1914թ., Կ. Պոլիս



1908թ. Լոգան, ձախից երկրորդը Ռ. Սևակն է, երրորդը՝
Ա. Չոպանյանը, չորրորդը՝ Կամիսասը

Յաննի Ապել
1914թ., Կ. Պոլիս
(լուսանկարի հեղինակը
Ռ. Սևակն է)





*Ռուբեն Սևակը կնոջ՝
Յաննի Ապել-Չիլինկիրյանի հետ
1910թ. ապրիլ, Լոզան*



*Սևակի մայրը Սևակի
եղբորորդու՝ Հովհաննեսի
հետ
1925թ., Աթենք*



*Ռուբեն Սևակը կնոջ՝
Յաննի Ապել-Չիլինկիրյանի հետ
1910թ. ապրիլ, Լոզան*



Ռուբեն Աեակը
 կնոջ՝ Յաննի
 Ապել-
 Չիլինկիրյանի հետ
 1910թ. ապրիլ,
 Լոզան



Յաննի Ապել-
 Չիլինկիրյանը Լևոն
 և Շամիրամ
 Չիլինկիրյանների
 հետ
 1916թ.



*Յաննի Ապելը (ձախից երրորդը)
ծնողների և բրոջ հետ
1905թ. Էրֆուրտ*



*Յաննիի հայրը՝
Ֆրանց Ապելը*



*Յաննի Ապելը
1907թ., Լոզան*



Չիլինկիրյանների տունը Սիլվիբրուս



Կ. Պոլսի այն տունը, որի բնակարաններից մեկում 1914-15թթ. ապրել է Ռուբեն Սևակը (խանութի վերևի երկու լուսամուտներն այդ բնակարանինն են)



*Ռուբեն Սևակը Լոզանի Համալսարանի մուտքի առջև,
1907թ.*





1907թ., Լոզան

Առեկ

Մտք իմ եւ ինքն իմ անտէր ինքն
Ինքն իմ անտէր ինքն ինքն ինքն
Ինքն իմ անտէր ինքն ինքն ինքն
Ինքն իմ անտէր ինքն ինքն ինքն

Ինքն իմ անտէր ինքն ինքն ինքն
Ինքն իմ անտէր ինքն ինքն ինքն
Ինքն իմ անտէր ինքն ինքն ինքն
Ինքն իմ անտէր ինքն ինքն ինքն

Ինքն իմ անտէր ինքն ինքն ինքն
Ինքն իմ անտէր ինքն ինքն ինքն
Ինքն իմ անտէր ինքն ինքն ինքն
Ինքն իմ անտէր ինքն ինքն ինքն

Ինքն իմ անտէր ինքն ինքն ինքն
Ինքն իմ անտէր ինքն ինքն ինքն
Ինքն իմ անտէր ինքն ինքն ինքն
Ինքն իմ անտէր ինքն ինքն ինքն

Առեկ

Ռուբեն Առեկի «Առեկը» բանաստեղծութեան
ինքնագիրը

ԲՈՎԱՆ ԴԱԿՈՒԹՅՈՒՆ

ՊԱՐՏՔԻ ԵՎ ՊԱՏՎԻ ԱՍՊԵՏԸ - Այ. Թոփչյան	3
ԿԱՐՄԻՐ ԳԻՐՔԸ	10
ՋԱՐԴԻ ԽԵՆԹԸ (բեմական մեկախառնություն)	11
Քրքիջը	12
Թափառու մը	13
Կարմիր դառաւատանը	14
Անոնք որ կուգան	15
Մեր բաձանան	16
Գեսը	17
Աստուած	17
Գիշերին մէջ երգ	18
Ոճերը	19
Ցեղին ուխտը	20
ԹՐՔՈՒՂԻՆ (գեղջուկ եղերերգ)	22
Ասեղի չիւսքը	23
Ա՛յ աղջիկ	23
Հայդուկը	24
Հայուհին	24
Ասեանդու մը	25
Կարմիր մկրտությունը	25
Պուտ մը արիւնը	26
Կուսերգություն	27
Վրէժը	28
ՄԱՐԴԵՐԳՈՒԹՒԻՆ	29
Գիւղական եկեղեցիին մէջ - Մնուկը	30
Գիւղական ճամբուն վրայ - Կեանքը	36
Գիւղական գերեզմանատան մէջ - Մահը	42
ՄԱՄՈՒԼԻ ԷՋԵՐԻՑ	48
ՀՈԳԻՍ	49
ԿԱՐԱՊՆԵՐԸ	50
ԼԷՄԱՆ	52
ՅՆԾՈՒՆ ՄԱՀ	53
ԳԻՆՈՎ ՍԷՐ	54
ՎԵՐՋԱԼՈՅՍ	55
ՍԻՐՈՅ ԱՂԲԻՐ	57
ՍԻՐՈՅ ՄՐՄՈՒՆՋ	58
ԷՏԸՎԷՅՍ	59
ԺԳԻՏ	59
ՁԸ ՀԱՍԿՑՈՒԱ՛Ծ	60
ԵՐՆԷ՛Կ ՋՈՒՐ	61
ՀԻՆ ԵՂԱՆԱԿ	62
ՏՐՏՈՒՄ ՈԳԻ (սիրերգ)	63
ՍԻՐՈՅ ԵՒ ՄԱՀՈՒՄՆ ԵՐԳԸ	64
ՄԱՀԱԶԳԱՑՈՒՄ	65
ՉԻՆԻՆ	66

ԵՐԱԶՆԵՐ	67
ՍՏԻՆՔԸ	68
ԱՍՏԳԻ ՄԸ	69
ԱՍԳԵՏԻՆ ԵՐԳԸ	70
ԳԱՏՈՂ ՄԱՐԴԸ	71
ԵՐԵՔ ԶԻԱՒՈՐՆԵՐ	71
ՍԷՐԸ	72
ՍԻՐԷ	73
ՎԱՂԸ	73
ԳԶՏԻԿ ՍԻՐՏԸ	74
ՈՆ	75
ԳԻՇԵՐԻՆ ՄԷՋ	76
ԳԻՇԵՐՆ ԻՋԱԻ	76
ԴՐԱՄԻՆ ԱՂՕԹՔԸ	77
ԿԱՐԻՃԸ	78
ԾԵՐ ԲՈՐԵՆԻՆ	79
ՊՈՌՆԻԿԸ	79
ԱՐԳԱՍԱՒՈՐՈՒՄ	80
ԻՆՉՊԷՍ ԵՐԲԵՄՆ	81
ՉՀԱՍԿՑՈՒԱԾՆԵՐԸ	82
1. Հայր	82
2. Վերջին արքայն	83
3. Պիտի մեռնի	84
4. Իժը	85
5. Չղջիկը	86
ԻՐԵՆՑ ԳԱՏՄՈՒԹԻՒՆԸ	87
ԱՀԱԶԱՆԳՆԵՐԸ	88
ԿԻԼԻԿԵԱՆ ԵՐԳԵՐ	89
I. Վրեժին սերմնացանը	89
II. Հայու որրիկ	90
III. Վերջին արք	90
ՈՎ ԻՄ ՀԱՅՐԵՆԻՒՔՍ	92
ՉԱՆԳԱԿՆԵՐ. ՉԱՆԳԱԿՆԵՐ	95
ԹՐՈՒԳԱՏՈՒՐՆԵՐԸ	97
ՎԵՐՋԻՆ ՀԱՅԵՐԸ	101
ՀԱՅԱՍՏԱՆ	101
ԻՆՉՈՐԻ	105
ԵՐԹԱՂ	105
ԱՅԼԱՍԵՐՈՒՄ	107

ԼՈՒՍԱՆԿԱՐՆԵՐ	114
--------------	-----

ՌՈՒԲԷՆ ՍԵՒԱԿ

ՀԱՏԸՆՏԻՐ

Ժողովածուն կազմեց և առաջարանեց
Ալեքսանդր ԹՈՓՉՅԱՆԸ



Պուշկինի 46

Չեռ. + 374 (10) 53 96 47, + 374 (91) 42 51 63

E-mail: lusabats@netsys.am

lusabatc@mail.ru

*Տպագրությունը՝ օֆսեթ, թուղթը՝ կավճապատ, 80գ/մ²,
տպաքանակը՝ 500*

*Տպագրված է «Լուսաբաց հրատարակչատան»
տպարանում*



Դուրս Երբս չի ես, նուր Երբս չի ես, նուր Ա՛րի ես.
Տարաւ յարտի չիսն ճարճ չի ես սոցուր.
Մարտիսիսի յոնկոնկոնիսն յուսուր
Դուր Երբս չի ես, նուր Երբս չի ես, նուր Ա՛րի ես.
Դուր Երբս չի ես, նուր Երբս չի ես, նուր Ա՛րի ես.

Shirley



ՆՐԱՏԱՐԱԳԱՏԱՐԻ

ԳՈՒՍԱՐԳՅ

PUBLISHING HOUSE

ИЗДАТЕЛЬСКИЙ ДОМ